

COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS XIII. PARS II.

LIPSIAE MDCCLXVI.
APVD IOH. FRIDERICVM GLEDITSCH

Venduntur etiam

Amstelodami apud I. Schreuder, Parisiis apud Briasson, Patauii apud I. Manfré,
Holmiae apud L. Saluium.



I.

Histoire naturelle générale et particulière avec
la description du Cabinet du Roi. Tome
Onzième. A Paris, de l'imprimerie Royale.
1764. 4. Alph. 2. pl. 11. tab. aen. 43.

h. e.

Historia naturae vniuersalis et particularis, cum
descriptione musei regii. Tom. XI. etc.

Inter quadrupeda, quae hic describuntur, animalia, p. 1.
primum *Elephantus* est. Hoc animal, omni-
um maximum, in statu naturali nec sanguinolentum
nec ferox est, natura mite, nec vnquam armis suis
abutitur, nisi defendere se ipsum aut alia ex suis
protegere cogitur. Sociabile animal est, raro soli-
tarium apparet; plerumque gregatim ingrediuntur;
natu maximum agmen ducit, aetate proximum
idem cogit; hunc tamen ordinem non nisi in iti-
nere periculoso, cum terras cultas pasci tentant,
obseruant; minus cauta in syluis incedunt, nun-
quam tamen prorsus se separant, nec nimis longe
recedunt. Venatores integram gregem aggredi
non audent; paruo enim exercitu opus esset. Peri-
culosum est, iniuria ea afficere; recto enim cursu
offensori obuiam eunt, tuncque dentibus suis seu
armis eum perforant, aut proboscide tenent et

M. 2

subla-

sublatum vt lapidem in terram deiiciunt, pedibusque deculcant, sicque conterunt. Nunquam tamen nisi prouocata sic se gerunt. Elephanti fluuiorum ripas atque loca vmbrosa et humida amant. Saepe in aquam se immittunt, nec, licet corpus eorum enorme sit, submerguntur. Longitudo enim proboscidis, quam in sublime edunt, cuiusque ope respirant, a suffocatione eos defendit. Radicibus, herbis, foliis et ligno teneriori, etiam fructibus et seminibus viuunt; a carnibus vero et piscibus abhorrent. Si vnus eorum pascua larga reperit, gregales suas conuocat, et in communionem deducit. Difficile est metum eis iniicere; inter omnia tamen ignes artificiales eos terrent, et res igniuomae ex puluere pyrio paratae (*Petards*), quae eis obiiciuntur, quorum effectus subitus statimque renouatus eos arcet, facitque, vt recurrant. Coituri solitudines petunt et in abdito coeunt. Mares triennio interposito coitum repetunt. Feminae vterum biennio gerunt, et singulos tantum pariunt. Statim cum natus est elephantus, dentes habet, licet eos non illico conspicuos obtineat, sexto tamen aetatis mense aliquot pollices longi sunt. Ipse autem elephantus tunc boue maior est. Cicures facti nunquam coeunt. Semel cicur factus mansuetudine et obsequio omnia animalia superat. Breui enim tempore vocem gubernatoris distinguere nescit, et quae iste imperat, exsequitur. Amicis suis proboscide blanditur eademque homines, quos venerari debet, salutatur. Admouendas moles ea vtitur, hasque sibi imponere se ipse iuuat. Virga ferrea regitur, saepeque soli insidentis voci obsequitur. Interdum gubernatori adeo assuescit, vt obseruatum fuerit, quendam, cum iracundia permotus sessorem suum occidisset, tam valde desiderasse, vt poenitudine et moerore confectus obiret.

Licet

Licet elephanti omni biennio aut triennio vnum tantum pullum parturiant, nihilo tamen minus numerosi sunt, siquidem vitae longaeuitas paruitatem numeri compensat. Dicitur enim duo saecula vivere et ad annum centesimum et vigesimum soboles procreare. Elephanti reperiuntur in Africa et Asia; in illa tamen numerosiores sunt et frequentiores; sunt etiam minus diffidentes minusque feri. India orientalis et Africa eae sunt regiones, vbi terra et coelum conuenientissimum eis est. In genere elephanti Asiatici ratione corporis et virium Africanos superant, et Ceylandici ratione animi et intellectus Asiaticis praestant. Caeterum vires horum animalium magnitudini eorundem respondent. Elephanti domestici maiora officia dominis suis praestant, quam quinque vel sex equi: abundanti tamen et exquisito nutrimento opus est. Eis plerumque oryzam crudam aut coctam cum aqua mixtam praebent: dicuntque ad vigorem conseruandum quotidie centum libris oryzae opus esse. Praebent eis etiam herbas pro refrigerio: exaestuationi enim obnoxii sunt. Necesse etiam est, vt bis terue de die ad balneandum in aquam deducantur. Proboscide aquam haurit, eamque bibendi causa ori admouet, postea proboscidem flectendo reliquam aquam super omnes partes corporis manare curat. Elephantorum color communis ex gryseo cinereus seu nigrescens est; albi admodum rari sunt; reperiuntur etiam rufi. Oculi eorum respectu voluminis corporis admodum parui sunt, sed fulgidi et viuaces. Aures valde magnae apparent, respectu corporis multo longiores, quam aures asini, et planae, vt hominis. Plerumque pendulae sunt; sed animal eas tollit et magna cum facilitate mouet, eisque ad abstergendos oculos et a puluere ac muscis eos defendendos vtitur. Olfactus eius exquisitus est, re-

busque odoratis cuiuscunque generis, et inprimis floribus odoriferis delectatur, quos colligit singulos, odoreque saturatus, eosdem ori admouet et gustare videtur. Quod ad sensum tactus attinet, proboscide vtitur, quae admodum sensilis vt hominis manus est. Componitur ea ex membranis, nervis et musculis; estque membrum motuum capax, infimulque sensus organon. Eam animal non solum mouere et flectere, sed etiam contrahere, extendere et vndiquaque volutare potest. Extremitas proboscidis margine terminatur, qui antrorsum sub digitorum forma elongatur, cuiusque ope hoc animal omnia praestat, quae homo digitis solet. Haec elephanti manus maiora commoda quam hominis habet; non solum enim flexilis est, sed etiam ad apprehendendum singulaque tangenda idonea. Cuncta haec fiunt ope appendicis, quae ad superiorem partem marginis, extremitatem proboscidis cingentis, digitorum more situm occupat, et in cuius medio cauitas sub cyathi forma relinquitur, ad cuius fundum duo orificia canalium communium olfactus et respirationis reperiuntur. Elephantus itaque nasum in manu habet, viresque pulmonum suorum actioni digitorum iungere et per fortem suctionem liquida attrahere, vel corpora solida admodum ponderosa attollere valet, dum superficiei eorum marginem proboscidis applicat, et per inspirationem cauum interius producit. In genere itaque notandum est, elephantum respectu corporis monstrum esse; corpus enim admodum crassum et absque mollitie est, collum breue fereque inflexile, caput paruum et difforme, aures enormes et nasus adhuc multo magis enormis, oculi admodum parui aequae ac gula, membrum genitale et cauda; crura crassa, recta minusque flexilia, ac pedes tam breues tanque parui, vt fere nulli esse videantur, caeterum cutis

dura,

dura, crassa et callosa. Ex his multa incommoda in animal redundant. Sic caput vix flectere, neque etiam se ipsum flectere, nec regredi potest, nisi circumculum faciat. Crura lente et difficulter flectuntur, si tamen iuuenis est elephante, ea flectit, quando somnum capere vult, aut onera ei imponuntur. In fene autem vel aegroto motus iste adeo difficilis fit, ut lubentius somnum capiat erectus, atque si procumbere cogitur, ad erigendum animal machinis posthac opus est. Arma eius, puta dentes, aetate admodum ponderosa euadunt, cumque non ut in aliis animalibus cornua verticaliter locentur, duos longos vectes formant, qui horizontaliter fere positi caput insigniter fatigant et deorsum ducunt, adeo, ut animal ad tenendos eos murum excavare interdum cogatur. Cum olfactus organon a gustus organo admodum remotum sit, illud incommodum provenit, quod ore nihil a terra suscipere valeat, siquidem breue collum flectere nequeat. Alimenta itaque et potum ope nasi suscipere eaque ad fauces usque introducere cogitur; atque si proboscis aquae plena est, extremitatem eiusdem ad radicem linguae usque intromittit, eum forte in finem, ut epiglottidem deprimat et impediat, quo minus liquor in laryngem defluat. Aquam enim, quam inspirationis ope hausit, itidem per expirationem impellit. Pari quoque ratione mammas fugit elephante iunior, quod naso, neque ore, ut veteres dixerunt, perficit; qua in re igitur ab aliis animalibus differt. Differunt etiam elephanti in eo, quod aliter coeant. Femina enim supina marem suscipit. Sonus quoque, quem edit, admodum singularis est, et licet ultra milliare percipiatur, minime tamen adeo horribilis, ut tigridis rancor aut leonis rugitus est. Cute insuper se distinguit elephante; ea enim pilis tecta non est, sed nonnullas tantum

fetas in rimis habet, quae super corpus tenuiter disseminatae, in palpebrarum autem ciliis, in occipite, in aurium orificiis et in parte interiore femorum crurumue numerosae admodum sunt. Epidermis dura, callosa et rugosa corticique quercus anosaefae similis est. Cuti non nisi nonnullarum fibrarum ope adhaeret. Sicca ea est et facillime crassescit, saepeque tres quatuorue lineas crassa fit; haec crassities caussam sic dictae elephantiasis seu leprae siccae sistit, cui homo, cuius cutis pilis denudata est, obnoxius esse solet. Hic morbus elephanto valde communis est; et ne iste subueniat, Indiani animal saepe oleo inungunt, et cutis mollietiem per crebriora balnea conferuant. Pedes et crura in elephanto aliter ac in aliis animalibus sunt. Crura anteriora altiora quam posteriora esse videntur, haec tamen paulo longiora sunt, neque vt in equo aut boue constituta. Pes enim extremus admodum brevis est terraeque impositus; genu medio in crure vt in homine, neque ventri proximum est; pes in quinque digitos, totidem vnguibus armatos diuiditur, digitique omnes cute ita obteguntur, vt nulli fere appareant. Planta pedis duro corio, corneo quasi obtegitur. Aures valde longae sunt, iisque ceu flabello vtitur elephantus, iisdemque, prout placet, plangit. Cauda, aure paulo longior, plerumque duos pedes cum dimidio aut tres longa est. Admodum tenuis, acuminata et in extremitate crassis pilis seu potius filamentis corneis, nigris, nitentibus et solidis crispata est. Altitudo plerumque decem aut vndecim pedes est; maximi tredecim aut quatuordecim pedes alti valde rari sunt, minimi nouem pedes altitudine aequant. Veloci cursu incedunt et bene etiam natant.

P. 94. In descriptione anatomica Cl. D'AUBENTON primo ad proboscidem respicit. Haec in elephanto trede-

tredecim pedum cum dimidio octo pedes extra os longa, et quinque pedes cum dimidio ad os, vnum vero pedem cum dimidio ad extremitatem crassa et secundum longitudinem caua est. Cautas haec per septum longitudinale in duos canales diuiditur, qui super maxillam superiorem se extendunt, post-hac se curuant et ad palatum descendunt, vbi quouis orificio terminatur; duo alia orificia ad extremitatem proboscidis sunt. Proboscidem hanc elephantus vndiquaque mouere, elongare et abbreviare potest, neque tamen diametrum duorum illorum canalium mutat, huncque motum ope innumerorum muscutorum longitudinalium, qui inter membranam exteriorem et membranam canalium sunt, perficit. Os valde paruum est, et sub ebore et basi proboscidis fere absconditum. Palpebrarum apertura admodum parua apparet, oculique bulbus magnitudine vix tertiam partem bulbi oculorum bouis aequat. Inter oculum et aurem orificium deprehenditur, ex quo tempore oestri venerei humor stillare dicitur. Colon tres pedes longum eiusque diameter duos pedes est. Ventriculi diameter in parte ampliore quatuordecim tantum pollices est, longitudo vero tres pedes cum dimidio. Lingua acuta est. In pectore duae mammae apparent. Partes generationis respectu corporis paruae sunt. Penis membro genitali equi similis est; scrotum nullum est. Vulua in medio ventris fere apparet. Ossa capitis formam adeo peculiarem habent, vt cum nullo animalium comparari possint. Os frontis insigniter crassum eiusque crassities sex pollices et octo lineas est. Ex maxilla superiore duo dentes praelongi, sub eboris nomine noti, exeunt, quorum alter, qui hic describitur, in conuexa parte pedes tres, pollices sex et lineas nouem, in concaua vero tres pedes longus, et in extremitate poste-

riore pollices decem, paulo ultra pollices decem cum dimidio, ex alucolo autem prodiens sensim decre- scens in extremitate anteriore quinque pollices cum dimidio fuit. Hi dentes in maxilla superiore locum occupant, ubi in aliis animalibus dentes inci- siui sunt; in inferiore autem incisui nulli sunt; ca- nini in vtraque defunt. In superiore maxilla dentes molares sex, in inferiore autem quatuor sunt. Ver- tebrae colli septem, vertebrae dorsi viginti toti- demque costae, septem nimirum verae et tredecim spuriae numerantur. Vertebrae lumborum tres sunt, os sacrum vero ex vertebrae spuriiis tribus, et cauda ex triginta vna componitur.

P. 174. *Rhinoceros* omnium animalium quadrupedum potentissimum aestimatur; longitudo eius a fine ro- stri ad ortum caudae usque ad minimum duodecim pedes est, altitudo vero sex vel septem pedes est. Ratione voluminis et totius massae ad elephantum accedit; elephanto quidem multo minus apparet istud animal; ratio autem non nisi in breuitate cru- rum quaerenda est, quippe quae in eo multo bre- uiora quam in elephanto sunt. Caeterum ratione facultatum naturalium multum ab hoc differt, et ab aliis quadrupedibus non nisi fortitudine, magni- tudine et cornu, quod in naso gerit, et quod solum huic animali proprium est, diuersum aestimatur. Hoc cornu valde durum et secundum totam suam longitudinem solidum; et maiori cum emolumento, quam cornua ruminantium, locatum est. Omnes enim partes anteriores rostri defenduntur, adeo, ut tigris elephantum potius quam rhinocerotem aggre- diatur. Corpus praeterea inuolucro impenetrabili tectum est, hinc animal nec tigridis nec leonis ungues, nec ferrum ignemque venatorum metuit. Cutem contrahere nequit, eaque tantum in collo, scapulis et lumbis plicata est, et haec conformatio eam

eam vtilitatem habet, vt caput et crura, quae crassa admodum sunt et in pedes, tribus vnguibus armatos, terminantur, facilius moueri possint. Caput respectu corporis maius quam in elephanto est, oculi vero minores sunt, iique nunquam plenarie aperiuntur. Maxilla superior super inferiore producit, labiumque superius mobile est et ad sex septemue pollices elongari potest, atque in appendicem acutam terminatur, cuius ope animal hoc multo facilius, quam alia quadrupeda, plantas colligit easque in fasciculos conuoluit, eadem fere ratione, qua elephante proboscide sua id perficit. Loco duorum illorum praegrantium dentium, qui in elephanto prominent, quae arma eiusdem sunt, rhinoceros cornu suum, et in quavis maxilla duos dentes incisivos fortes habet, qui in elephanto defunt. Aures semper erectae sunt et ratione formae auribus porcinis similes, respectu corporis tamen minores; hae solae pilis seu potius setis obsitae sunt, atque caudae extremitas fasciculo setarum crassarum valdeque solidarum et durarum terminatur. Rhinoceros nec ferox nec carnivorum quidem animal est, effrenum tamen; paucis suum mores habet, in luto se volutat, loca humida et vdsosa amat, neque fluminum ripas lubenter deserit. Reperitur in Asia et Africa, numerus vero non ita magnus est. Vnum tantum pullum profert. Primo mense post partum rhinoceros canem maiorem vix maior est, nec in naso cornu habet, licet rudimenta statim in foetu dignoscantur. Duobus annis praeterlapsis cornu vnum tantum pollicem magnitudine aequat. Rhinoceros tam vtilis vt elephante non est. Indiani et Nigritae carne eius delectantur, et ex cute eiusdem corium egregium paratur et durissimum. Plantis vilioribus, carduis fruticibusque spinosis, et arundine saccharifera et quocunque granorum genere viuit.

viuit. Nullum animal metuit et cum omnibus etiam tigride vitam tranquillam agit. Gregatim non incedunt, sed solitarii potius sunt et elephantis magis feri. Homines non nisi irritati aggrediuntur. Sensus auditus et olfactus eminentiores sunt, visus vero debilis. Vox cum suum grunntu conuenit, in irritato vero acuta est et eminus percipitur.

p. 211. *Camelus et Dromas seu Camelus Dromas* duo diuersi generis animalia sunt, quorum character distinctius in gibbo est, quippe qui in camelo duplex, in dromedario autem solitarius est. Hic praeterea camelo minor minusque fortis est. Vtrumque tamen animal inuicem coit, quaeque inde producit soboles, maiorem vigorem habet, quam reliqua cuncta. Eadem haec pari ratione propagantur cumque prioribus coeunt. Dromedarii numerosiores sunt camelis: hi in nonnullis regionibus orientalibus, dromedarii vero in Arabia et Africa maxima in copia reperiuntur, et regiones aridas calidasue inhabitant, cameli vero regiones minus siccas magisque temperatas amant. Camelus omnium animalium maxime sobrius est et plures dies absque potu viuit. Arabes lacte et carne camelorum vescuntur, et ex pilis pannos conficiunt, magna onera iis imponunt cumque iisdem multa milliaria et ad quadraginta per unum diem absoluunt. Victum parcissimum sumunt cameli et plantis vilioribus, imprimis vegetabilibus spinosis, e. g. carduis, vrticis, genista vescuntur, et adeo sitim tolerant, ut per plures dies potu abstinere queant. Causa huius abstinentiae non in consuetudine, sed in structura partium infimi ventris quaerenda est. Reperiuntur nimirum quatuor ventriculi, ut ruminantibus commune est, praeter hos autem alius ventriculus, qui quintus est, in camelis deprehenditur, in quo aqua asseruatur, quae absque corruptione ibi manet, nec cum

cum alimentis in eodem misceri potest. Quando autem sitis vrget atque alimenta sicca dilutione et maceratione opus habent; tunc sola contractione muscutorum in omasum ad oesophagum vsque aquam ingredi cogit. Praeterea in inferiore parte pectoris et in crurum articulationibus insignes callositates notandae sunt, quas pari ratione ac gibbos, in dorso conspicuos, non ad statum naturalem, sed praeternaturalem Cl. BUFFON refert, et a nimio labore proferri putat. In camelis enim, si absque hominibus viuunt, eiusmodi callositates et gibbos non obseruari, coniicit. Blandum istud animal multa perfert et ad nutum obedit. Ad faciendum iter nullo flabello nec etiam calcare opus est, sique fatigatum iter continuare recusat, cantus et instrumentorum musicorum ope ad continuandum iter excitatur. Castrantur quoque cameli, et licet minus fortes tunc sint, magis tamen obsequiosi et omni tempore ad labores apti sunt. Non castrati enim tempore oestri venerei, quod tempore vernali obseruatur, et ad quadraginta dies durat, furiosi sunt, parum admodum comedunt, animalia et homines immo et dominos suos mordent, et ad labores minus idonei sunt. Coeunt cameli non vt alia quadrupeda, sed femina marem in eodem situ admittit, in quo se habet, quando quiescit et somnum capit, aut onerari se patitur. Per annum fere femina vterum gerit, et vnum tantum pullum parit. Lac copiosum tunc crassum beneque nutriens habet, eo-que tempore omni labore solutas per loca syluestria pascentes vagari permittunt. Ex lacte enim multam vtilitatem capiunt. Gibbi non nisi ex abundantia nutritionis formati esse videntur. In camelis enim, qui longa itinera facere et sitim famemque tolerare coguntur, gibbi insigniter imminuuntur et praeter pilos vix eminentia in dorso tunc apparet.

Cameli

Cameli iuniores vbera per annum fugunt, sique fortiores et robustiores desiderantur, primis annis laboribus non submitunt, sed liberos vagari et pasci et vbera fugere permittunt, et non nisi quarto aetatis anno onera imponere incipiunt.

p. 243. Ex descriptione Dromedarii anatomica notamus, animal hoc quinque ventriculos habere: proprie quidem quatuor tantum apparent, quorum quilibet duobus orificiis instructus est, primo tamen receptaculum adhaeret, vnico tantum orificio praeditum; in eo multae cauitates et septa deprehenduntur, ita formata, vt magnam copiam aquae, nihil autem alimenti solidi admittant. Collecta in his cauitatibus aqua diu retineri potest, quae demum urgente necessitate ope musculorum huius receptaculi aut musculorum abdominis in primum ventriculum cogitur. Coecum intestinum vt in aliis ruminantibus est. Anterior pars linguae tenuis et rotunda deprehenditur, et paruis tuberculis et rigidis acutisque papillis obsita. In maxilla superiore dentes incisui nulli, in inferiore autem sex cernuntur; praeter hos in quavis maxilla vtrunque dentes vncinati tres, et in maxilla superiore dentes molares decem, in inferiore autem quatuor numerantur. Vertebrae colli vt in aliis quadrupedibus septem quidem, sed admodum longae sunt. Vertebrae dorsales duodecim totidemque costae, septem nimirum verae, et quinque spuriae numerantur. Vertebrae lumborum septem sunt. Os sacrum ex vertebriis spuriiis quatuor, et cauda, quae integra hic non fuit, ex quatuordecim componitur. Pedes extremi digitis duobus, ungue praeditis, instructi sunt.

p. 426. Labia cameli ad tres pollices infra nasum extenduntur, quorum superius ad pollicem vnum lineasque decem fissum est. Lingua cameli in anteriori parte amplior est, quam in dromedario, praeterea ad extremita-

tremitem ferrata et papillis magis conspicuis donata. Caeterum multa cum dromedario communia habet, et in paucis tantum differt.

Buffelus, *Bonafus*, *Vrus*, *Bifon* et *Zebu* seu Bos p. 284.
minor Africanus BELLONII quinque haec animalia ad boum genus pertinent. Inter haec *Buffelus* a reliquis differt; reliquae enim species non nisi varietates bouis communis a diuersitate climatum et pascuorum diuersaeque viuendi ratione productae esse videntur. *Buffelum* autem diuersum esse, varia suadent. *Buffeli* nimirum nunquam cum vaccis vulgaribus coeunt: a natura duriores sunt et minus mansueti. Excepto porco omnium animalium domesticorum sordidissimum est; figura praegrandis apparet et caput semper humi procumbit. Vox eius mugitus horribilis est. A boue imprimis externe ratione coloris cutis differt, quae nigra est paucisque pilis obsita. Corpus maius et breuius quam in boue cernitur; crura altiora sunt et caput respectu corporis multo minus apparet; cornua minus rotunda, nigra et ex parte compressa sunt. Cutis etiam crassior et durior quam in boue est; caro nigra et dura deprehenditur, sapore non solum minus grato est, sed etiam odore displicet. Lac vaccino minus bonum maiori quantitate praebet femina. Ex eo in regionibus calidioribus omnia fere caseorum genera parantur. Inter omnes huius animalis partes corium praestat et lingua tantum edulis est. Ad subeundos labores bobus aptiores sunt; adhibentur imprimis ad trahendos currus, atque tunc ope annuli, quem in naso gerunt, diriguntur. Duo *buffeli* idem praestant, quod quatuor equi validi praestare solent. Respectu magnitudinis seu potius massae et crassitiei locum statim post elephantum, rhinocerotem et hippopotamum occupat. Femina duodecim menses vterum gestat, et vnicum

cum tantum pullum edit. Buffeli feri magna in quantitate in regionibus Africae et Indiae vtriusque reperiuntur, imprimis vbi flumina et pascua magna sunt. Licet campos insigniter deuastent, nunquam tamen nisi vulnerati homines inuadunt, et tunc hostem in terram prosternunt et pedibus interficiunt. Ignis aspectum fugiunt; color ruber eis displicet. In aquam libenter se immergunt; bene natant et flumina rapidissima tranant; in terra continente facilius etiam incedunt quam bos. Nigritae et Indiani eos venantur magnamque vtilitatem ex cute eorum et cornubus capiunt.

P. 337. Omasus buffeli insignis est, et totam fere abdominis cauitatem occupat. Dentes cum taurinis conueniunt et in maxilla inferiore dentes incisivi octo, in quavis vero maxilla duodecim molares reperiuntur. Multa caeteroquin cum tauro communia habet.

P. 352. *Musmon* seu *Musimon* ouis est, ex qua omnes, quotquot sint, oues prouenisse dicuntur. Tot enim diuersasque diuersarum regionum oues non nisi varietates, a diuersitate climatum prouenientes, esse et ortum Musmoni debere, Cl. BUFFON autumat. Est autem Musmon ouis omnium viuidissima, fortissima et leuissima et arieti maxime similis; ac, si discrimen inter musmonem et ouem domesticam admittendum, id sane in pilis quaerendum est. Non enim lana sed pilis dictum animal vestitum est. Attamen lanam characterem essentialem ouium non esse, sed productionem tantum climatis temperati, ouesque eiusdem speciei in regionibus calidis pilis vestitas apparere, Noster asserit et musmonem in montibus Graeciae, insulis Cypriae, Sardiniae et Corsicae atque in desertis Tartariae reperiri, perhibet.

P. 376. Ex descriptione anatomica, quam dedit Cl. D'AUBENTON, notamus, musmonem maximam simili-

similitudinem habere cum ariete, et respectu formae exterioris, et partium internarum. Monet P. 387. etiam Noster, arietem Islandicum ab ariete vulgari non nisi numero cornuum et longitudine caudae et qualitate lanæ differre. Aries enim Islandicus tria habet cornua; vnum nimirum in utroque frontis latere et tertium inter duo priora. Tandem arietem Indicum, notat, quoque cum ariete vulgari conuenire, praeter quam, quod caput admodum elongatum et ad latera rostri compressum sit, sub gula duae glandulae, ut in capris, propendeant, et cauda ad terram usque descendat.

Axis animal est, quod respectu cornuum cum ceruo et respectu formae et agilitatis cum dama conuenit, ab iis autem in eo differt, quod pellem maculis albis distinctam habeat et regiones calidas inhabitet. Quum nondum obseruatum sit, dictum animal cum ceruo aut dama coire, istud peculiarem speciem, inter ceruum et damam mediam, constituere, Cl. BUFFON coniicit.

Ex descriptione anatomica apparet, animal hoc pellem habere, cuius pili in extremitate albi et ad radicem fului sunt, caeterum maculis albis distinctam. Dentes vncinatos, ut ceruus, non habet, in inferiore autem maxilla octo dentes incisui et in quauis maxilla duodecim molares, ut in ceruo et dama, reperiuntur.

Zebu animal Africanum est, cuius mentionem superius in descriptione buffeli Cl. BUFFON fecit. Ad bouum genera pertinet. In Africa vocatur *Lant* vel *Dant*, quod nomen alii etiam animali Americano imponitur, quod itaque pro boue illo non habendum, sed *Tapir* vocandum est, cuius historia mox a Nostro dabitur.

In descriptione huius animalis notat Cl. DABENTON, bouem hunc, licet adultus sit, vitulo
Tom. XIII. Pars II. N quinque

quinque septimanarum maiorem non esse, et cornua quinque pollices tresque lineas longa, in anteriore dorsi parte gibbum, quatuor pollices cum dimidio altum, habere, caeterum bouem similitudine referre, crura tamen eius minora et aures longiores esse.

p. 444. *Tapir* seu *L'Anta*, animal Americanum, magnitudine paruae vaccae et omnium animalium Americae maximum est. Vocatur a Brasiliensibus *Tapierete*, a Lusitanis *Anta*. Neque cornubus neque cauda instructum, crura breuia corpusque arcuatum, vt porcus, habet. Caput eius crassum et rostrum longum est. In qualibet maxilla dentes incisui decem totidemque molares reperiuntur. Animal noctu tantum e locis palustribus, quae inhabitat, egreditur, frequentiusque in aqua, quam in terra, commoratur. Plantis et radicibus vescitur ac dentibus ad se defendendum non vtitur. Animal mansuetum et timidum est omniaque pericula fugit. Non festinanter currit, bene tamen natat et plerumque gregatim incedit. Corium eius tantae tenacitatis est, vt globulo ex sclopeto expulso resistat. Caro ab Indianis quidem comeditur, sed ingrati est saporis.



II.

Naturgeschichte des Mineralreichs mit besonderer Anwendung auf Thüringen, herausgegeben von D. IOH. WILHELM BAUMER, Churfürstl. Maynzisch Rath, der Acad. der Wissenschaften, Medic. und Philos. Facultät zu Erfurt Beysitzer, der Anatomie, ausübenden Arzneywissenschaft und Naturlehre Professor. Mit Kupfern. Gotha, verlegts Joh. Christian Dietrich. 1763. 8. Alph. I. pl. II. tab. aen. II.

h. e.

Historia naturalis regni mineralis, Thuringiae inprimis inseruiens. Auctore Cl. IOH. GUILLIELMO BAUMER. etc.

Nouem sunt partes, quae librum hunc constituunt. Prima de igne subterraneo, rebus inflammabilibus et aere; secunda de aqua; tertia de salibus; quarta de terris; quinta de lapidibus; sexta de accidentali lapidum forma et petrefactis; septima de mineris et metallis; octaua de semimetallis eorumque mineris; nona demum de montibus agit. Ex his generaliora quaedam adducere liceat. De igne subterraneo Noster agens ignis, caloris, luminis, flammae et incandescentiae rationem et pyritarum exaestuationem insimulque montium igniuomorum et terrae motuum causam exponit. Ad inflammabilia corpora naphtham, petroleum, maltham, seuum minerale, balsamum minerale, ambram, succinum, gummi copal, quod a succo indurato plantae, Rhus dictae, itidem Copal dicto, distinguit, porro asphaltum,

- tum, gagaten, lithantraces, lignum fossile seu bituminosum, cespitem bituminosum, terras bituminosas, terram vmbriam, sulphur natium et pyriten refert. Aerem subterraneum perpendens, istum variis vaporibus acidis, arsenicalibus mixtisque repletum et noxas insignes inferre, et vtilitate quoque
- p. 54. nequaquam destitutum esse, monet. Aquas in insipidas et sapidas distinguit; ad priores pluuialem et niueam, fontanam, fluuialem, aquas petrefacientes; ad posteriores thermas, aquam alcalinam, amaram seu natrosam, muriaticam seu fassam, aluminosam, martialem, sulphuream, bituminosam et aeriosam refert, insimulque de motu aquae marinae
- p. 110. agit. Salia in acida, alcalina, media et styptica diuidit.
- p. 136. dit. Terrarum quinque classes constituit et primo de calcareis, postea de gypseis, tum de argillosis, porro de vitrescibilibus, tandem de compositis agit. Ad calcareas cretam, terram tophaceam et lac lunae; ad gypseas nihil album fossile; ad argillaceas argillam figulorum, terram porcellanam, molybdaenam et terras micaceas; ad vitrescibiles arenam et terram tripolitanam; ad terras compositas lutum commune, margam, humum atram, arenam volatilem, terram ruralem, terras bolares, lithomargam
- p. 167. variasque terras metallicas et venenatas refert. Lapidem eadem ratione, vt terras, in calcareos, gypseos, argillaceos, vitrescibiles et compositos diuidit. Calcareis lapidem calcareum vulgarem, lapidem suillum, schistum calcareum, lapidem armenium, marmora, cretam, tophum, stalactitem, oolithos et pisolithos, osteocollam et spatium calcareum; gypseis lapidem gypseum vulgarem, alabastrum, spathum gypseum, glaciem Mariae seu lapidem specularem, inolithum et litheosphorum seu lapidem Bononiensem adnumerat. Inter argillaceos smeclitem, rubricam, lapidem ollarem seu lebetum, steatitem,

ten, lapidem serpentinum, lapidem nephriticum, talcum, amiantum, asbestum, alutam montanam, micam, argyrolithum seu vitrum ruthenicum, pro aphroselenite non habendum, molybdaenam, schistum argillosum, schistum friabilem, lapidem lydium et basalten nominat. Vitrescibilibus gemmas, adamantem nimirum, rubinum, sapphirum, topasium, smaragdum, chrysolithum, amethystum, hyacinthum, beryllum, opalum, turmalinum, granatum; reliquis vitrescibilibus quarzum, crystallum montanam, quarzi colorati species, nonnullas spati species, filices, lapidem fabulosum, lapidem corneum, achaten, carneolum, corallachaten, chalcedonium, onychium, pyromachum, jaspidem, lapidem lazuli, zeoliten et pumicem accenset. Ad lapides compositos margoden, schistos margaceos, spatium vitrescibile, lapides lutosos, suber montanum, graniten, saxum, kneusum, magnesiā vitriariorum, pseudogalenam, lapides metalliferos et varia lapidum aggregata refert. Ultimo de litho-
p. 273.
morphis et petrefactis agit, atque haec in zoolithos, zoophyolithos et phyolithos distinguit. Inter zoolithos anthropoliti et theriolithi considerantur, hique rursus in tetrapodolithos, ornitholithos, entomolithos, ichthyolithos, amphibiolithos et ostracodermatolithos diuiduntur. His expositis ad mi-
p. 364.
neras et metalla progreditur Noster, primoque de substantiis mineralisantibus, matricibus, ortu et partibus constitutivis metallorum, montibus metallicis et stratis mineralium agit. Posthac metalla primoque aurum et platinam considerat. Ad mineras argenti, quod interdum natium reperitur, mineram argenti vitream, mineram argenti corneam, mineram argenti rubram, mineram argenti albam, argentum ferro et arsenico sulphurato mineralifatum (*weiss Erz*) mineram argenti nigram, mine-

ram argenti griseam et mineram argenti antimoniam capillarem refert. Mineris cupri, quod etiam interdum natium occurrit, mineram cupri vitream, mineram cupri rubram, mineram cupri griseam, mineram cupri fulream, lapidem lazuli, malachiten, mineram cupri nigram, chalcopyriten et mineram arsenici ex flauo rubram, accenset. Stanni mineris, quod nunquam natium, et semper ferro nec aliis metallis mineralisatum reperitur, crystallos minerales stanni, mineram crystallosum stanni, lapidem stanniferum, lapidem stanniferum spathaceum, et stannum calciforme adnumerat. Mineris plumbi, quod nunquam natium occurrit, plumbum argento sulphurato mineralisatum seu galenam, plumbum antimonio et argento sulphurato mineralisatum, mineram saturni nigram, quae destructa galena est, plumbum arsenico mineralisatum seu mineram plumbi spathaceam, mineram plumbi viridem, mineram plumbi griseam et cerussam natiam accenset. De ferro cum aliis notat, id vel in forma lapidum vel in forma minerarum reperiri. Ad mineras ferri lapidem ferri vulgarem, magnetem, mineram ferri albam, flauam, gryseam, nigram, rubram, coerulescentem et viridescentem, haematiten, mineram martis palustrem, ochram martis, micam ferream, smiritem, spumam lupi, schoerl, pseudogalenam, pyriten album, cementum martiale et calcem martialem refert. Mineris mercurii, qui interdum natius, virgineus dictus, occurrit, cinnabarim natiam adnumerat, eam autem mineram mercurii, quae ab aliis mercurius sulphurato cupro mineralisatus nuncupatur, cinnabarim cupro mineralisatam vocat. Consideratis metallis ad semimetalla progreditur Noster, et primo de bismutho agit. Hoc nunquam mineralisatum occurrere cum aliis asserit, si tamen cum aliis mineralibus coniun-

iunctum reperiatur, substantias has mineras bismuthi vocari, monet. Inter has bismuthum sulphure mineralifatum, bismuthum ferro et sulphure mineralifatum, mineram bismuthi cineream, mineram bismuthi versicolore et florem bismuthi nominat. Ad mineras zinci, quod sub forma calcis natium occurrit, lapis calaminaris, sterile nigrum seu pseudogalena et vitriolum zinci refertur. Mineris antimonii, quod etiam natium occurrit, minera antimonii solida et friata seu antimonium sulphure mineralifatum, minera antimonii solaris seu antimonium auripigmento mineralifatum et flores antimonii accensentur. Mineris arsenici, quod in forma calcis crystallina et solida reperitur, variae cobalti species, auripigmentum et sandaraca nativa seu arsenicum sulphure mineralifatum, arsenicum ferro sulphurato mineralifatum seu pyrites albus variaeque terrae arsenicales adnumerantur. Ad cobalti mineras minera cobalti cinerea seu cobaltum ferro et arsenico mineralifatum, cobaltum ferro sulphurato mineralifatum, cobaltum ferro sulphurato et arsenicato mineralifatum, minera cobalti vitrea, terrae cobalti, flos cobalti et ochra cobalti seu minera cobalti calciformis calce arsenici mixta referuntur. Tandem de montibus agit Cl. Auctor, et primo p. 481. montes originarios, deinde montes ex stratis sibi inuicem impositis constantes, tandem montes accidentales considerat, atque simul ostendit, qua ratione montes diiudicandi sint, et quamnam utilitatem afferre soleant.



III.

Parallèle de la petite vérole naturelle , avec l'artificielle , ou inoculée , avec un Traité intermediaire de la petite vérole , fausse , volante , ou adultérine. Par M. DE BAUX, Médecin aggregé au Collège de Médecine de Marseille. Avignon. 1761. 8. pag. 129.

i. e.

Comparatio variolarum naturalium cum variolis artificialibus. Inserta est dissertatio de variolis spuriiis. Auctore Cl. DE BAUX.

In tria capita tota haec tractatio a Cl. Auctore diuisa est. Primo *historia variolarum et methodi eis medendi* exponuntur; commendatur autem a Nostro potissimum illa methodus, quam antiphlogisticam dicunt. Alterum caput *de variolis sic dictis spuriiis* inscribitur, qui morbus saepius a medicis Gallicis cum veris variolis confundi solet. In tertio tandem capite ad *variolas artificiales* commendandas quinque potissimum argumentis Noster utitur. Primum est, praeparationem ad inoculationem non taediosam, sed iucundam esse, atque 2) ad sanitatem in vniuersum conseruandam quam maxime prodesse; 3) ipsam operationem, qua variolosum pus inseritur, nullum plane dolorem excitare; 4) morbum variolosum, inoculatione excitatum, nulla fere incommoda comitari, et tandem 5) variolas artificiales minime esse periculosas, si modo inoculatio non temere, sed debita cautione instituatur. Ad comprobandum hoc Cl. Autor catalogum decem et septem hominum addit, in quibus ipse inoculationem instituit. Ex his in femina vnus et viginti annorum inoculatio leuia tantum quaedam symptomata,

in

in duobus autem pueris nullum plane effectum produxit.

IV.

Dissertation sur la petite verole et l'inoculation.
a Londres et se trouve a Paris chès Claud.
l. B. Bauche. 1763. in 12. pag. 91.

i. e.

Dissertatio de variolis earumque inoculatione.

Haec est altera editio *) huius libelli, cuius Auctor est Cl. PETRVS ABRAHAM PAJON DES MONCETS, Membrum Facultatis medicae Parisiensis. Diuidit vero ille hanc tractationem in duas partes, in quarum prima conatur demonstrare, variolas per se non periculosas esse, sed a nimio metu aegrotorum, vel a superueniente morbo habituali aut accidentali, noxios tantum earum effectus produci; metum quippe imminuere transpirationem et turbare naturam in expulsiōe materiae variolosaе: quare pueros et rusticos, qui variolas haud horreant, plerumque ab illis facilius sanari; esse variolas crisin benignam salutarem et perfectam, neque hunc morbum a contagio, sed a quadam epidemica aëris dispositione oriri. Malignum esse variolarum morbum, pariter Cl. DES MONCETS negat. Nam, si malignae fiant variolae, hoc oriri credit ab aliis morbis et causis, quae transpirationem imminuant, resorptionem puris adiuuent, et ita humores corrumpant. Nec concedit in regionibus calidioribus variolas periculosiores esse. Quare autem veteres variolarum non meminerint, hanc putat esse causam, quod illas pro morbo minus graui habue-

N 5

runt

*) Prior prodiit 1758.

runt attentione vix digno. Cum vero exemplis constet, variolas maximam in regionibus calidioribus cladem excitasse, Auctor asserit, illum non variolarum morbum, sed pestem fuisse, quae tantum speciem variolarum mentita sit. Symptomata, quae in aegris variolis laborantibus observantur, morbo huic ex Auctoris sententia non propria sunt, sed vel ex complicatione variorum aliorum morborum, vel ex transpiratione impedita oriuntur.

p .61 In altera tractationis huius parte Cl. Auctor remedia proponit, quibus minui possit periculum, quod plerumque per variolas formae ac vultus pulchritudini imminere videtur. Asserit, pus variolosum a nullo alio pure differre, et quemlibet humorem putrefactum, si inoculatione in aliud corpus deferatur, evolutionis materiae variolosae causam existere posse, et hinc materiam variolosam minime in pure contentam esse, etsi pus variolas producat. Tunc modum, quo pustulae formantur, describit et remedia, quibus nonnulli faciei pulchritudinem conservare student, dum scilicet materiam ad pedes deriuare annituntur, reiicit; nam fermentationem necessariam maxime turbare, et materiam morbi eorum intempestiuo usu facile ad viscera conuerti. Suadet potius, ut pustulae, cum primum eruptio facta est, aperiantur, exsiccatioque earum non soli naturae relinquatur, sed potius medicamentis exsiccantibus adiuuetur. Quod ut confirmet consilium, iubet nos meminisse, profundiores cicatrices variolarum ortum trahere ex pure nimis diu sub cuticula residuo. Neque vesicatoria, partibus capiti vicinis applicata, sine fructu adhibenda esse putat.



Observation sur la petite verole naturelle et artificielle. a la Haye et se trouve à Paris chès P. Fr. Didot. 1763. in 12. pag. 40.

i. e.

Observationes super variolis naturalibus et artificialibus.

Auctorem huius opusculi dicunt esse Cl. MICH. ALDOV. VERNAGE, Doct. Facult. med. Paris. Ab initio variolarum morbum in genere, postea illam medendi methodum, quam optimam esse ipse expertus est, describit. Optimum vero remedium, quo damno a variolis metuendo facillime possit occurri, potissimum inoculationem esse asserit. Conqueritur, nec ut putamus sine caussa, de negligentia et nimia leuitate, qua Galli inoculationem administrant. Exprobrat inoculatoribus porro hoc, quod parum solliciti sint in cauendo contagii progressu, quo fieri soleat, ut aegrotorum numerus quam maxime augeatur. Suadet, ut nosocomia erigantur, et aegroti, quantum fieri possit, a reliquorum hominum commercio secludantur. Videtur autem nobis in animo potissimum habuisse Cl. GATTI, celeberrimum illum inoculatorem, quamquam haud nominatim appellauit. In qua coniectura confirmati sumus eo, quod Cl. GATTI se scripto aliquo inferius commemorando contra auctorem defenderit. Putat porro Cl. VERNAGE, vim vehementissimam vesicatoriorum, in initio morbi variolosi applicatorum, parum numerum pustularum erumpendarum diminuere, neque confluentes variolas in discretas mutare, aut suppurationem pustularum cohibere. Describit tandem methodum praeparationis ad inoculationem, et infantes

fantès ante dentitionem inoculari diffuadet. Certiffimum indicium, ex quo cognofci poffit, an vere fuerint variolae inoculatione fufceptae, in eo pofitum effe ait, fi videamus, per pus, ex tali aegroto defumtum, iterum variolas in alio excitari.

VI.

Reponfe a une des principales objections, qu'on oppofe maintenant aux Partifans de l'inoculation. (*f. l.*) 1763. in 12. pag. 12.

i. e.

Refponfio ad praecipuam quandam dubitationem, quae hoc tempore folet maxime opponi inoculationis defenforibus.

Eft huius opusculi auctor Ill. Eques DE CHASTELLUX, Praefectus légionis Aquitanicae, ftrenuus inoculationis, quam ipfe expertus eft, defenfor. Aliud enim fcriptum, in quo inoculationis caufam contra Cl. RAST defendit, iam a nobis indicatum eft *). Dubium vero, ad quod Ill. DE CHASTELLUX refpondere ftudet, eft, inoculationibus Lutetiae Parifiorum institutis, numerum aegrotorum variolis laborantium, in hac vrbe maxime auctum fuiffe.



VII. Avis

*) vid. Comment. Volum. huius Part. I. p. 56.

VII.

Avis sur l'inoculation de la petite verole. a Paris, chès Didot le jeune 1763. in 12. pag. 31.

i. e.

Quaedam de inoculatione variolarum.

Auctor huius libelli occultare nomen suum ficto nomine CANDIDE voluit. Est autem ille CL. LUDOV. PETR. LE HOC, Doct. Facult. med. Paris. et Medicus Nosocomii magni, quod *l'Hotel de Dieu* dicitur. Tractat autem septem sequentes in hoc opusculo quaestiones, et saepe brevissimis tantum ad eas respondet: 1) *Suntne variolae morbus contagiosus?* Affirmat. 2) *Potesne quidam bis veris variolis laborare?* Concedit. 3) *Num tutos nos praestent variolae artificiales a veris?* Negat. 4) *An in periculum vitae artificiales variolae homines adducant?* Affirmat. 5) *Potesne inoculatio aliorum quoque morborum, praeter variolas, morbi causa esse?* Affirmat. 6) *An concedenda sit, aut toleranda modo inoculatio?* Neutrum concedit. Nihil enim iniustius esse putat, quam sub specie praecauendi morbi excitare morbum, de quo constare non possit, vtrum ille nos aggressurus sit, nec ne? Multi enim variolis per totam vitam non laborant, et ex iis, quos hic morbus inuadit, vix vicesima tantum pars vitae iacturam facit, et ne hi quidem omnes variolarum culpa pereunt, sed aliis, qui accedunt, morbis. 7) *An in quaestione de inoculationis praestantia, ratio sit habenda numeri aut dignitatis eorum, qui vel sibi, vel suis variolas inoculari passi sunt?* Quod ei fecus videtur.

In vniuersum Noster iniquius de variolarum inoculatione sentire videtur, etsi plurima, quae aduersari putat, non rem ipsam attingere, sed eorum
potius

potius incuriam spectare videntur, qui in hac re negligentius versantur. Id tandem Noster sub fine libelli impensius rogat, vt, etiamsi concesserit fortasse inoculationem Magistratus supremus, iubeat tamen, non intra spatium trium horarum ab vrbe fieri, et qui eam passi sint, reduces in urbem, a commercio cum aliis per quadraginta dies arceri.

VIII.

L'inoculation de la petite verole renvoyée a Londres. Par M. *** Docteur en Medecine etc. a la Haye. 1764. in 12. pag. 118.

i. e.

Inoculatio Londino reddita.

Hoc opusculum est idem illud, quod modo indicauimus, sed auctius. Ex iis vero, quae Cl. LE HOC in altera hac editione addidit, sequentia annotasse sufficiat. Afferit, se multos aegrotos vidisse variolis veris altera vice iterum laborantes, inter quos duos filios suos refert. Inserta est porro epistola Cl. LE CAT ad Cl. POUTEAU, in qua historia aegri continetur, qui antea iam inoculationem passus, variolis inde excitatis feliciter superatus est. Praeter superiores quaestiones, duas alias Cl. Auctor addidit, quarum prima disquirat: *in quantum fides possit haberi calculis inseruientibus inoculationi, ab earum defensoribus propositis?* Subsistit potissimum in examinandis Nosocomii variolarum (*Small Pox Hospital*) Londinensis catalogis, in quibus numeri eorum referuntur, qui aut naturalibus, aut artificialibus variolis laborauerint, et sanati sint. Accusat Londinenses, quod videantur eos, qui sint iniquissima valetudine, variolis naturalibus permit-

permittere, qui vero feliciore fruantur, eos ad inoculationem eligere, quare ex indicibus eorum, nullum argumentum pro inoculatione desumi possit. Tandem quaerit: *num penitus variolae extinguere possint aut diminui?* quod affirmat.

IX.

L'inoculation terrassée par le bon sens. 1763.
in 12. pag. 20.

i. e.

Inoculatio ratione victa.

Quemadmodum in vniuersum diffiteri haud possumus, inter numerum satis insignem scriptorum Gallicorum, de inoculatione, a Nobis commemoratorum aut posthaec indicandorum, non pauca esse, quae memoria et attentione nostra vix digna sint; ita etiam de hoc libello sentiendum videtur, quippe qui nihil nisi trita et vulgaria argumenta contra inoculationem continet, quae, cum sine ordine et delectu permixta sint, non optimam de auctoris ingenio opinionem nobis afferunt.

X.

Recherches sur la nature de l'inoculation de la petite verole. Par M. ROBERT, Docteur Regent en la Faculté de Medecine de l'Université de Paris. a la Haye. 1763. in 12. pag. 182.

i. e.

Disquisitio de natura et inoculatione variolarum,
Auctore Cl. ROBERT.

Maxima pars rerum, quae in hoc opusculo continentur, ad variolas in vniuersum spectat. Totum vero libellum Cl. ROBERT in decem capita diuisit.

diuifit. Primo capite docet, variolarum germen aut flamen innatum nullum effe, neque tale flamen variolarum cauffam effe poffe. In duobus fequentibus capitibus de confenfu inter omnes partes corporis humani vniuerfali, et de mutuo confenfu inter duo organa in fpecie, v. c. inter mammas et vterum, agit, talemque harmoniam effe nonnullis obferuationibus practicis omni attentione dignis confirmat. Quarto capite Nofter de confenfu actionum viscerum abdominalium cum reliquis corporis humani partibus exponit, et quinto capite horum viscerum functiones turbatas, vt caufam communem omnium morborum, perpendit. Confenfum vero viscerum abdominalium cum reliquis partibus, quae corpus noftrum componunt, explicare annititur per telam cellulofam, quae per totum corpus diftributa vbique inter fe communicat, et quam ex neruis conftare ideoque sentire poffe credit. Generalioribus tandem his praemiffis, fexto capite ad variolas in fpecie accedit, et de earum natura caufisque hypothefin fuam proponit. Scilicet putat, variolas effe effectum falutaris cuiusdam operationis, aut fingularis fpasmodici motus viscerum abdominalium, quo fe a morbosa quadam materia liberant. Materiam enim, quae actionem eorum turbauit, per confenfum horum viscerum cum tela cellulofa fubcutanea, mutuoque nifu et renifu harum partium, ad corporis fuperficiem propellunt. Caufam autem variolarum in primis viis haerere, Cl. ROBERT ex horrore, naufea et vomitu probare vult, quae fymptomata, ante eruptionem variolarum adeo molefta, hac facta, iterum ceffant. Septimo capite Cl. Auctor rationem, cur benignae fiue difcretae et malignae fiue confluentes variolae oriantur, ita explicare tentat, vt doceat, nimiam materiae morbofae copiam motumque

tumque turbatum et irregularem, causam esse primariam et essentialem variolarum confluentium: conferre autem etiam ad hanc speciem producendam actionem et dispositionem aëris, metumque aegrotantium. Pus in inoculatione insitum fit causa variolarum, quia telam cellulosa subcutaneam ad actionem, simulque viscera abdominalia ad reactionem excitat. Octauo capite, quod de methodo medendi variolis inscribitur, antiphlogisticam potissimum Noster commendat; ne vero viscera nimium debilitentur, aegrum etiam nutrire suadet. Omnia, quæ nervos irritant, vt purgantia et huius generis alia, reiicit, ne, motu salutari naturae inde turbato, confluentes variolae oriantur. Nono tandem capite insitionem variolarum eatenus commendat, quatenus ea naturam ad materiem morbosam per cutem eiiciendam determinet, aegrotosque a metu, cuius adeo nociui effectus in variolosis sunt, liberet. Vltimo capite docet, crisi imperfecta facta, et salutari naturae operatione motuque turbato, variolas secunda quoque vice aegrum inuadere posse, cum reliquiae morbi post crisin etiam recidivae causa esse possint.

XI.

Examen de l'inoculation par un Medecin de la Faculté de Paris. a Londres et se trouve a Paris chès Dessaint iun. in 12. pag. 340.

i. e.

Examen inoculationis. Auctore Medico Parisino.

Auctor huius opusculi est Cl. D'ORIGNY, Doct. Med. qui peculiari quadam ratione inoculationem impugnare sustinet. Adstringi enim vult iudicium de libertate inoculandi publica lege concessa

Tom. XIII. Pars II.

O

cessa

cessa tribus hisce conditionibus. Primo, si sine periculo sit in iis, qui eandem patiuntur, cum ratione morbi ipsius, tum ratione eorum, quae sequantur; secundo si constet, eos, qui semel experti sint hunc morbum, denuo eum non timere; tandem si contagium per inoculationem haud diuulgetur. Quod cum vel ab acerrimis inoculationis defensoribus indubitato affirmari haud possit, Cl. Auctor colligit, eam non concedendam esse.

XII.

Lettre de M. GATTI Med. Consult. du Roi et Professeur de Medecine en l'Université de Pise, a M. ROUX Doct. Regent de la Faculté de Medicine de Paris. Paris 1763. in 12. p. 36.

i. e.

Litterae Cl. GATTI ad Cl. ROUX.

Cl. GATTI, celeberrimus ille inoculator, catalogum eorum, in quibus variolas per insitionem Parisiis excitavit, variasque adnotationes communicat, quibus methodum suam illustrat. Numerus vero eorum, in quibus inoculationem administravit, ad centenarium adscendit, quorum maxima pars est ex nobilioribus. De methodo ipsa sequentia adnotasse sufficiat. Magna cum cura dicit solere se examinare eos, qui inoculari ab ipsa poscunt; in quibus si talem corporis dispositionem non reperit, quali opus sit ad variolas benignas producendas, id agit, ut eandem ipsis conciliet; qui ita dispositi sunt, nulla praeparatione egent. In uniuersum variolas artificiales in corpore bene ad easdem disposito leuissimi momenti morbum esse putat. In inoculatione administranda simplicissimam rationem

tionem sequitur. Ad infitionem adhibet vel pus recens, vel internam superficiem crustarum in pulverem redactam. Impossibile esse putat, materiam variolosam vlla arte ita mutari posse, vt variolae inde excitatae pauciores benigniorisque indolis sint, negatque, se peculiari artificio id efficere posse aut effecisse, in cuius rei suspicionem apud multos Cl. GATTI venerat. Ex eodem pure diuersum in diuersis corporibus pus pro varia corporum natura oritur. Quos inoculauit, ii leuiiores morbi impetus experti sunt, in multis plane nullae pustulae prouenerunt. Praecipuam curam in eo ponendam dicit, vt caueatur, ne alius morbus inuadat aegrotantem, praeter variolas. In multis, in quibus nullae pustulae eruperant, repetita inoculatio nullum tamen effectum habuit. Praeter glandulam quandam induratum et erysipelas, nullum alium morbum in inoculatis suis Cl. GATTI animaduertit, cuius causa in variolis esse potuerit. Duo, in quibus inoculatio sine fructu fuit, postea naturali contagio variolis inuadebantur.

XIII.

Reflexions sur les préjugés, qui s'opposent aux progrès et a la perfection de l'inoculation.
Par Mr. GATTI. Bruxelles et se trouve a Paris chez Musier. in 8. pag. 239.

i. e.

Sententia de opinionibus praeconceptis, aduersis inoculationis progressui et perfectioni.
Auctore Cl. GATTI.

Dividit Cl. GATTI opiniones inoculationi contrarias, quae hoc tempore inualuerunt, in quatuor classes; *de natura variolarum, de methodo*

*inoculandi, de contagio variolarum artificialium, de re-
ditu variolarum post inoculationem. De singulis se-
paratim dicemus.*

In primo capite Cl. Auctor de iis medicis con-
queritur, qui, in declaranda variolosi morbi historia,
non eandem cum SYDENHAMO, BOERHAAVIO
aliisque summis in arte salutari viris, rationem ingre-
diuntur, nec naturae viam eaque omnia, quae in
aegro eveniunt, sollicitè obseruant, sed potius ve-
ritatem negligunt, fictisque de *fermentatione, ebul-
litione* aut *efferuescentia aliqua* hypothefibus inhae-
rent. Haec vero in variolis non locum habere, Cl.
GATTI pluribus argumentis confirmat. In vniuer-
sum autem variolae naturales non sponte, sed sem-
per per contagium oriuntur. Quod vt probet No-
ster, effectum veneni variolosi insiti cum effectū
aliorum contagiorum, v. c. pestilentiali et venereo,
comparat. Non quidem negat, eas aliquando spon-
te ortas esse, sed ita, vti nunc inter nostros inue-
niuntur, semper ex contagio prouenire contendit.
Subtilitas vero variolosae materiae impedit, quo
minus viam, qua contagium in corpus irrepit, inue-
stigare possimus.

p. 51. In altero capite primum de praeiudiciis ratione
praeparationis ad inoculationem Cl. Auctor disputat.
Praeparationem vero appellat eam curam, qua cor-
pus ita disponitur, vt aptum fiat ad variolas sine
villo periculo suscipiendas. Multi putant, praeci-
pua praeparantis operam eo esse dirigendam, vt,
quantum fieri possit, inflammatio pustularum im-
pediatur. Cum autem in variolis feliciter superan-
dis semper certus inflammationis gradus necessa-
rius sit, hoc iure a Cl. GATTI negatur. Venae-
sectio non tantopere, ac multi putant, variolis in-
tra iustos limites coërcendis conducit, idemque de
purgantibus inprimis fortioribus valet. Omnino
autem

autem non adeo temere, vt multi faciunt, regulæ nimis vniuersales constituendae sunt in re, quae in singulis corporibus variat. Regulæ enim istae non sufficiunt, saepe nocent, et maximam partem magis ex hypothesebus fictis, quam ex experientia ductae sunt. Nec e contrario damnandi sunt ii, qui, vbi necessitas requirit, regulas istas vniuersales negligunt. In istis enim regionibus, in quibus inoculatio felicissimos semper successus habet, vt in orientalibus, vix vlla praeparatio instituitur. Signa, quae felicem inoculationis euentum promittunt, sunt spiritus non male olens (*haleine douce*) et cutis mollis, cuius parua vulnera facile sanantur. In quibus autem haec signa deficiunt, ii praeparatione egent.

In ipsa inoculationis operatione praecipua cura eo dirigenda est, vt pus sumatur ex corpore nulli alii contagioso morbo obnoxio, neque adeo debilitatum sit. Quantitas pustularum non a quantitate puris pendet. Debilitari autem posse, putat Noster, vim veneni variolosi, si ab altero corpore, inoculationem experto, ad alterum transferatur, quoniam et tempore et propagatione magis magisque minuatur. Quod vt probet, ad exempla aliorum contagiorum prouocat. Dum autem de methodo variolas curandi disputat, magnam partem eorum, qui variolis opprimuntur, medicorum culpa interire ait. Hinc non tantam cladem variolae inter rusticos edunt, quantam inter nobiliores, qui medicorum praeceptis adstricti sunt. Optat, vt medicorum optimorum numerus ex multis iisque diligenter factis obseruationibus codicem quendam legum constituat, in quibus modus variolas praecipue artificiales curandi praescribatur. Hunc codicem aegrotorumque simul curam tradi et commendari vult mulieribus, quarum opera melius profecto

consultum foret aegrotantibus, quam medicorum, artis parum peritorum.

p. 105. In tertio capite potissimum demonstrare annitur, per inoculationes Lutetiae Parisiorum institutas numerum aegrotorum variolosorum ibi non auctum fuisse, nec commendata ad arctius coërcendam contagii propagationem remedia sufficere.

p. 159. Quarto capite Cl. GATTI ea, quae nonnulli et Auctor inprimis *observationum de variolis naturalibus et artificialibus*, supra a nobis commemoratarum *), de methodo eius obiecerant, refellere studet, tandemque concludit: 1) *variolas, si quando redierint, adeo raro redire, ut eius rei nulla habenda sit ratio.* 2) *Variolas non frequentius post inoculationem, quam post naturales sponte redire.* 3) *Variolas non frequentius redire, si pauciores pustulae observatae sunt, et suppuratio vulneris non adeo copiosa, quam ubi contraria euenerunt.* In variolosis enim omnem salutis spem in exanthematum paucitate positam esse, SYDENHAMVS iam asseruit. Quapropter Cl. GATTI negat, per copiosorem vulneris suppurationem pustularum numerum minui, aut materiam variolosam ad vulnus transferri, et in pure contentam esse. Praecipuum commodum, quo variolae artificiales naturalibus praestent, esse putat in delectu subiecti, materiae et loci, cui vulnus infligitur. In eum enim locum, ad quem primum contagium variolosum pervenit, fortissime agit, quare ad pulmones aut ventriculum delatum, funestos effectus ut plurimum edit, non metuendos, si vulnus brachio infligitur. Tandem principium ponit hoc: *venenum variolosum, si non variolas, nullum alium morbum in corpore nostro producere.*

*) vid. supr. p. 203.

XIIII.

Lettre a Mr. BELLETÊTE, Doyen de la Faculté de Medecine de Paris etc. par Mr. RAZOUX, Docteur en Medecine de l'Université de Montpellier etc. sur les inoculations faites a Nismes. Nismes chès A. A. Belle. 1764. in 4. pag. 34.

i. e.

Litterae ad Cl. BELLETÊTE de inoculationibus Nemausii factis. Auctore Cl. RAZOUX.

Cum Facultas medica Parisina a Montispeffulana narrationem de inoculationibus Nemausii institutis petiisset, Cl. RAZOUX, qui plurimis aegrotis, artificialibus variolis laborantibus, adstitit, operae pretium esse duxit, catalogum eorum, breuemque morbi historiam publicare. Numerus eorum, quibus intra octo annos variolae insitae sunt, continet 78. Ex his nullus interiit, aut iterum naturalibus laboravit, neque vllum exemplum exstat, alium quendam morbum cum pure introductum fuisse. Sub finem Cl. Auctor haec ex historiis morborum enarratis colligit: *pus recens semper puri minus recenti praeferendum esse: vim febris plus minusve vehementiorem copiosioris aut parcioris eruptionis signum esse: suppurationem eo minorem esse in pustulis, quo maior est in vulneribus et vice versa: purgationes reiteratas, variolis feliciter superatis, eo magis necessarias esse, quo gravius venenum variolosum in ipso morbo adparuit: successum operationis suspectum esse, ubi vulnus non suppuraui, neque cicatricem indelebilem reliquit: contra certos nos esse posse de felici operationis successu, si post febrim vulnera suppurant, licet una tamen aut plures pustulae erupuerint, siue pus fuderint,*

nec ne: sudores in artificialibus variolis ante eruptionem bonum esse signum: saepe duplicem eruptionem, spuriam alteram et incompletam, alteram veram et completam observari: febrem scarlatinam et erysipelas non mali ominis in inoculatis esse, cum eruptio febrem, suppuratio erysipelas tollat, etc.

XV.

Lettres de M. DE LA CONDAMINE a M. le D. MATY sur l'Etat present de l'inoculation en France. a Paris, chès Prault etc. 1764. in 8. pag. 207.

i. e.

Epistolae Cl. DE LA CONDAMINE ad Cl. MATY Med. Doct. de praesenti statu inoculationis in Gallia.

Cl. DE LA CONDAMINE, celeberrimus ille inoculationis defensor, in quinque epistolis ad Cl. MATY, Socium Societatis Regiae Londinensis et Custodem Bibliothecae Britannicae, de praesenti statu inoculationis in Gallia refert. In prima de interdicto inoculationis, quod supremus Senatus Galliae d. 8. iun. 1763 ante proposuerat, quam sententia certa ab Ordine Medicorum et Theologorum summo ferretur. Praemittit breuem inoculationis in Gallia historiam, deinde id refellit, quod obiectum est inoculationi, quodque plurimum valuit ad Senatus supremi interdictum, scilicet per inoculationem auctum esse Lutetiae Parisiorum contagium variolarum. Praecipuam causam, cur adeo difficulter inoculatio in Gallia progrediatur, dicit esse in leuitate animi Gallorum, et in defectu cognitionis felicioris apud externos eiusdem progressus. Nec medicos quidem ab hac accusatione liberos vult, quorum maximum

maximum numerum vix quidquam praeter inoculationis nomen nosse contendit.

In secunda epistola hac in re ulterius declaranda Noster pergit, rationesque exponit, quibus persuasum ipsi sit, sententiam Facultatis Medicae et Theologicae causae inoculationis non aduersam fore. p. 33.

In tertia epistola causas narrat, quare iudicium inoculationi aequae fauens a Senatu supremo expectet. p. 69.

In quarta tandem catalogum eorum scriptorum tradit, quae intra anni spatium partim ad defendendam partim ad impugnandam inoculationem prodierunt. Quorum cum maxima pars a nobis iam adducta sit, eorum tantum indicamus nomina, quae nondum ad nos peruenerunt. p. 101.

1) *Commentarius de inoculatione, auctore Ill. Comite DE LAURAGUAIS praelectus Acad. Reg. Scient. d. 6. iulii 1763, in quo inoculatio impugnatur.*

2) *Le Conseil de la raison, ou lettre de M. *** de l'Acad. de Danemark a M. E. M. sur l'inoculation de la petite verole in 12, pag. 24. i. e. Consilium rationis, siue epistola M. *** ad M. E. M. de inoculatione variolarum, quod scriptum nihil plane noui continet.*

3) *Lettre a M ** contre l'inoculation, qui combat le Memoire historique de M. DE LA CONDAMINE etc. a Nancy in 12. 132 pag. i. e. Epistola ad M. contra inoculationem, in qua commentarius historicus Cl. DE LA CONDAMINE impugnatur.*

4) *Dissert. neutre sur l'inoculation de la petite verole. Amst. 1764. i. e. Dissertatio de inoculatione variolarum, neutri parti fauens.*

5) *Recherches sur quelques points d'histoire de la medecine, qui peuvent avoir rapport a l'arret de la grande Chambre du Parlement de Paris, concernant l'inoculation*

lation et qui paroissent favorables a la tolerance de cette operation. a Liege 1764. in 12. 2 Vol. i. e. Disquisitiones super nonnullis momentis historiae medicinae, quae nexum habent cum concluso summi Senatus Parisiensis de inoculatione, quaeque fauere videntur eidem: multa hic liber inutilia, et quae minime ad inoculationem pertinent, continere dicitur. Auctor est Cl. BORDEU, Membrum Facultatis medicae Parisinae.

B) *Observations critiques sur la lettre de M. GATTI a M. ROUX, avec un lettre a IEROME CARRE.* Amst. pag. 63. i. e. Observationes criticae in epistolam Cl. GATTI ad Cl. ROUX. etc.

p. 157. In quinta epistola Cl. DE LA CONDAMINE de iis exponit, quae in conuentibus tribus vltimis Facult. med. Paris. ante 15 sept. 1764 acta fuerunt. Enarrat lites per occasionem commentarii Cl. L'EPINEMotas, qui contra inoculationem, et commentarii Cl. PETIT, qui pro inoculatione scripserat. Hic putat, hanc operationem, extra vrbes maiores tamen, concedendam esse. In fine de sorte sua Cl. CONDAMINE conqueritur, quod, quamuis communis vtilitatis promouendae in ipso sit summa cupiditas et studium, tamen a multis pessime habetur, ob defensionem inoculationis optimo animo susceptam.



XVI.

Rapport sur le Fait de l'Inoculation de la petite verole, lû en presence de la Faculté de Medecine de Paris, et imprimé par son ordre, pour etre communiqué à tous ses Docteurs, avant qu'elle donne sur cette question l'avis, que le Parlement lui a demandé par son Arrêt du 8 Juin. 1763. a Paris chès F. A. Quillau 1765. in 4. p. 125.

i. e.

Narratio de inoculatione variolarum, praelecta Facultati medicae Parisinae, iussuque eius impressa, quo communicetur cum omnibus membris, antequam suam diceret sententiam, quam ab ipsa postulauerat summus Senatus, d. 8. iunii 1763.

Notum est, summum Galliae Senatum Facultati medicae Parisinae in mandatis dedisse, vt libere sententiam diceret de inoculatione, eius commodis et incommodis: vtrum consultum videatur interdicare eam, an permittere, vel saltem ferre? et quid statuendum sit de cautionibus adhibendis, vbi vel feratur vel permittatur inoculatio in iis, qui inoculationi subiiciantur? Constituit ea propter Facultas medica duodecim viros, quibus commendauit totius causae examen, vt deinde de ea ad Facultatem prius referrent, quam iudicium suum palam ederet. Verum inter hos diuisae erant sententiae. Sex enim ex iis, scilicet Cl. L'EPINE, ASTRUC, BOUVART, BARON, VERDELHAN DES MOLES, et MACQUART contra inoculationem pronunciarunt, quorum est haec, quam Lectoribus proponimus, ad Facultatem narratio. Auctor illius est Cl.

L'EPINE

L'EPINE, qui eam d. 29 m. augusti, et d. 20, 22 et 24 octobr. 1764 Facultati praelegit. Profitentur autem huius Auctores, se legisse pleraque scripta, quae de inoculatione diuersis linguis edita sunt; confirmatos se esse a reliquis Membris Facultatis; scripsisse ad celeberrimos medicos et inoculatores externos pariter ac Gallos, iisque varias de hac re quaestiones proposuisse; tandemque diligenter omnia, quae in inoculationibus Parisiis factis euenerint, adnotasse. Ordine vtuntur hoc. Primo loco proponunt argumenta eorum, qui inoculationem defendunt; deinde recensent obiectiones aduersariorum, tandemque suam de singulis sententiam addunt. Omnia magno testimoniorum ex variis scriptoribus collectorum numero. literarumque fragmentis probare et confirmare studuerunt. Cum in tanta rerum multitudine et varietate, omnia hoc loco copiosius repetere non possimus, sufficiat argumenta tantum praecipua enarrasse.

p. 5. et 19. Primum, quo defensores inoculationis vtuntur, argumentum est: variolas naturales adeo lethiferas esse, vt vnus fere semper ex sex vel septem, qui iis laborant, et si malignae fuerint, modo ex tribus moriatur. Ad hoc respondent: periculum variolarum naturalium nimis augeri: minus esse eas periculosas in Gallia, quam in Anglia: saepe in nosocomiis ex 40 vel 60 vix vnum interire: in coenobio *St. Cyr* ex 102 vnam tantum periisse. Adducitur quoque p. III. testimonium Ill. VAN SWIETEN, qui in literis ad Facultatem medicam Parisinam datis profitetur: *paucos perire ex variolis naturalibus, si debita adhibeatur cura.*

p. 9. et 23. Alterum argumentum pro inoculatione est: neminem aut vix quemquam esse, qui per omnem vitam liber sit a variolarum naturalium periculo. Hoc
simpli-

simpliciter negatur, atque experientiae aduersari dicitur. Ipsi Arabes, ad quorum auctoritatem non raro inoculationis defensores prouocant, negant, necessario omnes homines variolis inuadi debere. Multis deinde rationibus probare Cl. L'EPINE studet, non omnibus hominibus variolas esse metuendas, numerumque eorum, qui nunquam variolis laborant, longe maiorem esse in Gallia, quam vulgo creditur. Imo eo procedit, vt dimidiam hominum partem, si omnes aetates simul sumantur, sine variolis e vita discedere asserat. Narrat, esse quoddam p. 26.
coenobium Parisiis, in quo per spatium duorum et sexaginta annorum vnica tantum monialis variolis laborauerit, quam rem plurium coenobiorum et conuentuum exemplo probatam esse confirmat. Addit, eos, in quibus inoculatio sine fructu instituta fuit, minime liberos esse a periculo variolarum naturalium. Hinc concludit, rationi contrarium esse, periculum subire morbi, qui nobis fortasse timendus nunquam fuerat, et in quem post inoculationem tamen rursus possumus incidere.

Contra tertium momentum: neminem plus se- p. 9. et
mel variolis affici; Cl. L'EPINE magna testimonio- 31.
rum copia insurgit. Exempla vero, quae ad refellendum hoc argumentum profert, in quatuor classes diuidit. Prima est recidiuarum post variolas naturales, secunda, naturalium post artificiales, tertia, artificialium cum eruptione post variolas naturales, et quarta tandem, naturalium post insitiones aliquoties et tamen frustra susceptas.

Quartum argumentum ita se habet: quum in p. 10. et
omnibus hominibus germen aliquod variolarum la- 48.
teat, necessario omnia corpora, quibus variolae inseruntur, eas accipiunt, et si quaedam tamen eas insitione non accipiunt, germine illo carent, ideo-
que

que nunquam experta essent variolas, quae omnia, ut quisque sponte videt, refutari facile poterant.

p.11.et
52. Quintum defensorum inoculationis argumentum agit de praestantia variolarum artificialium prae naturalibus, ex eo ducenda, quod artificiales praevideri corpusque ad easdem praeparari possit. Hoc Cl. L'EPINE concedi posse autumat, modo certum sit, omnes homines necessario variolis naturalibus inuadi, neminem porro ex inoculatione aut eius sequelis mortem contrahere, tandemque praeparationem tantopere iactatam multum prodesse; verum plane excludi ab inoculationis beneficio eos, qui praeparatione maxime opus habent, et inoculandorum delectum magis commodo esse inoculatori, quam inoculandis. Omnem tandem praeparationis usum, si recte aestimetur, exiguum videri, nec raro eam potius nocere, quam prodesse.

p.12.et
56. Sextum argumentum: frustraneum esse metum, posse vna cum pure, quod ad insitionem adhibetur, etiam stamina aliorum morborum in corpus inferri, certe periculum cauere posse, si qua eius causa subsit. Hoc pari modo et acriter quidem Noster negat, variaque exempla venerei contagii etc. sic in corpus introducti adducit. Imo eo usque delabitur, ut sustineat dicere, inoculationem prorsus esse extirpandam, quia hominum quorundam malitia possit fortasse ea vti, ad venenum vna cum pure varioloso in corpora ingerendum.

p.13.et
63. Septimum, quod de inoculatione praedicant: liberare eam homines a terrore, quem soleant incutere variolae naturales; ita refellit, ut dicat, istam quietem animi, qua videantur frui, qui artificiosas admittunt variolas, in mera opinione consistere. Inprimis acriter aduersus confectaria, quae vulgo ex indicibus nosocomii Londini in usum eorum, qui variolis laborant, exstructi ducuntur, pugnat.

Octauum argumentum est: variolas artificiales p.13. et multo minus esse periculosas, quam naturales: nul- 68. lam in iis febrim suppuratoriam incendi, neque post eas, vti post naturales, ophthalmias, vlcera etc. remanere. Ad hoc Noster respondet: naturales saepe nullis incommodis stipari; contra artificiales saepe et mala dicta, et alia propria mala sequi.

Nonum argumentum, quod hucusque pluri- p.15. et mum fecit ad inoculationem promouendam, est 83. sumtum a paucitate eorum, qui artificialibus variolis moriuntur, comparata cum multitudine eorum, quos naturales variolae opprimere solent. Respondet autem Noster: saepe variolas inoculatione excitationes pessimae esse indolis ac naturae, variolasque artificiales coniunctas esse cum grauissimis symptomatibus, quorum nonnulla artificialibus propria sunt, vt vlcera, abscessus sub alis etc. omnesque, qui inoculationem administrauerint, aliquos ex suis aegris amisisse.

Decimum tandem argumentum pro inocula- p.16. et tione inde desumitur, quod artificiales variolae be- 106. nignae sint et parum contagiosae. In responsione Cl. L'EPINE docet, contagium vniuersale per variolas insitas omnino diuulgatum esse.

Nouem tandem coniectaria ex exemplis in hac p. 110. narratione allatis ducuntur, quae, quum ex prioribus facile intelligi possint, hic repetere nolumus. Hoc tamen adnotari meretur, Cl. L'EPINE, dum breuiter fata inoculationis colligit, docere, minime hanc methodum ab omnibus populis, vti vulgo iactatur, adsumtam esse, sed in multis regionibus vel nunquam inualuisse, vel nunc suppressam iacere. Porro quam maxime vrget dissensum, qui inter inoculatores aut defensores huius operationis in vniuersum ratione theoriae et praxeos eius est, cum pauca omnino sint momenta, de quibus consen-
tiant.

tiant. Conclufum, vt et totius huius litis hiftoriam, iam alio loco cum Lectoribus communicauimus *).

XVII.

Memoire fur l'inoculation de la petite verole, adreffé a Mefl. les Commiffaires, chargés par la Faculté de Médecine d'examiner les avantages et les désavantages de cette pratique, en conféquence de l'Arrêt du Parlement, qui enjoint à la Faculté de donner fon avis à fon Sujet. Par M. A. ROUX. Doct. Reg. de la Facult. Membre de l'Acad. de Bourdeaux et de la Societ. d'Agricult. à Amsterdam et fe trouve a Paris chès P. Fr. Didot. 1765. in 4. p. 26.

, i. e.

Commentarius de inoculatione variolarum, miffus ad Facult. med. Parif. etc. Auctore Cl. A. ROUX Doct. Reg. Facult. med. Parif.

Quum narratio Cl. L'EPINE, quam modo recensuimus, in Gallia, fi non turbas, certe multas rixas et difputationes mouerit, quibus accusatus eft Auctor illius, non modo, quod inter exempla, quae adduxit, falſa multa protulerit, verum etiam teſtimonia, quae ex aliorum ſcriptis et epiſtolis excerpſit, deprauauerit; hic Cl. ROUX ſuae ſententiae quoque, non bona ſatis fide in iſta narratione commemoratae, defenſionem ſuſcepit. Commentarium itaque, quem Facultati medicae tradiderat, hic in lucem edidit, in quo defenſionem inoculationis ſuſce-

*) vid. Vol. XII. P. IV. p. 726.

suscepit. Cuius quidem argumenta partim a malignitate variolarum naturalium, partim a benignitate artificialium petita sunt, quae exemplis inoculationum nonnullarum, quibus ipse interfuit, probat. Usitatas obiectiones, quae eidem solent opponi, refutat, sententiamque tandem suam ita proponit: eandem non modo permittendam, sed omnem etiam cura propagandam esse. Hinc nosocomia erigere suadet, variasque proponit cautelas, quibus minui possit periculum contagii, per inoculationem ipsam latius propagati. p. 23.

XVIII.

De insitione variolarum nonnulla momenta.

Progr. inaugurale. Auctore HENRICO AUGUSTO WRISBERG, Doct. Med. Anat. et Art. obst. Profess. Gotting. 1765. 4. pag. 28. tab. aen. I.

Duo potissimum momenta in hoc libello de insitione variolarum recensentur. Primo Cl. Auctor de variolis naturalibus veris, quae post insitiones fictas accesserunt, exponit. B. ROEDERERUS scilicet in quinque infantibus anno 1758 Clausthalii inoculationem instituit, quos tamen omnes anno 1763 naturales variolae inuadebant. Ostendit vero Noster, inoculatione variolas artificiales minime ortas fuisse. Vberior autem huius historiae explanatio et dilucidatio ideo maxime necessaria erat, quia inoculationis aduersarii firmissimum contra inoculationis praestantiam argumentum inde petebant. Rumore enim huius rei ad externos delato, historia de reditu variolarum naturalium post inoculationem ut argumentum omnium grauissimum fallaciae huius operationis considerabatur *). Ex historia autem

*) vid. Rapport sur le fait de l'inoculation pag. 39. no. 8.
Tom. XIII. Pars II. P

autem inoculationis, a ROEDERERO administratae, apparet, per insitionem nullam plane febrim in quinque his infantibus excitatam fuisse, die septimo maculas quidem hinc inde adparuisse, eas tamen neque eleuatas fuisse, neque pure plenas, brachii-que vulnera exiguum tantum puris copiam dedisse.

- P. 17. Addit Noster aliud exemplum variolarum naturalium in puero, in quo olim ROEDERERUS iam inoculationem instituerat, quamquam sine effectū. Subiungit tandem Cl. WRISBERG breuem historiam motuum, quos inoculatio nostris temporibus p. 22. in Gallia dedit. Alterum, quod hoc libello continetur, momentum, est descriptio duorum instrumentorum ad inoculationem aptorum; quorum primo Cl. HOSTY, altero Cl. GATTI vtitur. Illud valde compositum, hoc magis simplex est. Interim videmur in operatione adeo simplici omnino istis instrumentis carere posse, cum lanceola aut cultellus sufficiat.

XIX.

Das Zwiefalter oder Aferjüngferchen beschrieben von IACOB CHRISTIAN SCHAEFFER etc. Nebst einer Kupfertafel mit ausgemahlten Abbildungen. Regensburg in der Montagischen Buchhandlung 1763. 4. plag. 3 $\frac{1}{2}$.

i. e.

Descriptio Libelloides, seu Libellulae spuriae, auctore IACOBO CHRISTIANO SCHAEFFERO: cum icone viuus coloribus picta.

Semper adhuc in disquisitione corporum naturalium occupatus Cl. SCHAEFFERUS, denuo nobiscum specimen studii sui indefessi communicat.

Conti-

Continet haec tractatio tria, in quorum primo Auctor figuram infecti, cuius nullum scriptorem mentionem fecisse adfirmat, tum in genere, tum secundum singulas eius partes, describit; in altero, quae ad historiam eius spectant, exponit; in tertio tandem comparisonem huius infecti cum aliis instituit, quo adpareat, vtrum hoc ad genus quoddam cognitum pertineat, an potius nouum et peculiare genus constituat. Est autem libelloides haec antennis longissimis, pedibus vero breuissimis instructa. Caput vndique pilis est obsitum, in thorace nonnullae deprehenduntur protuberantiae, et in his quaedam puncta lutea, foemellis tantum propria. Corpus ipsum tunc, quando animal non volat, ab alis prorsus obtegitur, et in sexu masculino in duas appendiculas breues et incuruatas terminatur. Reperitur animal mox ineunte vere in locis montosis circa Ratisbonam, nec vnquam procul a montibus illud se vidisse Noster adfirmat. Vescitur aliis infectis, satisque vorax est, quamdiu in libertate versatur; quoniam vero, in hypocaustum translatus, muscas et alia infecta ipsi oblata intacta reliquit, et fame periit, Auctori non contigit, de propagationis negotio quaedam obseruare. Comparisonem tandem huius infecti cum aliis instituens Noster, putat, hanc libelloidem neque ad papiliones pertinere, cum alae nullis squamis imbricatae, nec os proboscide instructum sit; neque ad classem libellularum referri posse, cum antennae nimis longae, et absentia trium illorum oculorum paruorum et simplicium, qui libellulis competunt, illud dissuadeant; neque cum phryganeis, aut hemerobiis coniungendam esse, vtpote a quibus solis antennis nimis longis differt, et licet in phryganeis antennae quoque longae, et in hemerobiis clauatae eae deprehendantur, in priori tamen infecto setaceae, in posteriori

vero multo breuiores sunt, quam vt nostra libelloides cum vno horum infectorum posset combinari. Itaque Auctor minime dubitat, quin animalculum hoc nouum et peculiare genus constituat, illudque ea propter libelloidem dixit, cum ad libellulas proximè accedere videatur.

XX.

Der weichschaalige Cronen- und Käulenkäfer beschrieben von IACOB CHRISTIAN SCHAEFFER etc. Nebst einer Kupfertafel mit ausgemahlten Abbildungen. Regensburg, in der Montagischen Buchhandlung 1763. 4. pl. 3.

i. e.

Descriptio Meloes SCHAEFFERI, Auctore IACOBO CHRISTIANO SCHAEFFERO, cum icone viuvis coloribus picta.

Licet hoc animalculum in Cl. GEOFFROY historia infectorum sub nomine *Cerocomatis* descriptum iam et delineatum reperiatur *), Cl. Auctor tamen eius pleniorē descriptionem iconemque praecipue pictam dare non dubitauit, cum id ante aliquot annos iamiam sponderit. Differentia antennarum diuersum animalculo huic conciliauit nomen, cumque ex hac discrepantia mares a foeminis optime distinguantur: Cl. Auctor marem antennis coronatis, foeminam vero antennis clauatis instructam dicit. Animal ipsum, exceptis antennis pedibusque luteis, colore ex aureo viridi splendet, qui

*) vid. Histoire abrégée des Insectes, qui se trouvent aux environs de Paris, Tom. I. p. 357.

qui tamen obscurior in foemineo sexu deprehenditur. In capite praecipue attendendae sunt antennae singularis structurae, hae enim in maribus longitudine caput ipsum superant, et in tres peculiare appendices terminantur, ita ut caput corona quasi ornatum videatur; cum in foeminis antennae simplices, clauiformes sint. Tenacula (*die Freßspitzen*) in utroque sexu circa os duplici serie posita inveniuntur, ita ut duo superius paullulum, duo inferius sita videantur. Elytrae tactu molles et cedentes deprehenduntur, a quo Noster nomen huic insecto dedit. De propagatione et metamorphosi eius nihil certi detegere potuit, quapropter tantum monet: insecta haec frequentissime mense iunio et iulio in pratis et campis, praecipue in floribus millefolii, chamomillae et dauci sylvestris reperiri, et pulvere antherarum horum florum haud raro ita conspergi, ut tota, quantacunque luteo polline obvoluta videantur. Cum haec animalcula eandem cum cantharidibus proprietatem habeant, ut, si tanguntur, pedes attrahant, caput vero et pectus deprimant, propter hunc characterem cum cantharidibus omnino combinanda esse videntur; LINNAEUS vero, in ultima systematis naturae editione, cantharides officinarum ex genere cantharidum remouit, nouumque, meloe dictum, constituit; cumque Cl. Auctor ante plures iamiam annos iconem praesentis insecti depictam LINNAEO miserit, ille inde animalculum hoc Meloen SCHAEFFERI dixit.



XXI.

CAROLI LINNAEI Fil. in horto Acad. Vpsal.
Demonstratoris, Decas prima plantarum ra-
riorum horti Vpsaliensis, sistens descriptiones
et figuras plantarum minus cognitarum.
Stockholmiae sumtu et litteris Laur. Salvii
1762. fol. pl. 7. tab. aen. 10. Decas secunda
ibid. apud. eund. 1763. pl. 5. tab. aen. 10.

Ea semper fuit horti Vpsaliensis fortuna, ut a pri-
mo fere foundationis tempore et locupletissimo
plantarum thesauro exornatus, et viris in arte bota-
nica maxime exercitatis instructus fuerit, qui de cul-
tura plantarum aequae ac de iisdem augendis solli-
citi, famam huius horti et apud externos ita propa-
garunt, ut neminem fore arbitremur, quin ex RUD-
BECKII et LINNAEI, Patris, *enumerationibus*
plantarum horti Vpsaliensis, satis superque perspexe-
rit, haud ultimo loco inter hortos botanicos, qui
publicis Principum sumtibus in Academiis sustinen-
tur, Vpsaliensem esse nominandum. Laudamus ideo
Cl. Auctoris institutum, qui patris vestigiis insistens
tanto iamiam cum ardore ad studium botanicum
se se accingit, nobisque prouentus horti academici,
cuius cura ei demandata est, refert. Non inutile
ergo fore credimus, si eas plantas, quarum descri-
ptiones, iconesque lineares, seu ut Auctor appellat,
fundamentales, in his decuriis continentur, breui-
ter indicemus. Sistitur nimirum Tab. I. *Ethulia*
conyzoides. Planta ex classe syngenefiarum, Zey-
lonae forte incola, annua, quoad habitum exacte
cum *Conyza* conueniens, ab ea tamen, ut et ab *Eu-*
patorio et *Agerato* in eo differens, quod semina
omni pappo sint destituta. Singularis est conditio,
quod caules huius plantae in terram reclinati radi-
ces

ces agant, rarissimo in annua planta exemplo. Tab. II. *Nolana prostrata*, ita appellauit LINNAEUS, Pater, plantam humifusam annuam, calyce monophyllo quinquangularem, corolla monopetala rotata, staminibus quinque, stylo vno, feminibus quinque in fundo calycis haerentibus insignitam, quae cum *Atropa* et *Physalide* affinitatem quandam habet. Tab. III. *Astragalus chinensis*. Perennis haec planta Chinam patriam agnoscit, et maxime conuenit cum *Astragalo galegiformi*, nisi quod habeat legumina inflata, in apice stipite quodam calyce longiore praedita. Tab. IV. *Hedysarum junceum*. Et haec planta, cuius patria India forte est, perennat, inferiora folia habet simplicia, superiora ternata. Tab. V. *Senecio varicosus*. Nomen suum specificum mutuata est haec planta a foliis suis pneulato-varicosis, humilis est, annua, ex Aegypto allata, longissimis pedunculis praedita, de reliquo in omnibus cum Senecione conuenit. Tab. VI. *Zygophyllum album*. Frutex in Aegypto crescens, vndique excepto caule, canitie quadam pilosa obtegitur, folia gerit coniugata, foliola diuaticata carnosae. Tab. VII. *Lithospermum dispernum*. Hispaniae incola annua, differt a reliquis huius generis speciebus, quod duo tantum semina habeat, in calyce quinquangularem hispidum patente. Tab. VIII. *Mercurialis ambigua*. In muris montibusque Hispaniae crescit annua haec planta, quae mercuriali annuae simillima videtur, ab ea tamen floribus propriis pedunculis insignitis, neque in racemum dispositis, praeterea capsulis magis hispidis, in apice truncatis, differt. Tab. IX. *Tripsacum hermaphroditum*. Annuum hoc gramen in Iamaica sponte crescens a reliquis huius generis in eo differt, quod tria sua filamenta stylosque duos in vna corolla habeat, qua de causa specifico nomine hermaphroditi insignitur. Tab. X. *Solanum*

radicans. Peruvianus hicce frutex cum *Solano quercifolio* in plurimis conuenit, differt tamen ab eo caule radicante, foliis glabris, foliolis quinque ova-
tis, racemis simplicibus, paucifloris, floribus mino-
ribus albis subtus purpurascens, baccis globosis,
didymis, flauis, sub dio vndiquaque ramos caules-
que diffundit, et ad omnes articulos radices fibro-
sas emittit, quibus sese terrae affigit, ideoque no-
men *Solani radicans* optime promeretur. Tab. XI.
Kühnia Eupatorioides. Ita nominauit LINNAEUS,
Pater, plantam in honorem KÜHNII, natione
Americani, qui historiae naturalis amore excitatus
diuersas regiones adiit, et ex Pensyluania semina hu-
ius plantae attulit. Ratione externi habitus proxime
cum *Eupatorio* conuenit, PLUKNETIUS in Alma-
gesto p. 140. tab. 87. eandem sub *Eupatorii* nomine
descripsit atque delineauit; discrepat tamen ab
omnibus floribus sic dictis compositis antheris quin-
que distinctis, apice dehiscentibus, styloque supra
medium bifido, stigmatibus duobus clauato lineari-
bus. Tab. XII. *Zinnia multiflora*. Annua haec
planta, quae nunc in hortis vbique colitur, differt
praecipue ab altera peruiana dicta, quod sit magni-
tudine dimidia minor, habeatque calyces ex squamis
non orbiculatis, sed oblongis compositas, flores
praeterea purpureos, longis pedunculis insistentes.
Tab. XIII. *Mesembryanthemum pomeridianum*. Vt
omnes fere species huius generis Promontorii bo-
nae spei incolae sunt, ita et huius semina inde missa
sunt, differt a reliquis *Mesembryanthemis* maiori
numero pistillorum et loculamentorum fructuum,
dicitur vero specifico nomine pomeridianum, quo-
niam quotidie ab hora 1 - 6 flores suos, nisi pluuia
impediat, expandit. Tab. XIV. *Saxifraga crassi-
folia*. Sibirica planta, perennis, ex radice extus ni-
gra, intus alba, saporis vehementer styptici, emittit
caules,

caules, qui quotannis mutantur in radices, appropinquante enim hyeme rami folia amittunt, atque ad terram deflectuntur, ibidemque radices agunt. Tab. XV. *Anemone dichotoma*. Canadensis incola, perennis, ex radice sua reptante hinc inde turiones protrudit, qui squamis gemmatis obteguntur, atque in gemmam maiorem terminantur, ex qua singulo anno nouus caulis erumpit. Folia gerit breuissimis petiolis insistentia, lobata, vltra medium trifida, caules in dichotomia crescunt. Tab. XVI. *Cheiranthus fenestralis*. Frutex per tres, aut quatuor annos perdurans, caulem habet totum foliis tomentoso-incanis obtectum, quoad reliqua cum Cheirantho conuenit. Fenestrale dixit LINNAEUS, Pater, quoniam planta ob paruitatem, gratissimumque odorem, fenestris ornandis optime adhiberi potest. Tab. XVII. *Xanthium orientale*. Licet MORISONUS in historia sua plantarum huius iconem iam iam dederit, nihilo tamen secius, quoniam eandem minus aptam inuenerit Cl. LINNAEUS, meliorem *Xanthii* huius figuram exhibere voluit. Quoad faciem externam cum *Xanthio strumario* maxime conuenit. Caulis tamen magis scaber est, immaculatus, folia cuneiformia, ouata, triloba, petioli scabri, non villosi, fructusque triplo maior. Tab. XVIII. *Phalaris paradoxa*. Annum hoc gramen in Natolia collegit, seminaque eius misit Cl. FORSSKAEHL. Singularem habet fructificationem; in vna enim eademque spica flores adfunt et steriles, et fertiles, quorum vltimi in centro haerent, et a prioribus vtrinque circumdantur. Conueniunt steriles cum fertilibus quoad figuram, praeter id, quod corollis, staminibus, atque pistillis careant, et glumam tantum carnosam, obtusissimam, biualuem, superius truncatam habeant. Tab. XIX. *Glycine subterranea*. In Brasilia et Surinam crescens annua haec planta

peculiari ratione, pedunculo deflorato, terram penetrat, ibidemque semina matura perficit, more *Trifolii subterranei*, et *Arachis hypogaeae*. Tab. XX. *Lathyrus pisiformis*, sub dio perennat Sibirica haec planta, quae *Pisi* formam repraesentat, stipulis vero suis characterem proprium demonstrat. Vtrinque enim ad exortum ramulorum binas stipulas accretas habet, ouatas, basi acute ferratas, ipsisque foliolis maiores.

XXII.

Journal de Medecine, Chirurgie, Pharmacie etc.
par M. A. ROUX, Medecin de la Faculté de Paris, Membre de l'Academie Royale des Belles Lettres, Sciences et Arts de Bordeaux, et de la Societé Royale d'Agriculture de la Generalité de Paris. Tome XVII. a Paris 1762. chez Vincent. 8. alph. 1. pl. 13. Tome XVIII. 1763. alph. 1. pl. 13. tab. aen. I.

h. e.

Diarium ad artem salutarem, chirurgiam, pharmaciam, etc. pertinens. Auctore Cl. A. ROUX,
Tomus XVII et XVIII. etc.

Maxime profecto laudandum est studium, quod impendit Cl. ROUX, ad continuandum hoc diarium, a Cl. VANDER MONDE inchoatum et eius obitu interceptum, inprimis, cum pristini Auctoris ordinem institutum non mutarit, et simili modo e pluribus vndique affluentibus obseruationibus non nisi optimas, caute selectas, promulgarit.

In mense iulio 1762 haec inprimis notatu digna videntur.

2) Obser-

2) *Observationes nonnullarum febrium verminosa-* Tom.
rum cum symptomatibus singularibus coniunctarum, XVII.
a Cl. MARTEAU DE GRANDVILLIERS. Ob- p. 24.

servatio 1. Quadragenarius, insultu apoplectico afflictus, sumsit purgans vermifugum, quod partem taeniae expulit; denuo apoplexia et paralyfi brachii dextri affectus, vomitoria bis adhibuit, et reiecta iterum parte taeniae per aluum sanitatem recuperavit. *Obs. 2.* Femina subito correpta est horrore, dolore acuto lateris et sudore enormi, expulsis vero vermibus melius se habuit; paulo post febre insigni laborans sine horrore a magna haemorrhagia, ob fascias venae sectae fortuito solutas exorta, in synopen incidit et febris cessavit; sumsit post aliquot dies vermifugum, reiecit 33 vermes crassos, et celeriter resecta est. *Obs. 3.* Alium vexarat febris verminosa sub specie pleuritidis, attamen euacuatis vermibus septimo die cessavit. *Obs. 4.* Alius in febre verminosa intra sex dies 370 vermes reiecit. *Obs. 5.* Feminae vermes, praeter febrem, abdominis tumorem dolorosum excitant, quibus reiectis aegra conualuit.

3) *Observationes de usu olei lini in haemoptoe,* a Cl. p. 41.
MICHEL. Quatuor enim observationes declarant, oleum lini, ad 2 vel 3 cochlearia per aliquot dies exhibitum, optime cohibuisse haemoptoen. 1) Etenim in haemorrhoidario sanguisugae ano applicatae haemoptoen mitigarunt, quam usus olei lini postea plane superavit. 2) Femina, tempore catameniorum haemoptoe vexata oleo lini paucis tantum diebus restituta est. 3) Alia simili remedio haemoptoen sibi ipsa sedavit. 4) Puella phthisi maxime confecta, hoc oleo ad 3 cochl. per diem sumto, sibi vitam ad mensem usque prolongavit.

4) *Observatio hydropis ascitis spontaneo vomitu* p. 46.
et subitaneo curatae, a Cl. MOUBLET. Tricenaria,
ab

ab angina putrida modo reſecta, refrigerio ſibi induxit hydropem aſcitem, quae quidem remediis paululum ceſſit, his tamen deinde neglectis morbus increuit, et aegra ſubito inſigni correpta febre cum doloribus colicis, tandem per 20 horas ore et aluo deiecit 18 circiter menſuras liquoris flauī bilioſi et aquae limpidae. Ceſſarunt poſtea dolores cum deiectionibus, ſed languor et laxitas cutis diu remanſit.

- p. 67. 5) *Obſervatio ſarcocelis, frictiōibus mercurialibus ſublatae*, a Cl. YVON. Septuagenarius, febre acuta et tumore ſcroti inflammatorio laborans, venaeſectione, clyſmate et cataplaſmatibus bene tractatus eſt. Imminuta inflammatione teſticuli plane indurati inueniebantur, et ſola frictio mercurialis hanc ſarcocelen intra menſem diſſipare potuit.

Menſe auguſto.

- p. 143. 4) *Obſervationes et meditationes de ratione mēdendi variolis*, a Cl. GONTARD. Hunc morbum tempore euolutionis et eruptionis vti reliquos morbos inflammatorios tractat. Aer ſit temperatus, durante febre iuſculum carnis tantum exhibeatur; cardiacis non, niſi languentibus viribus, opus eſt. Si febris varioloſa irruit, vena ſecetur 1mo et 2do die, 3tio vomitorium ſumat aeger, quamvis levis ſit eius indicatio. Eruptis variolis venaeſectio, 3 horas poſtea emeticum, adeoque ſaepe purgantium continuatio uſque ad finem ſuppurationis conuenit. Sic diu multos varioloſos proſpere tractauit Cl. Auſtor, quod adiectae obſervationes plane declarant.

- p. 168. 6) *Obſervatio de percuffione capitis*, a Cl. HOIN. Femina, 24 annorum, poſt percuffionem vehementem anterioris capitis partis, perpetuo dolore ac tremore capitis affecta, ob pedum debilitatem lecto ſe tenuit, acceſſit quotidie vespertino tempore febris,

bris, et nocte vt plurimum delirium. Locus contusus colorem non mutarat, attamen leui oedemate paululum eminebat, quo tandem incisione cruciata, 2 pollices longa et lata, aperto, et pauco sanguine effluxo, tremor et dolor capitis vna cum delirio mox cessarunt, et vulnus post 8 dies coaluit, salua aegrota, cui leuis tantum remansit pedum imbecillitas.

7) *Observatio multorum calculorum vrina et aluo* p. 173.
reietorum, communicata a Cl. LE MAITRE. Virgo, 18 annorum, ex febre tertiana duplici continua incidit in malum hystericum vehementissimum, cum creberrimis conuulsionibus; accessit postea vrinae suppressio et colica nephritica; tandem Cl. Auctor detexit calculum in principio vrethrae, eoque forcipe educto, aegra 476 calculos magnitudine medicri per vrethram, et dimidiam circiter copiam per anum intra 5 dies eiecit, praeter insignem fabuli copiam, cuius primo $\frac{3}{4}$ lb deinde $\frac{1}{2}$ lb et sensim minorem quantitatem reddidit. Vsa est interea trochiscis alkekengi ad ʒj pro dosi, et decocto feminum et olei lini cum nitro. Relicta renum obstructio et dysuria priora mala reuocarunt, et post 16 dies rursus per vrethram exierunt 186 calculi et 79, aequali magnitudine, per aluum. Vfus aquarum mineralium quidem magnam fabuli copiam vrina eduxit, attamen denuo rediit post aliquot menses vrinae suppressio et calculorum atque fabuli eiectio. Vix sanitate recuperata, aegram rursus prehenferunt motus conuulsiui et paralyxis totius corporis, quos tamen morbos vomitoria et vesicatoria dorsi sensim plane sustulerunt.

8) *Observatio de verruca praeputii insignis magnitudinis*, a Cl. LEAUTAUD. Erat magnitudine nucis iuglandis, cum pluribus aliis pisi magnitudine amyasmate venereo profecta, qua iuuenis 21 ann.
per

per 10 menses laborauerat. Cl. Auctor ligauit hanc excrescentiam ope thymeleae, quae 5 die secessit cum insigni haemorrhagia, quam agarico sedauit et postea aegro frictionibus mercurialibus sanitatem reddidit.

P 180. 9) *Observatio de suppressione urinae et doloribus nephriticis feminae per 7 $\frac{1}{2}$ menses grauidae, post lapsum accedentibus, quibus secutus est partus laboriosus infantis hydropici demortui*; a Cl. COSTES. Tricenaria enim haec, postquam lapsa erat in abdomen, statim sensit dolores abdominis in dies crescentes, postea retentionem urinae et dolores nephriticos, et post 3 dies dolores ad partum, qui, cum ob nimis distentam vesicam peragi non posset, pupugit Cl. Auctor vesicam acu triquetra, ad pollicem supra os pubis, et 6 mensuras urinae eduxit; quo facto tandem aegra, etsi magno cum labore, peperit infantem mortuum et sensim conualuit. Cauum abdominis et thoracis infantis continuit mensuram circiter vnā aquae et reliquae partes corporis aqua maxime repletae reperiiebantur.

Mense septembri

P. 237. 4) *Observationes quorundam effectuum singularium vaporis formicarum*, a Cl. ROUX. Aperiendo formicetum tam nauseosus vapor erumpit, ut eo rana intra 4 vel 5 minuta interfici possit. Cl. Auctor manibus tractando formicas sensit digitorum calorem, tumorem, ruborem, et altero die cuticula, quasi a vesicatorio, desquamata est. Alius formicetum destruere tentabat imposita campana vitrea, qua paululum leuata ipse vehementi vapore infestatus est atque insignes percepit dolores capitis, corpus sensim intumuit, accesserunt anxietates et altero die cutis eruptio, quae post tres dies desquamata est.

6) *Descriptio abscessus renis dextri, qui tempore* P. 247.
medelae non cognitus est; a Cl. BILLEBAULT. Virgo
 sensu ponderis et doloris in regione hepatis gra-
 uata abscessu hepatis laborare omnibus visa est,
 eius operationem vero repudiavit; accessit deinceps
 tussis sicca cum sputo cruento, febre lenta, vomitu
 et deiectione cruenta, tandemque mortua est. In
 sectione cadaueris hepar sanum fuit, praeter omni-
 um expectationem, et sub eius conuexa parte ap-
 paruit tumor cysticus, 10 poll. longus totidemque
 latus et dimidia crassitie, sistens substantiam renis
 dextri plane in pus mutatam, quae decem calculos
 diuersos continebat; principium vretheris obtura-
 uerat calculus duarum nucum auellandarum magni-
 tudine; lobi pulmonis sinistri purulenti, alterius
 maxime calculosi erant, pericardium liquore va-
 cuum cordi, nimis contracto, adhaesit.

7) *Observationes de duobus magnis vulneribus ab-* p. 257.
dominis sine sutura curatis, a Cl DE LA COMBE.
 Nauta 28 ann. a tauro vulneratus est in regione
 iliaca dextra, vt intestina cum epiploo e vulnere
 prodirent, quibus reductis, ligauit Cl. Auctor omen-
 tum et inferiorem partem laesam abscidit, ac vul-
 nus linteis carptis repletum deligauit, quod obser-
 uata accurata diaeta facile coaluit. Femina a vacca
 simili vulnere regionis vmbilicalis sinistrae afflicta
 est; reductis igitur intestinis praescidit chirurgus
 sine ligatura inferiorem laesam omenti partem, im-
 posuit turundam oleo rosato imbutam, et cauto re-
 gimine aegram intra 5 hebdomadas restituit. Hinc
 patet, nos saepe futuris carere posse in vulneribus
 abdominis cum intestinorum exitu coniunctis.

8) *Observatio aneurysmatis arteriae cruralis;* a Cl. p. 262.
 DE LA COMBE. Hic tumor parti mediae anteriori
 femoris militis adhaesit et a nimia femoris exten-
 sione, miasmate venereo et pulsu semper accelerato
 ortus,

ortus, in dies increuit, donec ruptus effuso latice vitali aegrum interemit. In sectione femoris vidit Cl. Auctor, arteriam 2 poll. sub inferiore parte cystidis in naturali dimensione se cum trunco venae cruralis coniungere, eamque paulo inferius cursum ulterius continuare. Rarissimum profecto, si quare vere fuit, anastomoseos exemplum.

- p. 268. 9) *Observatio de hernia crurali cum incarceratione, quam secuta est gangraena, cum iactura partis intestini et omenti, curata a Cl. BERTRAND.* Ad aegram 42 ann. 8uo demum morbi die accersitus est Cl. Auctor, cum iam materia foecalis efflueret; dilatata apertura vidit partem intestini et omenti magnitudine oui gallinacei putridam, vtraque vero extremitas sana adhaesit; eduxit partem gangraenosam omenti, quae, adhibitis digestiuis, cardiacis et cauta diaeta, 14mo die se separavit, et 16mo portio intestini corrupti 3 poll. longitudine sponte secessit; foeces usque ad 20 diem e vulnere emanabant, postea partim e vulnere partim via naturali; tandem 50 die apertura intestini plane coaluit et post 20 dies, totius vulneris cicatrice facta, tota haec cura absoluta est.

Mense octobri.

- p. 327. 2) *Commentarius de gangraena epidemica in vicina Insulae in Flandria saeviente anno 1749 et 1750, a Cl. BOUCHER.* Nimia vicissitudo aeris et clima nimis humidum subito in hac regione produxit aëginam, dysenteriam et morbos extremitatum, quos omnes comitata est gangraena. Sectio prima describit morbum, a quo Insula ipsa non tacta est, potius oppida vicina in paludosis locis sita, et imprimis pauperes affligebantur. Pauci quidem hinc moriebantur, plurimi tamen perdiderunt membrum, vel sponte secedens, vel amputatum. Morbus, ut plurimum spontaneus, interdum coniunctus erat

erat cum febre continua remittente, interdum sympathicus, saepissime post morbum acutum accedens, et crebrius inferiores quam superiores petens extremitates, in puella quadam musculos faciei destruens. Praecessit plerumque contractio spasmodica musculorum cruris vel brachii, in hoc primo stadio morbi per 2 vel 3 hebdomadas continuata, interdum dolor vagus dorfi, lumborum, cet. in extremitatibus postea persistens; secutus est stupor vel sensus horroris membri affecti, sensu et motu mox destituti, pallescentis, frigescentis, marcescentis; in hoc tamen 2^{do} stadio, quod decem dies durabat, functiones animales fuerunt integrae. In pauperioribus saepe in primo et secundo stadio sensus et motus membri affecti sine dolore sublatus erat, et plurimi tertium stadium non attigerunt. Cognoscebatur hoc imprimis ex liuore partis laesae et nigritie cutis post rubedinem atro-purpuream. Atque tum oriebantur in pede vel manu nonnullae pustulae, acri sero plenae, interdum gangraenam indicantes, interdum crisin. Si rubedo partis affectae non praegrediebatur, pustulae non oriebantur, potius membrum subito nigrescebat, accessit pulsus debilis, facies hippocratica, syncope, mors. In plurimis gangraena non ultra articulum tarfi vel carpi, rarius ultra genu adscendit. Varius fuit morbi progressus, cum in aliis pedes sphacelo post atrocissimos dolores deciderent, in aliis duo priora morbi stadia, in aliis omnia confunderentur, et febris, post dolorum stuporisque vicissitudinem accedens, in multis continua, nonnullis funesta esset, in aliis febris continua, iam in principio irruens, ad morbi finem usque persisteret. Viribus refocillatis, gangraena cessabat; in plurimis, adeoque senioribus, membra corrupta sponte decidebant, in aliis

in mumiae speciem mutabantur, et ossa quasi in carbonem transmutata videbantur.

p. 346. 3) *Duae observationes prosperi effectus cicutae in tumoribus cancrofis*, a Cl. PORTE'. Extractum enim cicutae, a grano dimidio ad quatuor pro dosi per aliquot menses sumtum, plane dissipauit tumorem cancrosum mammae monialis, oui anserini magnitudine. In alia post extirpatos duos tumores cancrofos mammae vulnus curari non potuit, perpetuo materiam ichorosam fundens. Hunc effluxum idem extractum, ad 3 grana pro dosi sumtum, primo auxit, postea imminuit, tandem longus vsus, ad 5 et 8 grana, vlceris cicatricem induxit. Attamen eadem aegra paulo post periit ventriculi inflammatione.

p. 355. 4) *Litterae ab obstetrice quadam*, REFFATIN dicta, ad Cl. LEVRET. Haec obstetrix putat, obliquum vteri situm pendere a loco, cui adhaeret placenta, quae saepe partibus lateralibus, interdum ipsi orificio vteri adhaeret, quod duabus observationibus declarat. 1) Etenim in partu puellae, praecedente insigni haemorrhagia, caput cum funiculo se ostendit, et placenta ipsi orificio vteri, parum dilatato, adhaerebat; aucta haemorrhagia, haec obstetrix inuertit infantem, eumque viuum, sed debilem, ex vtero eduxit, soluit placentam et matrem seruauit. 2) In alio partu caput infantis obliquum haesit inter os pubis et os sacrum, et vterque humerus a symphyssi ossis pubis et protuberantia ossis sacri retardabatur, tandem maximo cum labore forcipum ope infans viuus extrahebatur.

Mense nouembri.

p. 396. 2) *Continuatio commentarii de gangraena epidemica, in vicinia Insulae in Flandria saeuiente, anno 1749 et 1750* a Cl. BOUCHER. Sectio secunda describit

scribit *causam morbi*. Praecipua est vicissitudo tempestatum, cum calor nimius et aeris humiditas putredini faueat, quam atmosphaerae varietas euoluit, imprimis in membris huic maxime expositis. Etenim rusticorum manus et pedes, ut plurimum nudi, valde ab atmosphaera afficiuntur, praesertim in locis vliginosis; unde affectus scorbutici ad gangraenam praedisponentes. Non vero in his solum partibus, sed in tota etiam humorum massa hunc morbum euolui, febris continua vel tertiana duplicata ostendit, quae morbum vel praecessit vel comitata est, et naturae indicat conamina eiiciendi miasmatis per metastases in iis partibus, ubi haeret morbus. Erumpunt itaque interdum pustulae criticae, saepius, si metastasis interiora membri petit, neruorum et arteriarum actio interrumpitur, quod stupor declarat, gangraenam praecedens. Systemate arterioso prius affecto, inflammatio vehemens orta est, cum spasmis neruorum, syncope, conuulsionibus, adeoque morte. Si miasma neruos partis affectae petiit, gangraena accessit sine dolore.

Sectio tertia indicat *medelam morbi*. Stadiap. 403.
 morbi diuersa, eiusque progressus vel celeris vel tardus, indicationes curatorias diuersas reddit. In celeri progressu 1) spasmus sedentur, 2) humorum putredo praecauetur, quod difficillime efficitur, cum salia volatilia inflammationem augeant. Vena igitur secetur, antequam febris euoluitur; profunt in primo stadio morbi antispasmodica temperantia, incisiva et cardiaca, regimen diapnoicum, cordiale, antisepticum, potus vini cum succo citri vel aceto mixtus. Topica, fomenta emollientia, inunctiones oleosae tum nocuerunt; frictiones et balnea calida in secundo imprimis stadio morbi profuerunt, ut et olea, partibus volatilibus plantarum aromaticarum et salibus volatilibus impraegnata; interne ex-

hibeantur antiseptica, praecipue cortex peruuianus. In tertio stadio requiruntur extracta fructuum acidorum cum cardiacis coniuncta, et subsistente gangraena, sola analeptica. Corticem peruuianum nec cuilibet aegro, nec omni tempore morbi conuenire, potius, neglecto regimine, ad gangraenam disponere, ex obseruatione hic enarrata Cl. Auctor declarare annititur. In lento morbi progressu vires vitales depressae incitentur cardiacis fortissimis et analepticis; restituatur calor partium frictione, balneis aromaticis, topicis oleosis et balsamicis. Rubedo vrens cutis membri affecti in tertio morbi stadio indicat venaessectionem; nocent fomenta repercutientia; iuuant infusa emollientia, anodina, resoluentia. Si cutis fusca est et pustulis plena, scarificetur pars gangraenosa; vulnera hinc facta deligentur digestiuis, balsamicis, antisepticiis, minime spirituosiss topicis.

p. 421. 3) *Obseruatio vomicae insignis cum symptomatibus minus consuetis, ope corticis peruuiiani curatae*; a Cl. BORNAINVILLE. Vir, 35 annorum, erupta vomica magnam puris copiam eiecit, tandemque materia purulenta viam sibi parauit inter 5 et 6 costam veram, vbi pus, simulac tussiret, e duobus foraminibus emanabat. In hac calamitate adhibuit per aliquot dies decocta vulneraria cum cortice peruuiano, ac sensim excretio purulenta cessauit. Eundem morbum, vitiis diaetae resuscitatum, continuatus corticis peruuiiani vsus iterum vicit. Alius, post febrem putridam vomica critica subito rumpente afflictus, etiam corticis peruuiiani vsu curatus est.

p. 432. 4) *Obseruatio abstinentiae 33 dierum, cum symptomatibus peculiaribus*, a Cl. ALLIET. Puella decennis post terrorem incidit per horae spatium in soporem periodicum, cum conuulsionibus et febre intermittente coniunctum; 3tio mense periit visus et auditus,

tus, accessit abstinencia cuiuslibet alimenti per 33 dies, nec inde emaciata est; catarrhus tandem cum febre sensus et sanitatem restituit; post tres menses rursus hoc morbo periodico correpta, superato eius duodecimo paroxysmo vehementi, conualuit.

5) *Observatio infantis, qui iam per duos annos sine cibo et potu vixit*, a Cl. CALIXTE GAUTIER. Vt veritatem rei detegeret Cl. Auctor, hunc puerum, 13 annorum, per quinque dies custodiuit, et 1mo die obseruauit, illum, capitis ac ventris dolore grauatum, parum dormiuisse, 2ndo die versus vesperam magno frigore a somno impeditum, 3tio capitis dolore et anxietate vexatum, 4to et 5to somno refectum melius se habuisse. Abdominis muscoli valde emaciati erant, splen et hepar vix tactu sentiebantur; scrotum testiculis et funiculo spermatico vacuum erat; imposita abdomini manus sensit pulsum aortae. Temperamentum aegri melancholicum est, statura aetati conueniens, et post anginam ac variolas sine remedio curatas haec abstinencia accidit. Valde debilis est puer, nec nisi incuruus incedit.

6) *Descriptio erucae vomitu reiectae; communicata* p. 443. a Cl. VETILLART DU RIBERT. Hanc Cl. Auctor per 15 dies carne vitulina cocta et masticata nutriuit, cum omnia folia, carnes, cet. repudiaret, tandem vero fortuito periit. Putat igitur, hanc in ventriculo ex ouo exclusam ibique ab alimentis ingestis nutritam esse.

7) *Observatio abscessus interni cranii, per aures et nasum euacuari*; a Cl. LE BLANC. Vt in officina monetaria flammulas variegatas melius obseruaret Cl. Auctor, quae adscendunt, si argentum formis infunditur, caput super eiusmodi formam tenuit, sed statim ictum vehementem, quasi electricum, inde sensit, cum capitis dolore, intra 14 dies ad summum gradum aucto, postea pondus in latere sinistro capitis percepit; redierunt dolores vehementissimi,

quibus sedatis, emanarunt ex aure sinistra puris bonae indolis 20 circiter guttae per horam. Dolores deinde verticis vsque ad aurem dextram descenderunt, e qua post 20 dies pus effluebat. A 6to ad 9omum morbi diem furdus fuit, capitis peripheria quindecim lineas aucta erat; si veheretur in rheda vel equitaret, puris effluxus per aurem facilitabatur, motus nimius grauissimos capitis dolores excitabat; tandem subito reiecit magnam copiam puris spissi foetidissimi, quod ex fossis nasalibus in fauces descenderat, atque sic morbus finiebatur.

Menſe decembri.

P. 504. 3) *Continuatio commentarii de gangraena epidemica, in vicinia Insulae in Flandria, annis 1749 et 1750 grassante; a Cl. BOUCHER. Sectio IV describit tempus amputationis in sphacelo consummato.* Cum amputatio non tollere posset causſam, quae functiones neruorum vel arteriarum membri sphacelo tacti impediēbat: haec differenda erat, donec linea separationis partis mortuae a viua exoriebatur. Nec incommodum ab hac cunctatione timendum erat, cum membrum gangraenosum vt plurimum sponte siccesceret, nec malum, vt in gangraena humida, propagaretur. Porro differēbatur amputatio, siue morbus esset idiopathicus, siue sympathicus, siue criticus. In critico enim morbo materia post amputationem vel ad partem truncatam, vel ad aliam partem deducebatur. Si gangraena erat symptoma v. c. febris continuae, potius morbi causa destruenda, quam amputatio peragenda erat, quam febris semper dissuadebat. Morbus idiopathicus et simplex membri affecti amputationem non requirebat, cum esset supra locum corruptum 1) vel in statu irritationis (*d'eretisme*), vbi dissectae partes neruosae gangraenam mutilatae partis excitassent; vel stupore

stupore afficeretur, et amputatio in his truncatis vasis paralyticis potius gangraenam induxisset, quam eorum actionem systalticam restituisset, non nisi limitato sphacelo recuperandam; 2) cum, quam diu gangraena se expandebat, bona suppuratio vix speranda esset. Nunquam igitur bonus erat euentus amputationis in gangraena hic descripta, nisi linea separationis, in qua ipsa amputatio semper susciperetur, separationem mortui a viuo iam sponte fecerit.

4) *Observatio singularis de tumore carcinomatico, P. 533. et eius medela ope cicutae, cum euentu et diiudicatione rationis medendi; a Cl. HAZON.* Hic tumor haesit in latere medio sinistro maxillae inferioris, et, adhibito electuario cicutae ad ʒj vsque pro dosi, et in qualibet hebdomade purgante 12 granorum pastae alexiteriae de Rotrou dictae, in dies volumine auctus est, accedente tandem febre continua per 40 dies, tumor sine ullo remedio dissipatus est, aegra vero paulo post marasmo et furunculis obiit.

5) *Observatio metastasis arthriticae, cum singulari P. 540. bus phaenomenis, ex literis Cl. STRACK excerpta.* In viro, arthriticis doloribus vagis vexato, materia in magnum collecta est abscessum ad 5, 6 et 7 costam veram dextram, indeque orta est fistula inter costas et pleuram; post 5 menses materiae foetor costarum cariem prodidit, et incisione inter 5 et 6tam costam facta, ad exitum puris leuandum, aditus ad saccum ab exostosi vtriusque costae impediabatur, et pus, donec vulnus cicatrice clausum est, foetuit, quod Cl. Auctor miasmati arthritico adscribit.

8) *Observatio tumoris duri, non dolentis, vermi- p. 550. bus pleni; insigni magnitudine; a Cl. LEAUTAUD.* Hic adhaesit coxae dextrae tricenarii, cui imposuit Cl. Auctor cataplasmata emollientia, eoque aperto egressi sunt circiter 4000 vermium viuorum variae magnitudinis, et aeger sanatus est.

P. 552. 9) *Observatio hydroceles cum calculo perinaei, alioque maiori vesicae*; a Cl. TERLIER. Rusticus laboravit infiltrationem urinae in scrotum, tumore perinaei duro, et dolente, ac dysuria; imposuit per tres dies emollientia, quarto die hydrocelem causticis tractavit, et ex aperto tumore calculum drachmae dimidia pondere exemit; in collo vesicae magnus calculus firmiter haesit, qui apparatu magno eductus est.

Tom. Tomus XVIII. in mense ianuario 1763 haec XVIII. continet.

P. 42. 3) *Historia dysenteriae epidemicae, quae saevit anno 1750 in nonnullis Picardiae locis, et Albamae*; a Cl. MARTEAU DE GRANDVILLIERS. Post hyemem siccam, ver pluviosum, et iunium calidissimum prorumpabant mense septembri et octobri tres dysenteriae species, benignae, biliosae et putridae. *Benigna* vomitu mucoso, et crebra deiectione viscida sanguinolenta incipiens, levia tormina, ac febrem exiguam exhibebat, per 8 vel 10 dies observatam. *Bili* cum doloribus colicis maximis, vomitu bilioso et deiectionibus sanguineis irruens, tenesmus, dysuriam, sitim enormem, insomnia et febrem magnam induxit. *Putrida* febrem leuem, tormina maxima, vomitus et deiectiones creberrimas foetidissimas, tandem saniosas cum pulsu intermittente secum habuit, saepe accessit singultus, et aegri pessimis symptomatibus afflicti perierunt.

P. 59. 4) *Observatio et meditationes de usu sulphuris in phthisi pulmonum*; a Cl. CLAPIER. Phthisicus enim, variis frustra tentatis, tandem ingressus est fodinam lithanthracum, a cuius aere sulphureo eius expectoratio augebatur, ipseque sensim sanitatem recuperavit.

5) *De-*

5) *Descriptio foetus monstrosi*, a Cl. BRISEBAR-p. 66.
 RE et Cl. DUVOLLIER. Femina peperit gemellos perfecte formatos vsque ad vmbilicum, vbi recta linea coniungebantur, et eorum corpora e diametro sibi opposita erant, eaque vt et capita sursum spectabant; in vno latere aderant duo femora et crura bene formata, in altero vnum femur reliquis longius, cum crure ac pede deformi, qui duplicem pedem et sex digitos in duplici serie ita positos habuit, vt cuiuslibet pars interna versus alterius partem internam spectaret, quasi manus plicari solent. Caput et thorax in vtroque gemello nihil praeter naturam habuit, hepata inaequali magnitudine inferiorum expansione ligamentosa coniungebantur; vena porta ad maius hepar progrediebatur. Vterque foetus ventriculum, pancreas, lien et renes habuit, intestina ad finem ilei se coniungebant, et crassa vtrique communia erant, sed iusto ampliora; aderat corpus prolongatum vteri simile, vagina valde longa, septo in duas diuisa. Peluis e duobus constabat ossibus pubis, duobus ischiis, et duobus ileis irregulari situ; extremitates inferiores ligamento tantum adhaerebant; in altero latere aderant duo ossa ilea, deerant os pubis et ischium, et ad articulationem ossium ilei cartilago prominebat conica pollicis dimidii magnitudine; femoris caput planum erat. Adiecta est icon huius monstri.

6) *Observatio ossificationis singularis in tuba dextra* p. 69.
vteri feminae in partu mortuae repertae, a Cl. CHAM-
 BRY DE LA BOULAYE. Sectione cadaueris apparuit vterus liuidus, niger, digiti crassitie, et in tuba dextra latuit corpus peregrinum, membranis inclusum, ambitu 9 pollicum et 17 vnciarum pondere; cocta hac massa vidit Cl. Auctor, eam veram ossificationem sistere, cuius laminae laminis cranii ubique similes erant, et in loco fracto substantia cellu-

laris conspiciebatur. Adiecta icon rem melius declarat.

Mense februario.

- P. 112. 2) *Tractatus de catarrhis epidemicis, Nemausi aestate anni 1762 saevientibus*, a Cl. RAZOUX. Hic morbus triplex fuit; prior catarrhus cerebri, (*corryza veterum*), cum dolore capitis, oculis lacrymantibus, effluxu muci narium et febre; in 2do iam dictis se adiunxit difficultas deglutiendi, tussis, siccitas linguae, febris ardens; 3tius addidit difficilem respirationem, dolorem grauatium pectoris, tussim cum sibilo et eiulatu; febrem vehementissimam, insomniam, cet. Calor aestatis insignis eiusque vicissitudo cum frigore causa fuit huius morbi, quem exhalatio sulphurea, calore excitata, et materia subtilis caustica, qua aer scatuit, a naribus, oesophago, bronchiis resorpta auxit. Prior plerumque naturae viribus cessit, 2da et 3tia species venaesectioni, ptisanis pectoralibus, infusis theiformibus, purgantibus, diaetae.
- P. 127. 3) *Observatio effectus extracti cicutae*, a Cl. AGASSON. Infans ab esu cicutae praeter consueta symptomata, in partibus superioribus rigidus factus est, in inferioribus plane paralyticus, cum convulsionibus et deliriis. Sumto syrupo GLAUBERI euomuit, et symptomata cessarunt. In cancro aperto labii oris extractum cicutae a granis 2bus ad drachmam dimidiam sumtum bonos quidem effectus producere visum erat, attamen ex haemorrhagia partis affectae secuta est aegri mors.
- P. 144. 4) *Observatio de infelici effectu fructuum belladonnae*, a Cl. SAINT MARTIN. Infans comedit aliquot fructus belladonnae, et statim incidit in risum sic dictum sardonium, convulsiones et febrem acutam, balneo autem et vomitu excitato mox restitutus est.
- 5) *Obser-*

5) *Observationes usus alcalium volatilium in morfu p. 159.*
viperæ, quibus ostenditur, omnia alcalia volatilia, ex
animalibus educta, simili modo ut aqua de Luce dicta,
aegros morfu viperæ laborantes sanare posse; a Cl.
LE BRUN. Aqua enim de Luce dicta, spiritu vola-
tili viperarum, et spiritu cornu cerui succinato qua-
tuor homines, morfu viperæ afflictos, sanitati re-
stituit.

6) *Observatio abscessus insignis lobi sinistri pulmonis, p. 161.*
cum magna imminutione cavitatis pectoris in hoc latere,
a Cl. CELLIEZ. Puer 16 annorum, post febrem
inflammatoriam, querebatur de tumore ad 2dam et
3tiam costam spuriam, sensim ita aucto, ut vix re-
spirare posset, quo aperto et puris effluxu per 8
mensēs continuato, tandem vulnus coaluit.

7) *Observatio noxarum a scabie suppressa oriunda. p. 169.*
rum; a Cl. BARATTE, filio. Excitavit enim paro-
tidis tumorem lethalem; abscessum mammae; decu-
bitum erysipelatofum nuchæ et scapulae lethife-
rum; metastasin cruris, et quæ sunt reliqua.

8) *Litteræ Cl. LEAUTAUD, de vulnere magno p. 174.*
abdominis, sine futura curato. Infans a vitro fracto,
in quod incidit, laesus est supra umbilicum vulnere,
quatuor pollicum longitudine eademque latitudine,
prolabente omento dilacerato, ventriculo et colo.
Quibus reductis Cl. Auctor vulnus turundis, vino
calido imbutis, apte sine futura deligavit; aeger
per tres dies foeces vomitu reiecit, 4to autem aluo
reddidit. Oriebantur quidem varii abscessus, tabem
minitantes, 4to tamen mense vulnus plane coaluit.

Mense martio.

2) *Continuatio tractatus de catarrhis epidemicis, p. 215.*
qui Nemausi præterita aestate (1762) saevierunt; a Cl.
RAZOUX. Nunc ipsis exemplis ea confirmat, quæ
in priore tractatu exposuit. Feminae, 31 ann. ca-
tarrho

tarrho secundae speciei correptae, post tres venae-
sectiones, dedit 2^{do} et 4^{to} die *dilutum cassiae* cum
syrupo stibiato et manna, incidit tandem in sudorem
criticum, et decocto foliorum borraginis cum man-
na 7^{mo} die largiter euacuata, a febre plane libe-
rata est. Alia 18 ann. negligens catarrhum primae
speciei, sensit dolorem grauatium pectoris cum dif-
ficultate deglutiendi; vena ter secta et catamenia
morbum sustulerunt. Iuuenis 22 annorum, catar-
rho secundae speciei laborans, cum dolore graua-
tuo pectoris, tussi ferina, virium prostratione, et
febre insigni, duplici venaesectione somnum, et pur-
gante sanitatem recuperavit. Obseruauit Cl. Auctor,
dolores capitis magnos semper leuem tussim, leues
maiores secutam esse; narium haemorrhagias ca-
tarrhum leuasse; ab aucta perspiratione et expecto-
ratione morbum citius depulsum esse; in 3^{tia} ca-
tarrhi specie venaesectionem semper necessariam
fuisse; purgantia leuia conduxisse; tussim nunquam
a ventriculo ortam esse.

p. 236. 4) *Observationes de oenanthae* a Cl. VACHER:
quarum iam alias mentionem fecimus *).

p. 254. 5) *Historia grauiditatis cum pessimis symptoma-
tibus coniunctae*; a Cl. SOUQUET. Femina, 34
annorum, in quintae grauiditatis mense primo cata-
menia alba habuit, in sequente incidit in stuporem,
quarto mense in hydropem pectoris et totius corpo-
ris; setacea pedis multum aquae euacuarunt. Par-
tui proxima dolorem acutum ad sinum frontalem
perpessa est, memoria destituebatur, decies in vehe-
mentes conuulsiones deiecta est, donec partum
pereggit, postea rediit visus sensimque perfecta sani-
tas. Infans simili oculorum spasmus laborabat, quo
mater tempore partus affligebatur, cessauit tamen,
quo magis adoleuit infans.

6) *Obser.*

*) vid. Commentar. nostror. Vol. XI. P. II. p. 317.

6) *Observationes effectus tincturae castorei cum* p. 361.
aethere vitriolico praeparatae a Cl. SOUQUET; haec
 enim expulisse dicitur ex duabus feminis secundinas
 in vtero relictas.

7) *Observationes duarum herniarum ventralium;* p. 263.
 a Cl. STRACK. Viri, cuius superius *) mentionem
 fecimus, ob tumorem ad 5, 6 et 7mam costam ve-
 ram musculus rectus abdominis lateris affecti loco
 motus est, ut egrederetur portio ventriculi sub car-
 tilagine xiphoidea, oui gallinaei magnitudine, im-
 minuta vero costarum intumescencia; haec hernia
 sensim disparuit. Femina quaedam, post quintum
 partum, ob relaxationem muscutorum rectorum ab-
 dominis et lineae albae, hernia ventrali laboravit,
 quae constricto abdomine ope thoracis intra sex
 menses sublata est.

Mense aprili.

2) *Observatio febris cachecticae;* a Cl. GODART. p. 324.
 Vir, vino deditus, diarrhoea et febre lenta mor-
 tuus est. Secto cadauere hepar, iusto minus, pallidum
 fuit, vesicula fellea bile serosa pallida repleta, quae
 viscidum sedimentum deponebat; vesica vrisa nigra
 extensa; cerebri substantia copioso sero scatebat.

4) *Epistola* Cl. MAILHOS ad Cl. ALEXANDRUM, p. 350.
continens historiam suppressionis mensium, per quatuor
annos pessimis symptomatibus coniunctae. Virgo enim
 21 anni, cui ex subitaneo pedum refrigerio catame-
 nia supprimebantur, statim sensit stuporem omnium
 membrorum, cum paralyfi brachii dextri, et coeci-
 tate oculi dextri. Venaesectiones, euacuantia et
 vesicatoria diu continuata aegrae tandem visum, ca-
 tamenia et valetudinem perfectam reddiderunt.

5) *Observatio inuersi uteri;* a Cl. SONYER DUP. p. 357.
 LAC. Ex imperitia chirurgus post partum inuerterat
 vterum,

*) vid. pag. 247.

uterum, quem prominentem lauit Cl. Auctor decocto radicis bugulae, bistortae et vini rubri, eumque reduxit, postea aegram electuario adstringente cum iusculo et radice symphyti refecit.

Mense maio.

P. 407. 2) *Observatio febris tertianae duplicatae intermittentis, post febrem putridam exortae et cum obstructione alui pertinaci coniunctae*; a Cl. PLANCHON. Iuueni 23 annorum, a febre putrida hemitritea restituto, relicta est obstructio alui pertinax, ac postea ille rursus incidit in febrem tertianam duplicatam intermittentem cum spasmodicis abdominis et copiosa salivatione. Cl. Auctor sanguisugis excitavit haemorrhoides, dyssmatibus et cortice peruiano cum rhabarbaro primas vias purgavit, et aeger sensim conualuit.

P. 416. 3) *Observationes taeniae siue vermis solitarii*, a Cl. POSTEL DE FRANCIERE. Obseruauit VALISNERUS, corpora cucumerina, quae alii pro excrementis taeniae habuerunt, veros eius embryones esse, quos vidit ope mucilaginis se coniungere et sistere catenam nodosam, qua taenia componitur. Eiectio vermium cucurbitaceorum per anum certissimum exhibet signum taeniae, quam interdum excrementa mollia, stercorei bouino similia, indicant, reliqua signa minus certa sunt. Symptomata vix periculosa esse, declarat Cl. Auctor ex taeniae natura et eius sede, quam occupat. Plurimi solis purgantibus et vermifugis, alii solius naturae beneficio conualuerunt. Saburra euacuetur, necentur hi vermes nouaque eorum generatio stomachicis amaris praecauetur. Vomitoriis non semper opus est, purgantia sint amara et resinosa; mercurius eiusque praeparata, vt aquila alba et aethiops, optime conuenit. Infantibus prodest decoctum mercurii vel puluis

pulvis vermifugus Cl. GEOFFROY cum stimulo laxante; in statu putrido acida et temperantia antiseptica suadenda sunt. Ad curam prophylacticam potum coffeae et vini boni dulcis commendat Cl. Auctor. Oleum juglandium recentium cum vino alicantico vt specificum contra taeniam praedicatur *).

4) *Observationes choreae S. Viti*; a Cl. ALLIET. p. 432.
Tres observationes hic ostendunt, causam proximam huius morbi esse celeritatem et imperfectam elaborationem feri et lymphae in vasis stagnantis, vnde progressus fluidi nervei irregularis redditur. Venaesectio et purgantia **) non vnica sunt eius remedia, potius perspiratio ad sudorem vsque aucta, exercitatio corporis, sudorifera apta et stomachica neruina hunc morbum radicatus tollunt. Vt plurimum puellae accedente pubertate hoc morbo corripuntur.

5) *Observatio nonnullorum morborum verminosorum*; a Cl. COULANVOUX. p. 441.
Tricenarius, post tussim febre tertiana vexatus, sumsit vomitorium, et deiecta taenia, conualuit. Alius 14 annorum in febre putrida continua tetano corripitur, attamen mixtura castoreata et anthelmintica, depulsis verminibus, hunc sanum reddiderunt.

7) *Observatio hydropis pectoris in empyema mutati*; a Cl. FOUET. p. 451.
Tricenarius hydrope pectoris affectus paracenthesin sustinuit inter 3 et 4 costam spuriam, et egressa aqua saniosa foetida, aeger per sex dies bene se habuit. Cum vero postea emanaret materia spissa, et anxietas aucta mortem minaretur: suscepta est operatio empyematis, cuius ope libra vna

*) vid. Commentar. hor. Vol. XII. P. IV. p. 646.

**) vid. Comment. hor. Vol. VIII. P. III. pag. 468. et Vol. XI. P. IV. pag. 653.

vna et dimidia puris spissi educta est, et vulnus tandem post tres menses coaluit.

8) *Observatio exstirpati tumoris cancrofi linguae, et boni effectus pillularum cicutae in symptomatibus postea accedentibus*; a Cl. BIESHAAR. Ex ore, per speculum oris diducto, protracta est lingua ope forcipis, et incisione semicirculari tumor exstirpatus; haemorrhagia aqua aluminis sedabatur. Quamquam hac operatione omnis tumor sublatus erat: vulnus tamen, accedente febre et oris inflammatione non prius claudabatur, quam cicuta in pillulis et gargarismatibus adhibita est.

Mense iunio.

P. 496. 3) *Historia anginae gangraenosae epidemicae, quae grassata est Charonae, tempore aestiuo anni 1762*; a Cl. DUPUY DE LA PORCHERIE. Pulsus omnium aegrorum erat parvus, frequens, cum calore et ficcitate cutis, dolore capitis, vomitu bilioso, difficultate deglutiendi, febre plerumque continua coniunctus. Causa proxima latuit in bile plus minusue euoluta, quae celeriter e primis ad secundas vias deducta caput et fauces affecit, ibique inflammationem lethalem excitauit. Venaesectio semper nocuit, aqua mineralis cum nitro, ptisana hordei cum aceto et nitro, purgantia lenia, gargarysmata ex aqua hordei cum melle, spiritu sulphuris et camphora plurimos sanauit.

P. 509. 4) *Observatio febris scarlatinae cum scabie retropressa et variis congestionibus externis complicatae*; a Cl. LANDEUTTE. Miles vicenarius, laborans scabie inueterata sicca suppressa, subito incidit in febrem inflammatoriam, vt totum corpus rubore scarlatino obtegeretur, cum doloribus neruinis maximis; venaesectiones vero et medicamenta temperantia morbum 17mo die sustulerunt. Paulo post aeger in similem

similem febrem scarlatinam et delirium incidit: vndecimo die varii oriebantur abscessus in inguine, ad umbilicum, sub axillis, ad carpum, sponteque rupti sunt, tandem usu absorbentium et lactis haec difficilis cura fiebat.

6) *Observatio tumoris enormis in latere dextro* p. 533. *cranii*; a Cl. VIELLARD. Vir, 34 annorum, novem menses post lapsum sensit, mediam partem ossis parietalis dextri mollem esse ac pressioni cedere; accessit tumor oui gallinacei magnitudine, mollis et pressus sub cranium descendens. Varia quidem remedia sed frustra tentabantur, et aeger moriebatur. In sectione cadaveris substantia utriusque lobi cerebri naturali similis apparuit, pars lobi sub osse parietali dextro, cuius ambitus erat decem pollices, 4 vel 5 lineas depressa erat, quae cavitas basin tumoris recepit. Detracto epicranio liquor sanguinolentus emanavit, et tumoris substantia fuit spongiosa, membranosa et frustulis osseis repleta, qua sublata in cranio foramen remansit, quod 9 pollices ambitu aequavit; substantia baseos magis compacta durae matri arcte adhaesit.

7) *Observatio nova, quae confirmat, nigrum colorem, quo interdum imbuuntur turundae et emplastra, non semper cariem indicare*; a Cl. STRACK. Femina laborabat abscessu insigni sub axilla dextra, a decubitu materiae arthriticae exorto; dilatatis sinubus effluxit quotidie copiosa materia, et quarta vel quinta hebdomade pus foetidum, emplastra colore nigro inquinans, quamquam costarum caries non aderat; sexta hebdomade disparuit foetor, et nona abscessus coaluit.

8) *Epistola* Cl. MARTIN ad Cl. ROUX, *continens* p. 549 *observationem vulneris tracheae*. Quadragenario vulnus quatuor pollicum cultri ope ad cartilaginem thyroideam et os hyoideum inflictum est; Cl. Autor.

Etor vniit cutem in tribus punctis vulneris per futuram nodosam, et balsamum ARCAEI applicauit; aucta febre altero die nodos futurae dissoluit, atque vulnus 17mo die plane sanatum est.

XXIII.

Theory and Practice of Chirurgical Pharmacy: comprehending a complete Dispensatory for the use of Surgeons; with explanatory and critical notes on each composition; and an introductory inquiry concerning the particular intentions of cure, in which remedies are applied, or administred; and the nature, and medicinal efficacy, of the several simples subservient to them. London, printed for I. Nourse. 1761. 8 mai. Alph. I. pl. 9.

i. e.

Theoria et praxis pharmaciae chirurgicae; sistens dispensatorium completum, usui chirurgorum inserviens, etc.

Cum Cl. Auctor, qui D O S S Y dicitur, videret, adhuc deesse opus perfectum pharmaciae chirurgicae, atque institutionem simplicium, a quorum vera cognitione selectus ac vsus medicamentorum pendet: scripsit hunc librum, in quo medicamentorum formulas iam cognitae, et rationales, et empiricas, ad classes redegit, iisque proprias adiunxit. Diuidit vero hanc pharmaciam chirurgicam in partem theoreticam et in partem practicam. Prior continet octo capita, in quorum 1mo definitio ac subiectum pharmaciae chirurgicae traditur; 2ndum examinat naturam corporis humani et diuersorum symptomatum, quibus variae partes obnoxiae sunt, vna cum indicationibus cura-

curatoriis praecipuis; 3tium considerat naturam medicamentorum in praxi chirurgica adhibendorum, secundum praecipuas indicationes curatorias dispositorum; 4tum de materia chirurgo-medica in genere differit; 5tum offert descriptionem et historiam medicam simplicium variorum, ad ordinem alphabeticum; 6tum indicat formulas peculiare medicamentorum et externorum et internorum, in praxi chirurgica occurrentium; 7mum tractat instrumenta et utensilia, quae ad pharmaciam chirurgicam pertinent; 8uum docet operationes chirurgicas, quae in pharmacia chirurgica requiruntur.

Pars secunda practica, in tres libros dispescitur, p. 185.

quorum *primus* praeparationem et compositionem medicamentorum, vsui externo destinatorum, explicat, quas formulas Cl. Auctor excerpfit e Pharmacopoea Londinensi et Edinburgensi, nec non ex catalogo medicamentorum, quae Londini in Nosocomiis S. Thomae et S. Bartholomei in vsu sunt, et ex pluribus aliis; attamen, non nisi eas elegit, quae maxime necessariae vel nonnullis morbis valde convenientes ipsi visae sunt. Differit itaque capite 1mo de formulis siccis medicamentorum externorum, partim de corporibus plane siccis, partim de pulueribus; caput 2ndum considerat vnctuosa medicamenta externa, emplastra, cerata, vnguenta, linimenta, cataplasmata, epithemata; caput 3tium proponit fluida medicamenta externa, fomenta, clysmata, embrocationes, collyria, gargarysmata, tinturas, iniectiones, olea, balsama. Liber *secundus* p. 338.

praeparationem et compositionem medicamentorum, vsui interno exhibendorum, docet, quae ex iisdem fontibus hausit Cl. Auctor; et capite 1mo praescribit formulas solidorum sic dictorum medicamentorum interne sumendorum, nimirum pulueres, pilulas, bolos, electuaria; capite 2ndo formulas fluidorum

dorum medicamentorum internorum exponit, haustus, iulapia, infusa, decocta, tincturas, linctus et
 p. 469. looch, emulsiones, mixturas. Liber *tertius* ordinat varia medicamenta, et simplicia, et composita, secundum eorum vires medicas, vel certas, vel putatas, quibus inferuiunt variis indicationibus curatoriis, et quidem capite 1mo enarrat medicamenta ad usum externum apta; adstringentia, quae in stiptica externa, repellentia et roborantia diuiduntur; discutientia; agglutinantia; emollientia, quae vel relaxando, vel anodyna vi, aut narcotica virtute, aut refrigerio agunt; suppurantia; digestiua; detergentia; defensiua; incarnatiua; epulotica vel cicatrifiantia; caustica; antispasmodica; epispastica vel vesicatoria; vulneraria; specifica contra luem veneream, scabiem haemorrhoides, lepram et cancrum; capite 2ndo medicamenta vsui interno consentanea refert, quae sunt cathartica vel drastica, s. purgantia fortiora, vel eccoprotica et purgantia mitiora; sudorifera; diuretica; emetica; emmenagoga; cardiaca; alterantia, quae sunt vel dissoluentia, vel stimulo quodam resoluentia, vel antiputredinosa, vel antacida s. absorbentia; analeptica; adstringentia; antispasmodica, vel stimulantia, vel narcotica; discutientia; balsamica aut vulneraria; specifica contra luem veneream, podagram, scabiem, rabiem a morfu canis rabidi, cancrum, gangraenam, strumas, haemorrhoides, lepram.

Liceat nobis nonnullas proferre obseruationes ac formulas Cl. Auctoris, vt ratio huius libri magis
 p. 186. conspiciatur. Experientia edoctus est, *agaricum quercinum* non semper sedasse vulnerum haemorrhagias. *Amalgama mercurii* e rasura plumbi vel stanni vt specificum in cancro mammarum commendat.
 p. 191. Similem naturam acquirunt *laminae plumbi cum mercurio perfricatae*, et ad glandularum tumores chronicos

nicos discutiendos recte quidem adhibentur, certius
autem id praestat vnguentum mercuriale. *Pulueremp.* 195.
myrrhae in acceleranda exfoliatione ossium cariofo-
rum maxime laudat. Pulv. talci, aqua cocti et so-p. 201.
luti ℥iv. cum ℥j. *balsami traumatici* mixtae, bonum
constituunt *emplastrum agglutinans*. *Cereolos resol-* p. 233.
uentes et emollientes compendiosius praeparare do-
cet, quam Cl. D A R A N; etenim sumit cerae pur.
℥viii. sperm. ceti ℥iij. pingu. porc. ℥ij. ol. oliu. ℥j.
ceruss. ℥vj. Cerussam cum oleo et aqua coquit, reli-
qua soluta addit, et linteum, hoc liquore imbutum,
in cereolos mutat, qui si caustici esse debent, ad ℥j.
compositionis modo praescriptae addit ℥j. merc.
praecipit. rubri, et sextam pollicis partem tenuis
extremitatis cereoli immergit. *Linimentum mercu-* p. 265.
riale psoricum componit ex ol. oliu. ℥iij. cer. alb. ℥j.
quo liquefacto, addit ℥ij. merc. praecipit. albi, id-
que in scabie praestantissimum inuenit. *Cataplasma* p. 278.
commune emolliens, ex lact. ℥vj. ol. oliu. ℥j. mic. panis
q. f. factum, in tumoribus inflammatis maxime con-
uenire dicit. *Cataplasma ad ecchymosin* ex rad. figillip. 280.
Salom. ℥i℥. conferu. rosar. et acet. aa ℥℥ paratur.
Cataplasma resoluens, ex foec. vini et aceto vini aa p. 281.
℥℥. salis ammoniaci crudi ℥j. auen. excortic. q. f.
compositum, optime resoluit sanguinem extrauasa-
tum. *Fotum emollientem* praedicat Cl. Auctor exp. 300.
rad. althaeae, flor. sambuci aa ℥j. sem. lini ℥℥. co-
quatur in ℥iv aquae, donec ℥ij remaneant, quae co-
lentur, et ℥j. decocti addantur ℥ij. spir. salis ammo-
niaci; conuenit inprimis in magna inflammatione.
Embrocatio adstringens ex sach. saturni ℥j. alum. et p. 312.
vitrioli alb. aa. ℥℥. soluantur in ℥j. tinct. rosar. sol-
uantur porro ℥ij terrae laponicae in ℥i℥ spir. vini
rectif. vtraque solutio misceatur, decantetur; et
caute adhibeatur in eruptione aut congestione ca-
tarrhali. *Pulvis diaphoreticus DOVERI* ex opio pu-p. 344.

- rificato, rad. ipecacuanhae puluerif. glyzyrrhizae aa. ℥j. nitri et tart. vitriol. ana ℥iv, mixtus, certissime sudorem mouere putatur, si a ℥j ad ℥ij. pro dosi
- p. 348. exhibetur. *Mercurius alcalifatus* fit ex mercurii purific. ℥iij. et pulv. lap. cancerorum ℥v. trituretur in mortario vitreo, atque dosis a gr. v. ad ℥j. in scorbuto
- p. 366. commendatur. *Pillulas lithontripticas* praeparat Cl. Auctor ex sapon. Alicant. ℥viiij. calcis viuae puluerif. ℥j. salis lixiu. vegetab. ℥j. formetur pasta et pillulae ad ℥j. pondere, quarum 18 ad 24. vel 3 aut
- p. 384 4 ℥. pro dosi exhibere solet. *Bolum ecphrasticum*, ex aloes succotr. puluerif. gr. iv. vitrioli martis gr. iij. conseru. absinth. maritimi et syrup. cort. aurantiorum ana ℥j. certissimum esse emmenagogum, sibi
- p. 418. persuadet. *Infusum paralyticum* ex rad. armorac. et sem. sinap. aa. ℥j. canell. alb. ℥iij. aquae fontan. feruent. ℔jss. colatur. add. aquae sem. carui ℥ij. in morbis neruorum ad ℥iv. pro dosi bis in die exhiberi cupit.
- p. 430. *Decoctum sarsaparillae* in aqua simplici parum adiuuare ait in lue venerea, nisi cum tinct. sublimati coniungatur; melius conuenire putat in
- p. 438. podagra, rheumatismo, scorbuto. *Tinctura mercurii corrosui sublimati*, ex mercurii sublim. puluerif. gr. x. spir. vini rectific. ℔j. conuassata in phiola, soluta, decantata, saepe miasma venereum non radicitus tollit, interdum tormina, non raro aluum sanguinolentam producit.
- p. 456. *Mixturam alcalino salinam* praeparat ex aquae fontan. ℔jss. salis tartari ℥ss. colaturae addit ℔ss. aquae menthae piperit. eamque praedicat in oedemate, vlceribus, hydrope, strumis, podagra vaga, nephritide, cet. Si additur ℥j. nitri,
- p. 458. appellatur *mixtura alcalino salina composita*, quae magis efficax est in oedemate, vlceribus et anasarca.
- p. 463. In diarrhoeis commendatur *mixtura contra diarrhoeam*, ex aqu. cinnam. ℥viiij. gum. Arab. aut gum. Senegal. ℥iij. addantur cretae pptae ℥vj. aqu. menth. piperit.

piperit. ℥iv. spir. volat. aromat. ℥ij. syrup. e maeconio ℥iij. Adiecit praeterea Cl. Auctor iudicium de vnaquaque formula, eius commodo ac incommodo, doses atque cautelas praescripsit, omniaque suis observationibus illustravit.

XXIV.

De l'Air, de la Terre et des Eaux de Boulogne sur Mer et des environs; nouvelle Edition, corrigée et considérablement augmentée, a la quelle on a joint Constitution epidémique, observée suivant les principes d'Hippocrate, a Boulogne sur Mer, en l'année 1759; avec des Dissertations sur la maladie noire, les Eaux du Mont - Lambert et l'origine des Fontaines en général. Par M. DESMARS, Médecin, Pensionnaire de la Ville. a Paris, chez la Veuve de Denis - Antoine Pierres. 1761. 8. pl. 14.

h. e.

De aere, solo et aquis Bononiae in comitatu Picardiensi; editio noua, correctâ et multum aucta; cui subnexa est constitutio epidemica, secundum principia Hippocratis anno 1759 Bononiae obseruata; vna cum dissertationibus de morbo nigro, aquis montis Lamberti et origine fontium in genere. Auctore Cl. DESMARS etc.

Bononia situm habet ad latus occidentale collis, montis Lamberti dicti, ad cuius radices ampla vallis est, quae a flumine, *Liannes* dicto, humectatur, atque bis de die per aquas maris inundatur.

R 4

Super-

Superior huius vrbis pars versus regionem orientalem et australem sita est, et a vulturno inprimis perflatur, boreas autem et zephyrus minorem vim habent. Inferior vrbis pars in valle inprimis sita est, et vix vllum ventum praeter eorum et euro-aquilonem admittit. Superioris partis solum ex stratis argillaceis et arenosis formatur, in inferiore autem parte insignis copia arenae solum format. Dum terra effoditur, frusta cochlearum et lignum fossile et filices singulares reperiuntur, quorum diameter pedem vnum vel sesqui pedem aequat. Eisdem interius excavati sunt et crysallos continent, quae plerumque flavae et interdum albae sunt, et in cuspidem adamantinae similem desinunt. Praeter has autem saepe in cavitatibus horum lapidum parva frusta ligni destructi seu lapilli inclusi reperiuntur. Tandem quoque arena marina petrescens seu lapides arenosi effodiuntur, quos ad construendas cellas et

p. 11. culinas adhibent. Aqua putealis dura et impura est, magnamque copiam partium terrestrium continet. Aqua fontana limpida est, saeuiente tamen tempestate et tempore pluuioso turbida et albicans euadit. Fluvialis demum aqua turbida, crassa terrisque calcareis et dissoluta argilla referta deprehenditur.

p. 14. Aer magis humidus, quam ficcus est, et quod ad calorem ac frigus spectat, vtrumque moderatum esse solet, si quidem insignis copia aquarum tum frigus tum calorem moderatur. Inter ventos vulturnus inprimis et eurus urbem perflant, iique interdum circa aequinoctium impetuosius sunt. Aeris constitutioni tribuit, quod animalia inprimis quadrupeda, respectu adiacentium prouinciarum minora sint, et fructus obscuriorem colorem, crassiorumque corticem habeant et parui sint. Ex his autem organa firma et diutius aeris iniuriis resistentia in-

p. 22. larum oriri coniicit. Illos bellicosos et feroces esse, perhi-

perhibet, caussamque in eo, quod locum montosum inhabitent, quaerit; ex magno autem fenum numero et raritate morborum et foecunditate matrimoniorum salubritatem aeris huius vrbis elucere putat, simulque puellarum numerum puerorum numero superiorem esse narrat. Inter quadrupeda p. 26. inprimis pulli equini, vaccae, verueces, porci, apri, lepores, cuniculi, mustelae et mures auellandarum minores praeter vulgaria copiosiores sunt. Inter aues gallinaginum magna hic deprehenditur copia. Inter reptilia vipera nulla, coluber vero, lacertus vulgaris, salamandra, rana et bufo frequentes sunt. Piscibus tum marinis tum fluuiatilibus haec regio abundat. Insecta e. g. papiliones, muscae, cicadae paucae, cimices nulli, apes vero numerosae sunt; inprimis scarabaei, ceruus volans, scarabaeus rhinoceros dictus, scarabaeus paruus et scarabaeus marialis. Inter crustacea cancri et gammari et squilla, inter vermes lumbrici, et inter zoophyta sepie et echinus marinus, stellae marinae et vrticae marinae eminent. Inter cochleas pectines inprimis praecipui sunt. Inter vegetabilia indigena, variae arbores, plantae et fructus tum cereales, tum horaei, tum leguminosi hic enumerantur. Victum incolarum, qui ruri viuunt, lactinia et praecipue carnem porcinam salitam, potum vero vel aquam simplicem vel cum furfuribus coctam, postmodum fermentatam, constituere, et tabacum etiam et spiritus ardentem copiose vsurpari, Noster perhibet; de p. 46. moribus eorum autem notat, eos non adeo laboriosos esse, eosdemque etiam ob domorum distantiam a socialitate, simulque etiam a vitiis, quae inde proueniunt, remotos esse. Remigum vitae genus a praecedenti valde differt. Plerumque piscibus marinis viuunt, spiritum ardentem copiose bibunt, et indefinenter tabaci fumo vtuntur. Magnitudine et

firmitate corporis praestant. Fides morumque integritas multum laudatur. Morbis non adeo obnoxii sunt; senes tamen plerumque coecitate et
 p. 52. herniis laborant. Aliud est vitae genus et mores incolarum urbis. Potus theae cum lacte semel, bis, immo saepius de die ingeritur; caeterum potus ordinarius cereuisia tenuis est; vinum aqua dilutum a paucis tantum bibitur. Inter victum carnosum praeter vaccinam, vitulinam et veruecinam, nulla alia caro in usu est. Inter vina Burdegalense et Languedocense praecipua sunt. Morbi endemici ab intemperantia vini et potulentorum fortiorum et abusu potus calidi proueniunt. An autem salina aeris humiditas, quae ibi obseruatur, incolas ad haec potuum genera inuitet, Noster quaerit. Praeterea permultos aegrotantes, hydrope pectoris et ascite, nec non phthisi laborantes, et inter plebem inprimis morbos cutaneos et sudorem foetidum obseruauit.

p. 58. Anno 1750 dysenteria, 1754 variolae, 1756 febres miliares, 1757 febres putridae malignae et 1759 anginae et morbilli praecipui morbi epidemici fuerunt, quos Noster ab initio anni 1750 adnotauit. Hyemali autem tempore, inprimis si humiditas regnauit, fluxiones catarrhofae, tussis et anginae, si autem gelida hyemis feruentem aestatem exceperit, febres continuae apparuerunt. Quod ad curationem spectat, venaesectiones minus frequentes institui, vesicatoria contra et vomitoria crebrius usurpari, et plurimas pleuritides tum veras tum spurias praecipue horum remediorum usu debellari, curationem autem antiphlogisticam SYDENHAMI moderamen ibi requirere, Noster notat.

p. 63. Transeamus ad constitutionem epidemicam anno 1759 Bononiae obseruatam. Praegressa hyeme leni et aestate humida tempore autumnali anni 1758 coelum nubilum, pluuia copiosa, interpositis nonnul-

nonnullis diebus serenis venti australes, hyems admodum lenis, veri pene similis, tumque itidem venti australes, multa pruina, pauca pluuiæ, ver frigidum et siccum tumque venti copiosi, caurus nimirum et vulturnus, aestatis subsequens calor insignis et initium mensis augusti pluuiosum, reliquum tempus minus constans obseruatum est. Varii tunc morbi sub diuersis tamen temporibus epidemice grassati sunt, inprimis tussis conuulsiva, febres catarrhales, tumores glandularum colli, maxillarium et parotidum, in nonnullis testiculi tumefacti, et tussis sicca tempore autumnali obseruata est. Durante hyeme in partibus corporis superioribus erysipelas et scabies sicca, et vomitus fluxusque biliosi homines infestarunt. Tempore vernali pleuritides et peripneumoniae et a mense ianuario ad solstitium aestiuum vsque morbilli insimulque febres anginosae, erysipelaceae et miliales copiosae, nec non febres intermittentes tertianae regnarunt. Durante aestate et autumno dolores abdominales, morbi atrabilarii et nonnullae dysenteriae homines excruciarunt. Tandem sub initium autumnii variolae in conspectum venerunt, non adeo diu durantes.

Praemissa epidemiarum historia causas horum p. 81. morborum perpendit, et hic ad indolem regionis, anni tempora, siccitatem et humiditatem, ventos australes et septentrionales, tanquam ad causas praecipuas, insimul autem ad temperiem, aetatem et regimen aegrotantium attendit. His expositis comparisonem Noster inter febrem hanc anginosa epidemica et inter epidemias, quae ab HIPPOCRATE, et anno 1734 Plymuthi a Cl. HUXHAM, et anno 1759 Parisiis eodemque anno Insulae a Cl. BOUCHER, Albamalae a Cl. MARTEAU, et in locis vicinis vrbis Ham a Cl. DE BERGES obseruatae sunt, instituit.

instituit. De curatione praeferuatiua posthaec notat, domicilia, quae regionem australem respiciunt, cum iis mutanda esse, quae versus septentrionem sita sunt. Dein munditiem commendat, potum calidum vero et somnum diu protractum et omne id vetat, quod humiditatem cerebri auget. Inter remedia, quae praeferuant, exhibito prius leni purgante ad vesicatoria, inprimis nuchae aut collo applicanda, nec non ad cauteria respicit. Remedia autem, quae curationem absoluant, vomitoria itemque vesicatoria et pannorum laneorum, oleo et spiritu cornu cerui imbutorum, applicationem circa collum, praecipue profuisse notat.

p. 113. Descripta epidemia observationem de morbo nigro communicat, et hunc morbum, qui vomitu inprimis stipatus est, et in quo materies nigricans, cruenta et foetens reiicitur, non a colore materiei per vomitum reiectae, sed a colore cutis et oculorum liuido nomen accepisse, putat. Causam huius morbi in materia atrabilaria indolis acidae, non vero alcalinae, quaerit, et curationem sero lactis et abstinentia alimentorum dulcium, pinguium et oleosorum, usu vero eorum, quae refrigerent et aluum laxent, absolui perhibet. Praeterea purgationem capitis pauloque post instituendam venaesectionem in brachio commendat, vini vero abusum, concubitum, exercitia valida, ambulationem diu protractam, insolationem, balnea calida et alimenta falsa et aromatibus condita prorsus interdicat.

p. 125. Ultimo dissertationem de aquis montis Lamberti et de origine fontium in genere subnectit. Ut ex his perspicimus, fontium aquae secundum Nostri sententiam a vaporibus subterraneis condensatis oriuntur, hi autem per inspirationem continuam, expirationi aequalem, perpetuo refarciuntur. Quod ad aquas Bononienses spectat, secundum

HIPPOCRATIS sententiam duas classes aquarum admittit. Aquae enim, eo opinante, vel sunt durae, crudae et difficulter coquendae; huc etiam aquae minerales, falsae et eae pertinent, quae ex lapidum stratis oriuntur; vel aquae molles, dulces, tenues, limpidae et facile digerendae sunt, quorum spectant aquae pluviae, et quae a collibus terrestribus proveniunt. Ad priorum classem aquas montis Lamberti Noster refert. Cum autem aquae durae et crudae temperamentis debilibus et delicatioribus noxae sint, eademque difficiliter digerantur atque ventrem obstipando et exsiccando, superioribus partibus resistantiam pariant, et versus has partes maiorem humorum affluxum alliciant, expectorationem copiosam, catarrhos, asthma, hydropem pectoris et affectus hypochondriacos incolis Bononiensibus ob memoratam aquarum indolem morbos familiares esse, Noster colligit. E contrario fluxum album, fluxum hepaticum et lenteriam, ob eandem aquarum naturam raro ibi observari, immo gonorrhoeas inueteratas usu harum aquarum cito curari, perhibet. Albedinem porro dentium ossiumque, unguium magnitudinem et pilorum copiam pariter quoque inde derivat; cumque ob eandem causam tunicae vasorum densiores et rigidiores evadant, organa sensoria minus sensilia, hinc etiam imaginationem minus vividam ibi deprehendi, ob id vero iudicium magis valere, notat. Causam tandem, cur caput Bononiensium rotundum, collum breve, scapulae amplae et crura femoraue crassa sint, non in aere, sed itidem in aquis quaerit. A duris enim crudis falsisque aquis duriem, rigiditatem et resistantiam viscerum abdominalium aequae ac vteri provenire, hinc foetum fortius retineri magisque comprimi et formam corporis descriptam acquirere, Noster arbitratur.

XXV.

PETRI CAMPER Demonstrationum anatomico pathologicarum Liber secundus, continens pelvis humanae fabricam et morbos. Amstelædami apud Ioannem Schreuder et Petr. Mortier. 1762. Fol. imper. pl. 14. tab. aen. 3. cum duab. tab. aen. linear.

Cum iam eo loco, quo primum huius elegantissimi operis librum indicauimus, de consilio scribendi Cel. Auctoris satis a nobis expositum sit *), hoc nunc silentio præterire nobis liceat. Sufficiat itaque monere, id agere potissimum Nostrum in altera hac demonstrationum parte, ut pelvim humanam, plurimorum certe morborum ac vitiorum sedem, quoad fabricam et morbos describat. Dicit autem Cel. CAMPER potissimum de virili pelvi, pauca enim sunt in hoc opere, quae ad foeminarum pelvim eiusque morbos pertinent. Tota vero tractatio in sex capita ab Auctore diuisa est, atque in

p. I. eorum primo *de ligamentis, cartilaginibus, ossibus et musculis circa pelvim positis eorumque affectibus* agitur. Synchronosin ossium pubis in partu mobilem esse confirmatur. Non modo iunioribus, ut HIPPOCRATES asseruit, quibus cyphosis in dorso infra septum existit, sed et iis, quibus gibbus supra septum accidit, abscessus ad ilia et inguina proueniunt, non ex consensu quodam inter has partes, sed propter aponeuroses ex ligamento vertebrarum communi anteriore prouenientes, quorum ductum pus descendens sequitur. Coccygei musculi usum in eo potissimum consistere Cel. CAMPER autumat, ut is ligamento sacro-ischiadico robur addat, quo illud valen-

*) vid. Comment. Vol. X. P. III. p. 503.

valentius contractioni et vi muscutorum abdomina-
lium et septi transuersi resistere possit. Ligamen-
tum urethrae triangulare mediam quasi inter mu-
sculum atque ligamentum naturam habet, atque
cum in sectione calculi magni momenti sit, a Nostro
accurate hic describitur et delineatur. Fibras eius
radiatim dispositas vere musculares esse, Cel. CAM-
PER adfirmare non audet; vidit tamen hoc liga-
mentum in cadauere aliquo fere totum musculare.

Caput secundum *de arteriis venisque peluis et pe- P. 5.*
rinaei inscribitur. De arteria pudenda interna Cel.
CAMPER monet, omnes fere anatomicos eam in
figuris suis obscure admodum exhibuisse, ne HAL-
LERO quidem excepto, de cuius quinque tabulis
vasis sanguiferis peluis destinatis conqueritur, in iis
fere omnia extra situm picta esse, vasaque cera tur-
gida et a vicinis separata exsiccataque mirum in
modum *capreolizantia* delineari. Plexus et circuli
venarum hypogastricarum, qui a pudenda proue-
niunt, egregie describuntur.

Capite tertio Cel. Auctor *de nervis intra peluim P. 6.*
et in perinaeo conspicuis exponit. De nervo obtura-
tore notat, ob eius compressionem ex diuerso foe-
tus situ in vtero inclusi, grauidas de stupore ac do-
lore femoris saepe conqueri, quae tamen sympto-
mata mutato foetus situ breui cessant. Ischiadi-
cum plexum, et nervi intercostalis in pelui fines
inprimis accurate describit, et symptomatum quo-
rundam, ex nervorum variorum inter se coniun-
ctione, explicationem, huic nervorum descriptioni
adnectit. Sunt vero ea: pedum tremor in hysteri-
cis, in quibus omnia symptomata ex acrimonia pu-
trida in primis viis praesente prouenire putat; non-
nulla symptomata colicae pictorum, symptomata,
quae gibbosis ex compressione partis inferioris me-
dullae spinalis et nervorum extremitatum inferiorum
rum

rum superueniunt, et alia, quae in expulsionem foecum in partu et in calculosis obseruantur. Colicus dolor et diarrhoea a pedum refrigerio explicantur, per ramos nerui ischiadici in planta pedis distributos, horumque ramorum cum neruo intercostali coniunctione.

p. 9. Capite quarto *de figura et situ partium, in calculosorum curatione scitu necessariis, et de incisione vesicae secundum RAUUM, CHESELDENUM aliosque disputatur.* Multas easque egregias obseruationes hoc caput continet; ex quibus pauca speciminis loco adducamus. Pertinent vero omnia, quae hic dicta sunt, ad explicationem tabulae secundae et tertiae. Atque in earum priore potissimum Noster partes, in perinaeo sitas, prout eae se scalpello in sectione calculi offerunt, in diuersa spatia distinctas, delineari curauit. Inprimis vero damna, quae scalpello non rite ducto, sed aberrante, ex laesione vasorum aliarumque partium oriri possunt, indicat. Glandulas a COWPERO dictas Noster, cum rarissime reperiantur, semel tantum vidit, et depingi curauit. Vesicam vrinariam pauci, forsitan nulli in vero situ exhibuerunt. Hinc Cel. CAMPER synchondrosin osium pubis, et os ilium pone acetabulum ferra diuisit, musculosque abstulit, vnde effectum esse putat, vt in figura adiecta omnia in situ, maxime naturali simillimo, delineata sint. Vesicam homo in dorso cubans totam euacuare nequit. Hinc diuturnus in dorso decubitus in adultis, non tamen vti LEEUVENHOECKIUS asseruit in pueris, calculi generandi causa existere potest. Contra Cel. LIEUTAUD, qui circa locum, vbi ostium vesicae cum vrethra committitur, eminentiam aliquam et corpusculum descripsit, quod *vuulam corpusque trigonum* dixit *), Noster monet, esse eminentiam hanc

in

*) vid. Memoir. de l'Acad. des Scienc. a. 1753.

in paucis alicuius momenti, minime tamen negari posse, eam aliquando in tumorem eleuari. Credibile interim CAMPERO videtur, caput gallinaginis frequentius, quam vuulam modo descriptam vrinae iter obstruere, caussamque esse, cur catheter in vesicam compelli non possit, cum ostium capitis gallinaginis aliquando tam amplum sit, vt specilli apicem recipiat. De hac aliisque caussis, quae impedire solent, quo minus catheter vesicam ingredia-
tur, egregia multa Noster monet. Quae Cl. POUTEAU de prostata adfirmavit, eam scilicet facile digitis lacerari posse in calculi sectione, et quidem in illa directione, qua incisa est, per CAMPERI observationes magis adhuc confirmantur. Aliquoties vidit vesicam vrinariam scirrhouam ac circa calculum ita constrictam, vt is omnem vrinae per vretres accessum plane impediret. Hinc vreter maxime dilatatus, peluisque renalis valde expansa erat. De catheteribus porro Noster agit, Rauianum, Cheseldenianum et Sharpianum describit, atque putat, omnes fistulas mediae curuaturae, si tantum aliquo modo incuruae sint, catheterum loco adhiberi posse. Catheteres sigmoideae figurae, quales veteres adhibuerunt, facillime, vbi obstaculum in vrethra est, quia non dirigi possunt, haerent. Caeteris vero omnibus, si via libera est, urgente necessitate diutius intra vesicam relinquendi sunt. Apices vero horum trium catheterum, quos descripsit, monet, nimis longos esse. Addit de exploratione per catheterem in vniuersum quaedam, iubetque, curuaturam catheterum pro varia aetate eorum, qui explorandi sunt, ita aptari, vt RAUICATHETER in infantibus trium vel quatuor annorum, CHESLENDENII, quo cum catheteres, quos in Gallia nunc adhibent, conueniunt, in hominibus mediae aetatis, SHARPII vero catheter in reliquis ad-

Tom. XIII. Pars II. S hibeat

hibeatur. Reiteratam explorationem ante calculi sectionem ipsam reiicit. Methodum sectionis calculi secundum *RAUIUM* imprimis describit Cl. Auctor, nam in aliis lithotomiae methodis explicandis nimis forte brevis est. Confirmat, impossibile esse, vesicam, non vero ceruicem eius, cum *RAUII* instrumentis incidi cum tamen Ill. *ALBINUS* contrarium a *RAUIO* factum esse dixerit. Addit, *RAUIUM* non semper eo cum successu calculosos secasse, ut ille ipse gloriatus est, sed ex diario, quod Amstelædani iussu magistratus in collegio chirurgico de sectis a calculo seruatur, probat, ex 22, in quibus *RAUIUS* operationem instituerit, quatuor demortuos esse. De directione instrumentorum in calculi sectione in vniuersum monet, semper ea ita esse adigenda, ut axis eorum peluis axi parallela sit. Hinc iubet, aegros in tabula alta ita collocari, ut chirurgus sectionem in eadem directione, qua incepit, absolvere possit. Addit quaedam de calculi curatione in foeminis et punctura vesicae. Laudat potissimum in punctura vesicae instituenda acum triquetram et methodum, qua Cl. *FLURANT* *) pro hoc scopo utitur. Cannulam vero magis incuruam et breuiorem parare iubet

In capite quinto de vesicae, intestini recti, aliisque fistulis in perinaeo et circa anum sitis, seu inter vesicam et

*) vid. Cl. *POUTEAU* *Melanges de Chirurgie* p. 500. Comment. horum Dec. I. Suppl. I. p. 157. Utitur Cl. *FLURANT* acu triquetra incurua, quae apud Cl. *POUTEAU* l. c. et apud *CAMPERUM* picta est. Punctionem vero per intestinum rectum retro vesiculas seminales eo in loco instituit, ubi digitus index sinistrae manus fluctuationem aquae in vesica haerentis percipit. Mox instrumentum cuspide intra cannulam latente manu dextra secundum sinistrae manus indicem applicat, et acum in vesicam compellit.

et intestinum hiantibus, disputatur. Vidit Noster fistulam, ab ea parte, qua intestinum ileum cum coeco committitur, ad vesicam vsque penetrantem, unde aeger cum vrina saepe varia ex adfumentis eiiceret. Orta autem haec fistula erat post colicam inflammationem. Alia est observatio de officulis foetus extrauterini per intestinum rectum excretis, ex quo intestino contra fistula in vuluam patebat. Videtur tempore partus post conamina irrita foetus ex tuba in abdomen transiisse, ibique in putredinem abiisse. Addit Cl. CAMBER alia de fistulis post sectionem calculi aut ex venerea labe oriundis. Credit, in curatione fistularum ani incisionem solam integrae fistulae sufficere, forfice vel scalpello vtunque formato factam. Vulnera, quae cum forfice facta sunt, aequè facilius ac alia, quae cum instrumento minus obtuso fiunt, sanantur. Circa methodum, qua Galli vulgo nunc in curatione fistularum ani vtuntur, dum scilicet specillum argenteum, longum vel latum flexileque, in fistulam demittunt, et extremis foras ductis totam partem callo obfessam attrahunt et ita abscindunt, monet, eam optimam fore, si ad finem curationis pars vitiata retineri possit. Sed extenuatur primum, deinde specillum prolabitur, ita vt propter carnis laxitatem scalpellum non admittat.

Caput sextum *de vesicae herniis, atque de intestinis p. 17.*
in perinaeum et in foramen ossis pubis ouale prolapsis
tractat. Variarum hoc loco observationes notatu dignae adducuntur, vt duplicis herniae circa vasa ob-
turantia in senili cadauere observatae; herniae iuxta
neruum ischiadicum, inter ligamentum sacro-ischia-
dicum, os ilium et os latum, in foeminino cada-
uere visae, quam herniam dextrum ovarium praeter
naturam magnum ingrediebatur; et herniae vesicae
inguinalis in canibus duobus.

Supereſt, vt ad Lectores de tabulis aeneis a Cel.
CAMPER huic ſecundo demonſtrationum anatomi-
co-pathologicarum libro additis referamus. Prima
tabula figuras duas continet, in quarum priore pel-
uis virilis ita delineata eſt, vt vertebrae lumborum
et ſynchondroſis oſſium pubis diſſectae ſint, quo
inprimis ſanguifera in pelui diſtributa vaſa in vero
ſitu conſpici poſſint. Inprimis vero lineam pro-
penſionis peluis et axin eius indicauit. In poſte-
riore tabulae primae figura plexus nerui iſchiadici,
coniunctionesque intercoſtalis nerui cum ſacro ex-
hibentur. Secunda tabula figuras continet inferio-
ris partis peluis, partiumque in perinaeo ſitarum,
quae eo ordine, quo ſe ſcalpello in ſeſtione calculi
offerunt, per ſtrata quaſi effictae ſunt. Loca inci-
ſionis vbique indicantur, additaeque ſunt figurae
muſculi transuerſi perinaei alterius, acceleratoriſ,
et glandularum COWPERI. Prima tabulae tertiae
figura lateralem virilis peluis ſeſtioneſt oſtendit,
quo omnes partes, ad quas in calculi ſeſtione atten-
dendum eſt, in naturali ſitu appareant. In ſecunda
veſicae cauum internum et vrethrae iter ſimili ſe-
ſtione adhibita exhibentur. Reliquae figurae ad
catheterum varias ſpecies, eorum applicationem,
vniusque ſpeciei prae altera praeſtantiam declaran-
dam, tandemque ad acum tricuspideſt FLURANTII
in vſum punſtionis veſicae per inteſtinum rectum
pertinent.



XXVI.

Physiological Essays, containing: I. an Inquiry into the Causes, which promote the Circulation of the Fluids in the very Small Vessels of Animals. II. Observations on the Sensibility and Irritability of the Parts of Men, and other Animals, occasioned by M. DE HALLER's late Treatise on those Subjects. The second Edition corrected and enlarged. With an Appendix, containing an Answer to M. DE HALLER's Remarks in the IV Volume of the *Memoires sur les parties sensibles et irritables*. By ROBERT WHYT T. M. D. F. R. S. Physician to his Majesty, Fellow of the Royal College of Physicians, and Professor of Medicine in the University of Edinburgh. Edinburgh, printed by Hamilton, Balfour and Neill. 1761. 8. 1 Alph. 4. pl.

i. e.

Tentamina physiologica, quae continent: I. Disquisitionem causarum, quae circulationem fluidorum in vasis animalium minimis promouent. II. Observationes de sensibilitate et irritabilitate partium corporis humani, aliorumque animalium, occasione nuperi scripti Cl. DE HALLER circa hanc rem. Altera editio aucta et correcta. Cum appendice, in qua respondetur ad animaduersiones Cl. DE HALLER in Vol. IV. Commentariorum de partibus sensibilibus et irritabilibus. Auctore ROBERTO WHYT T.

In tanto librorum numero, quantus a nobis perquirendus, et in hos commentarios transferendus est, cum facile fieri possit, ut effugiat aliquis oculos nostros: veniam speramus facilius nobis esse concessuros, qui tum priorem tum nouam hanc tentaminum physiologicorum Cl. W H Y T T editio- nem per aliquot annos desiderauerint, quorum quidem tentaminum notitiam tam sero ad lectores perferri posse omnino dolemus. Est autem libri, cuius titulum hic dedimus, altera haec editio, cum prima anno 1754 prodierit. Ut ex titulo iam intelligitur, duos libellos continet, quorum primo *de motu humorum per vasa minora*, altero *de sensibilitate et irritabilitate* Cl. Auctor disputat.

P. 5. Priorem libellum iam anno 1745 et 1746 in Societate medica Edinburgensi W H Y T T I U S praelegit. Agit vero in eo de causis, quae motum humorum per vasa minora efficiunt, cumque putet, causas huius motus, quae vulgo proponuntur, non sufficere, confirmat sententiam iam olim ab Ill. DE GORTER propositam, atque motum oscillatorium vasorum minimorum tanquam causam motus humorum per ea ipsa vasa considerat. In huius autem argumenti tractatione ita versatur, ut primo ostendat, vim cordis, contractionem arteriarum, grauitatem humorum et attractionem vasorum minimorum, quae omnia ab aliis pro causis motus humorum per minima vasa habentur, hunc humorum transitum neutiquam efficere posse. Quamquam enim cordis vis humores vsque ad vasorum minimorum initia propellere potest, vis tamen a corde accepta liquores per vasa omnium minima, v. c. per illa, ex quibus nerui oriuntur, urgere haud valet, cum omnis fere ea vis in superanda frictionis resistentia pereat. Vim, qua ventriculus sinister sanguis-

sanguinem in aortam propellit, aequalem Cl. WHYTT esse assumit pressioni columnae sanguinis septem pedum et dimidii. Globuli autem rubri pondus, ad principia a KEILIO proposita, ad granum esse putat, vti 1 ad 50000000, hinc vim cordis in arteriolam capillarem globulum vrgentis non esse maiorem duplo pondere eiusdem, atque si caussae, quae vim progressiui motus minuunt, vt frictio etc. deducantur, ne tertiam quidem partem p. 18. ponderis eiusdem aequare, id est talem esse, quae globulum per has angustias neutiquam promouere possit. Porro cum cordis vis sexaginta circiter librarum sit, area autem ventriculi sinistri quindcies maior, quam area arteriae aortae: sequitur, ad superandam resistantiam in aorta, quae circiter duarum librarum est, vim omnem sexaginta librarum requiri, id est vim totius ventriculi, vt itaque secundum Nostri mentem vis cordis, qua sanguis in arteriam aortam propellitur, ne quidem duarum librarum sit. Contractio vero arteriarum magis est p. 31. continuatio motus et vis cordis, quam noua quaedam vis aut impulsio sanguini arterioso communicata. Est enim contractio arteriarum aequalis dilatationi eorum, neque pertingit haec ipsa contractionis vis ad minora vsque vasa, cum ex discissa arteria sanguis in systole ventriculi semper altius profiliat, quam in systole arteriarum, neque pulsus in vniuersum in minimis vasis animaduertatur. Globulorum grauitas, a BORELLO vt caussa motus humorum per vasa minima adsumta, sanguinis per ea vasa transitum nullo modo promouere potest, quia sanguis in diuerso corporis situ per ea contra omnes grauitatis leges mouetur. Attractio autem vasorum minimorum, quae similis sit vi attractrici vasorum capillarium, ideo locum habere nequit,

quia vasa illa plena sunt, quae si quoque vti capillaria agerent, humores eodem modo a venis retro ad arterias, quam ex arteriis ad venas vrgerent.

p. 35. His praemissis Cl. Auctor propius ad argumentum, de quo agit, accedit, atque probat, vibratorium aut oscillatorium vasorum minimorum motum esse causam primariam motus humorum per ea ipsa vasa. Adscribit scilicet Cl. W H Y T T vasis minimis alternam quandam contractionem aut expansionem, quae non a motu cordis et arteriarum pendet. Cum enim vasa haec minima fibris muscularibus non plane destituantur, stimulus fluidorum, quae per haec vasa transeunt, leuem quidem, attamen semper repetitam contractionem producere potest. Atque ad hunc stimulus efficiendum sanguis, tum ob naturam particularum, ex quibus componitur, tum ob calorem motumque intestinum aptissimus est. Multi profecto corporis humani canales stimulantur ad contractionem et alternum motum per fluida, quae in illis continentur, vti v. c. intestina, cor, arteriae etc. Sufficere autem hunc ipsum vibratorium vasorum minimorum motum ad humores sine cordis auxilio mouendos, exempla animalium, quae omnino cor nullum habent, atque monstrorum, quae sine corde nata fuerunt, probant. Porro vasa minima, sine adiumento actionis cordis et maiorum vasorum, motricem quandam vim habere, ostendunt lacrumarum et salivae profluxus a stimulo affluxus humorum ad locum irritatum et dolentem, et genesis inflammationis. In apoplecticis, motu cordis et arteriarum superstite, tamen oscillatorius vasorum minimorum motus perit, secretioque humorum tenuissimorum ita turbatur, vt v. c. splendor oculorum in cornea plane pereat, humoris aquei secretionem plane impedita. In animalibus minoribus microscopio subiectis Cl. D E

HALLER corde euulso globulos sanguinis adhuc antrosum retrorsumque moueri vidit, ipsumque vasorum minimorum motum oscillatorium BAKERUS in cimicis pede obseruauit.

Iam Cl. WHYTT duabus obiectionibus obuiam p. 55. ire studet, quarum prior est, nos oculis, vel optimis microscopiis armatis, oscillatorium vasorum minimorum motum videre non posse, ideoque nullum esse. Probat itaque, illum ne oculo armato quidem conspici posse, cum ea contractio in vase $\frac{1}{2000}$ pollicem lato non sit maior $\frac{1}{175}$ maius diametri sui vasculi, atque adeo $\frac{1}{300000}$ pollicis. Altera obiectione p. 58. est: vasa minima cum valuulis destituantur, alternis suis contractionibus aequae nocere posse ac prodesse humorum circulationi, cum eos eodem modo repellere, quo propellere, possint. Putat autem Noster, regressum humorum impediri a cordis vi, arteriaeque aortae valuulis, et contractione omnium arteriarum, forteque in vasis minimis hunc motum eadem ratione contingere, qua in intestinis peristalticus motus fit, vt prius pars cordi propior, deinde reliquae successiue contrahantur.

In vasis minimis glandularum et in neruis, licet p. 59. ii quoque ex parte eodem modo agant, ac tubuli capillares, fluida simili oscillatorio motu promoueri docet Cl. Auctor. In genere autem ex hypothesi sua declarare studet causam, cur frictiones, stimulantibus fomentationes, aquarum mineralium stillicidia, aliaque eiusmodi remedia exterius applicata saepe plus, quam medicamenta interne adsumta, in referendis obstructionibus praestent, oscillatorium scilicet vasorum minimorum motum excitando augendoque. Atque ex hoc ipso quoque motu deriuat Cl. WHYTTIUS inflammationem, quae non ab omni, sed ab eiusmodi tantum obstructione oritur, in qua vasa minima quoque irritantur. Hinc

motus cordis et arteriarum auctus non est caussa inflammationis, sed saepe inflammationem ob nervorum irritationem sequitur. Quapropter in medenda inflammatione non tantum medicus nimium humorum motum compescere, sed et potissimum ad vasa affecta respicere debet. Atque haec caussa est, cur vesicatoria in pleuriticis morbis et angina tam vtilia sint, pulsusque velocitatem infringant. Quamquam enim vesicatoria, stimulo suo nervos irritando, humorum motum augent, tamen sanguinis ad partem adfectam impetum diminuunt. Sinapismi eadem fere ratione delirium leuant, dum dolorem excitant, vehementia sua dolorem in altera parte ortum minuentem. Hinc nervi ita adficiuntur, vt stimulum in parte adfecta, qui delirium excitat, non amplius sentiant, qua ratione delirium leuatur.

p. 70. Agit tandem Noster de humorum motu in vasis minimis absorbentibus, v. c. lacteis. Vasa lactea absorbent natura sua, quae iis cum capillaribus vasis communis est, accedit tamen chyli quoque irritatio, quae vibratorium quendam motum in iis excitat. Quamquam venae resorbentes in intestinis valvulas nullas habent, tamen chylus in iis non regreditur, quia, dum stimulus succi resorpti ramos minores prius, quam truncum adficit, illi quoque prius contrahuntur, quam truncus. Accedit, quod orificia eorum in contractione intestini quoque constringantur, ita vt succus in iis contentus non redire possit.

p. 95. In *observationibus de sensibilitate et irritabilitate*, contra HALLERI libellum in II Volumine actorum Societatis Gottingensis directis, Cl. WHYTT primo de sensibilitate disputat. Multa profecto, quae hic proponuntur, iam Lectoribus ex iis nota erunt, quae

quae III. DE HALLER ad Cl. WHYTTE obiectiones
 variis in scriptis respondit, interim officii nostri me-
 mores, praecipua secundum ordinem Auctoris
 enarrabimus, HALLERI responsiones alio tempore
 adducturi. Iis, quae HALLERUS de sensibilitate
 omnino proposuit, breuiter recensitis, primo par-
 tes, quas HALLERUS sensu destitui vult, WHYT-
 TIUS in statu sano et naturali, vti in experimentis
 HALLERI fuerunt, considerat; deinde in morbo-
 so statu, siue laesae fuerint per experimenta, siue per
 alias causas. Considerari in his experimentis insti- p. 104.
 tuendis primo iubet illud HIPPOCRATIS: *duobus*
doloribus simul obortis non in eodem loco, vehementio-
rem obscurare alterum. Quapropter mirum non
 esse putat, si animalia, in quibus partes valde sensi-
 les dissectae fuerunt, in subsequente irritatione alia-
 rum partium, non adeo sensibilia, nulla doloris
 signa edant. Medullam ossium sentire, praeter alia p. 108.
 argumenta, experimento probatur, a Cl. ALEX.
 MONRO iuniore post amputationem brachii instituto.
 Cornea omnino sentit, quamquam in extractione p. 111.
 lentis non adeo multum dolet, ob vulnus celeriter
 cum acuto instrumento inflicto. Sic renes quoque
 dolere, experimentum in homine, in quo nephro-
 tomia instituta fuit, factum docet, atque argumen-
 tum HALLERI, a calculis in renibus sine vllō aegroti
 dolore latentibus, desumptum, probat tantum, cal-
 culos hos ita sitos fuisse, vt renem non laedere pos-
 sent. Glandulas tandem sentire, dolores, qui post
 laesionem testiculi aut mammae superueniunt, pro-
 bant. Neque arteriae sensu carent, cum in inflam- p. 117.
 matione dolor oriatur, ex earum distensione, neque
 vllō modo inflammatio in parte quadam fieri possit,
 nisi dolor praecesserit, qui nervos irritando, oscil-
 latorium vasorum minimorum motum auxerit.
 Multae quoque partes pro diuerso statu vel sano vel
 aegroto

aegroto sentiunt, aut sensu carent, vt tela cellulosa,
 p. 122. ossa, dura mater, etc. In genere enim multae partes, si inflammatae, vel alio modo laesae fuerint, dolent, et acute quidem, in quibus in statu sano laesis nulla sensatio oritur. Dolorem, qui venae medianae incisionem nonnunquam sequitur, non ex laesione tendinis bicipitis, sed ex mediano aut alio quocunque nervo provenire putat HALLERUS. Quaerit tamen Noster, cur symptomata, quae nervo in sectione venae iugularis laeso animaduertuntur, adeo ab iis differant, quae hic observantur? In aegroto, qui mortuus erat ex febre, post vulneratam in venaesectione aponeurosin bicipitis orta, Cl. WHYTTER tendinem bicipitis vidit decies crassiorrem naturali sua crassitie factum esse. Praeter alia, quae ligamenta facultate sentiendi non destitui probant, docet haec imprimis observatio Cl. MONRO, qui animaduertit, toties summum dolorem et inflammationem oriri, quoties ex articulatione genu aqua ibi collecta per vulnus capsulae lanceola inflicta emittebatur.

p. 135. De irritabilitate agere Noster pergit, et arterias minores irritabilitate non destitui, ex inflammatione probat, quae applicationem acrium cataplasmatum sequitur. Idem quoque valet de venis minoribus, vasis renum secretoriis, et de iis, quae salivam excernunt, atque de vreteribus, quas partes omnes irritabiles esse WHYTTIUS contra HALLERUM defendit. De vreteribus potissimum experimentum, HALLERI sententiae contrarium, a Cl. MONRO

p. 144. iuniore factum adducit. Pupillam post mortem dilatari negat, confirmat potius, eam angustari, additque illam, etiamsi quodammodo post mortem ampliatur, tamen breui post iterum contrahi Orbicularem in vrea musculum adesse, ex effectu tantum

tum eius et actione concludit, quamquam in dissectione oculi talis musculus non apparet.

Quae vero Ill. DE HALLER argumenta addu- P. 149.

xit, quibus, irritabilitatem insitam esse fibrae musculari qualitatem, quae non a nervo pendeat, probare studuit, ea fusius Cl. WHYTTER refellit. Hinc ad primum Ill. HALLERI argumentum: partes maxime sensibiles, nervos scilicet et cutem, non esse irritabiles, ita respondet, ut cutem irritabilem faciat, atque tres gradus irritabilitatis partium corporis humani assumat, quorum gradus primus in musculis, secundus in cute, tertius vero in vasis minoribus sit, quae ab acri quocunque stimulo applicato ita afficiuntur, ut inflammatio oriatur. Alterum argu-

mentum HALLERI est: irritabilitatem partium non esse in aequali proportionem cum sensibilitate earum, ad quod probandum ventriculi cordisque exemplum adduxit, quas tamen partes sensu acuto destitui Noster negat.

Afferit tandem HALLERUS, partes nonnullas, facultate sentiendi carentes, tamen irritabiles esse, musculorum exemplo usus, qui, nervo ad eos pertinente ligato aut destructo, tamen irritabilitatem suam per aliquod tempus adhuc conservant. Respondet WHYTTERIUS, irritationem P. 159.

nervorum aut medullae spinalis post mortem validas convulsiones in musculis excitare, atque destructa in rana medulla spinali, musculorum irritationem, quam antea convulsiui excipiebant motus, tremulam nunc contractionem tantum producere, neque ullum amplius consensum inter musculos aut alias partes superesse. Irritabilitas autem in musculo, cuius nervus destructus est, superstes ostendit, fluidi nervei aliquam copiam adhuc in musculo illo superesse, quae ad hos motus producendos et irritabilitatem excitandam sufficiat. Atque in par-

tibus

- tibus illis, licet cerebrum in eas amplius non agat, tamen quaedam adhuc sensatio superest, alias enim
- p. 168. non irritarentur. Quo vero sensum hunc in partibus, post caput abscissum, relictum Cl. Auctor explicet, praeter rationalem animam, quae in cerebro sedem suam habet, assumit quoque superesse in partibus, sublata etiam earum cum cerebro communicatione, *principium* aliquod *sentiens actiuum*. Hoc, quod a plebe *vita* partis appellatur, agere etiam post mortem per aliquod tempus pergit. Hinc anima non in solo cerebro sedem suam habet, sed in toto corpore, etsi in cerebro solum cogitet,
- p. 175. suique conscia sit. Duplex per irritationem in viuis animalibus motus producit, parte, quae agit, vel ipsa irritata, vel vicina aliqua aut distante. In priore motu, qui post mortem adhuc superest, *sentiens principium*, quod in parte irritata est, agit, ad posteriorem vero producendum animae in cerebro actio et liber fluidi neruei influxus requiritur, quapropter
- p. 179. post mortem perit. Irritabilitas non proprietas est glutinis aut materiae, sed pendet ab actiua vi causae immaterialis. In vniuersum autem irritabilitas a sensibilitate partium oritur, aut arctius cum ea qualitate connectitur. Iam in irritabilitatis nomine idea sensus, in parte irritata excitati, supponitur, dum pars iniuriam perferentis se ab ea vindicare conatur. Atque irritabilitas muscutorum siue partium musculosarum semper aequalem rationem ad sensibilitatem habet. Hinc infantum et eorum, qui delicatioris habitus sunt, corpora adeo facile a
- p. 188. quacunque causa irritantur, cum contrarium in senibus et apoplecticis obseruari possit. Porro quidquid sensibilitatem partium musculosarum auget, vti v. c. inflammatio, illud quoque irritabilem eorum vim maiorem reddit. Atque contra, quidquid sensibilitatem minuit aut destruit, illud quoque irritabili-

tabilitatem tollit. Docent hoc effectus frigoris et caloris in animalia minora, v. c. ranas et insecta, atque in punctum saliens in ouo incubato. Nam in his frigus sensibilitatem et irritabilitatem simul tollit, calor iterum excitat. Atque hoc loco Cl. WHYTT, occasione loci cuiusdam in HARVAEO obuii, catalogum variorum auctorum adducit, qui iam ante HALLERUM irritabilem musculorum naturam cognouerunt. Porro, quae de affinitate sensibilitatis et irritabilitatis partium corporis humani dicta sunt, effectus opii probant, quod sensum auferendo irritabilitatem quoque simul aufert. Cum autem ll. p. 201. HALLERUS neget, opium irritabilitatem cordis destruere, varia experimenta Noster adducit, quibus probat, eam omnino destrui, quae tamen hic repetere non possumus. Motum tandem musculorum irritatorum per sensationem a stimulo excitatam produci, docent varii motus inuoluntarii in corpore nostro obseruandi, qui a particulari quadam sensatione, siue ea in parte, quae mouetur, siue in vicina sit, eueniunt, v. c. vomitus, tenesmus, expulsio seminis etc. vt alia phaenomena ab Auctore adducta taceamus.

Iam ad appendicem accedamus, nouae huic p. 219. editioni adnexam, in qua Cl. WHYTT tum ad ea respondet, quae contra eum HALLERUS in volumine quarto Commentariorum de partibus sensibilibus et irritabilibus monuit, tum quaedam alia addit, quae ad hanc rem pertinent. Agit vero primum *de sensibilitate*. Pleuram sensibilem esse pro p. 228. bat, ex obseruatione facta a Cl. MIDDLETON, Medico Nouo - Eboracensi in America, in operatione empyematis. In genere vero WHYTTIUS negat, nos ex eo, quod neruos in quadam parte anatomicorum industria haud detexerit, concludere posse, carere illam partem neruis. Cum enim v. c. tendinum

num magna pars in foetu antea musculosa fuerit, illi nervos omnino habere debent, licet ii adeo a reliqua tendinis substantia compressi sint, ut cerni amplius nequeant. Atque ad omnes has partes vasa eunt plurima, quorum membranae et tunicae non destituuntur nervis, forte per reliquam ligamenti, tendinis aut membranae partem distributis.

P. 241. In tractatione *de irritabilitate*, quae altera et praecipua huius appendicis pars est, Cl. Auctor primo ostendit, motum in musculis, quorum nervi discissi sunt, superstitem, non probare, quod irritabilitas a nervis haud oriatur, aut non cum sensibilitate coniuncta sit. In omnibus exemplis motus muscularis, producti in naturali sanoque corporis statu a stimulo, causa irritans nervis, non fibris muscularibus ipsis, applicatur. Porro nervi a cerebro et medulla spinali separati retinent imperium suum in musculos, ita, ut iis irritatis valentior longe contractio oriatur, quam ipsis fibris muscularibus laceffitis. Hinc omnes res, quae vim nervorum penitus destruunt, eodem temporis momento

p. 251. omnem quoque musculorum motum tollunt. Sunt enim nervi non excretorii tantum ductus liquidi in cerebro et medulla spinali secreti, sed ipsius medullaris substantiae verae continuationes, ita, ut communicatione quoque cum ea ipsa substantia sub-

p. 252. lata aliquas actiones exercere possint. Disquirunt porro Cl. Auctor, num ii motus, qui in musculis, quorum nervi ligati aut discissi sunt per irritationem excitantur, probent, irritabilitatem cum sensibilitate non coniunctam esse. Si convulsiones, ab irritatione medullaris substantiae cerebri aut medullae spinalis excitatae, in his partibus sensum aliquem esse probent: sequitur, convulsivos motus, ex irritatione nervorum in iis musculis ortos, ad quos nervi irritati pertinent, docere, sensibilitatem et in his muscu-

musculis superesse atque stimulo ingratam sensationem excitari. Quo vero modo sensatio haec fiat, Cl. WHYTT definire non audet. Musculos medio-P. 271. critter tantum sensibiles esse, neque ita acriter sentire, vti nerui, cutis, aliaeque partes sentiunt, concedit, cordis vero sensibilitatem aequalem aut superiorem facit vi sentiendi, quae in aliis musculis est. Superest, vt omissis aliis de controuersia Cl. WHYTT P. 279. cum Ill. HALLERO, ratione effectus, quem opium in cordis motum habet, aliqua moneamus. Scilicet contendit Noster, opii solutionem, iniectam in ventriculum aut intestina ranae, motum cordis paullo post imminuere, tandemque plane tollere. Atque cum hoc contingat citius cerebro aut medulla spinali illaesis, tardius vero influxu fluidi neruei in cor sublato, Noster inde concludit, motum cordis a neruis omnino pendere. Hoc vero ita euenire Cel. HALLERUS et Cl. FONTANA negant, quapropter Noster probare contendit, opium in dosi maiori sumtum motum cordis imminuere. Hinc non modo experimenta iam facta repetiit, sed et noua instituit, quae tamen cum breuiter recensere nequeamus, vltiori Lectorum examini relinquimus.

XXVII.

De splenis vsu, morboque splenico, ad Illustrum D. P. G. WERLHOFFIUM, Liber. In quo simul virium physicarum, monadum, motus, caloris, et ignis etc. occurrit praeliminariter theoria metaphysica noua. (*Guelpherbyti, Auctore F. I. W. S.*) 1761. 8. pl. 10.

Summam huius libelli breuiter indicaturi notamus, Auctorem eius Cl. SCHROEDERUM, Medicum Guelpherbytensem, sententiam suam de natura
Tom. XIII. Pars II. T tura

- tura et vsu lienis, nec non morbis ex hoc viscere oriundis, eorumque medendi methodo communicare. Varias licet fuerint, veterum praecipue, opiniones de vsu lienis, nullam tamen inter has rationi et veritati magis consentaneam esse Noster putat, quam hanc, hoc viscus ope sanguinis sui spissum per venam portam aduectum sanguinem diluere, et inde bilis secretionem promouere. Cum tamen tanta sit lienis magnitudo, asserit quoque, illum plures et maiores habere debere vsus. Itaque cogitationes suas WERLHOFIO ad diiudicandum exponit. Nimirum, nullum in toto corpore animali viscus maiori sanguinis copia repletum esse, quam lienem ac hepatis; sanguini vero huic lienari peculiarem quandam calorem et calefactionem, ob validos musculorum abdominalium motus, sanguinem hunc in an-
- p. 11. gustum spatium reducentes, inesse credit, ergo concludit, lienem, propter situm suum circa ventriculum, potissimum ope caloris sui, concoctioni ciborum inferuire. Ciborum vero concoctionem,
- p. 19. non digestionem, aut fermentationem, sed veram alimentorum coctionem ope calidi sanguinis hepatis et lienis productam statuit. Plura hac occasione profert de caloris et ignis natura in genere, ex noua quadam theoria metaphysica, et vi monadum ignearum resolvente et mouente explicata, nec non de vita et morte, sanitate et morbo, aliisque actio-
- p. 29. nibus corporis humani ex eodem calore demonstratis, quorum autem indicatione eo lubentius supersedemus, quo certius conuicti simus, ea ad explicandum lienis vsum non ita presse spectare. De morbo splenico Noster exponens, primum sympto-
- p. 115. mata eius adducit, quibus recensitis causae proximae huius morbi mentionem facit, quam in aucta resistentia materiae, in liene, hepate, omnibusque aliis

aliis calefacientibus, vel multo sanguine repletis partibus et venis, reperiri credit. Ad methodum medendi huius morbi quod spectat, omnem indicationem curatoriam eo redire iubet, ut resistentiarum resolutio in liene factarum perficiatur. Ad P. 141. hunc finem acquirendum, motum suadet, tum externum per ambulationes, tum internum per pharmaca productum, nec non aquas minerales, et medicamenta martialia; praecipue vero usum electricitatis, eumque, propter motum particularum ignearum resolventium, salutarem, nec sine bono euentu iamiam adhibitum fuisse, exemplis comprobatur. P. 146.

In fine huius libelli tria adducit dubia, quae CL. WERLHOFIUS contra theoriam Auctoris mouit. Primum nimirum respicit doctrinam de vera concoctione ciborum in ventriculo, ope caloris sanguinis lienaris, a Nostro adfirmatam. Huic asserto WERLHOFIUS ea animalia opponit, quorum sanguis frigidior est, et quae nihilo secius cibos in ventriculo concoquunt sine sanguinis feruore. Quod vero dubium Noster ita soluit, ut eiusmodi animalium concoctionem veram esse putrefactionem, per lenissimum calorem productam, affirmet, praetereaue contendat, in horum concoctione gradum coctionis et laboris non tantum requiri, quantum in caeteris animalibus, eorumque animalium sanguinem, qui frigidus dicitur, non plane frigidum aut emortuum, sed viuum, et vero leni calore praeditum esse. Alterum WERLHOFII dubium concernit theoriam motus, qua Noster primam omnis motus causam in monadico ignis principio resolvente et pellente ponit. Oritur ergo quaestio: quare ratione motus planetarum circa soles ex hoc theoremate explicentur, cum tamen certum sit, planetas corpora esse opaca, compacta, obscura et frigida? P. 153. P. 155.

gida? Ad quam quaestionem Auctor respondet: affirmando, planetas non gaudere grauitate propria, hinc facile per actionem solis loco posse moueri. Tertium tandem et vltimum dubium respicit theoriam, quam Noster dedit de vi et operatione ignis, quam operationem vnice posuit *in resolutione materialium et corporum*, ponens simul, huic vi contrariam vim esse materiae, cuius vis consistit in *inspissatione, condensatione, vel induratione, coagulatione et conglutinatione*, unde grauitas et inertia veniunt. Cum ergo WERLHOFIUS monuerit, coagulationem materialium in omnibus naturae regnis calore et igne produci, illudque exemplo albuminis oui, quod igne coctum induratur neque resoluitur, comprobauerit: respondet Auctor, quod quidem mucosae materiae, vt e. g. est albumen oui, leni calore accedente reuera indurentur; attamen eiusmodi indurationem et conglutinationem non a calore aut igne produci, facillime potius resolubiles partes leni calore solui, euolare, duriores autem compactiores et crassiores remanere, et fluidioribus partibus priuatas tunc demum indurari, affirmat.



XXVIII.

Manuel de Chymie ou Exposé des Opérations
et des Produits d'un Cours de Chymie.
Ouvrage utile aux personnes, qui veulent
suivre un Cours de cette Science, ou qui
ont dessein de se former un Cabinet de Chy-
mie. Par M. BAUME, Maître Apothicaire de
Paris et Démonstrateur en Chymie. A Paris,
chez Didot etc. 1763. 8. Alph. 1. pl. 19.

h. e.

Enchiridium chemicum siue explicatio opera-
tionum et productorum praelectionum che-
micarum etc. Auctore Cl. BAUME.

Opusculum hoc operationes nullas, sed collectio-
nem tantum et descriptionem productorum
sistit, quae Cl. Auctor, dum experimenta institue-
bat, obtinuit. In enumeratione productorum primo
semper indolem corporum, prout natura ea offert,
considerat, posthac autem exponit mutationes, quas
ars in iis producit, et primo ad illas in disquirendo
quouis corpore attendit, quae per analysin fiunt,
tum autem, quae per compositionem seu com-
mixtionem cum aliis corporibus oriuntur. Vt au-
tem natura corporum clarius pateretur, et mixtio-
num ratio veraque particularum constituentium in-
doles melius cognosceretur, breuem introductio-
nem praemittit, et statim de vnione et composi-
tione, affinitate et elementis corporum agit. Ele-
menta exponens primo de igne et phlogisto, dein
de aere differit, cumque hic ad ignis chemici motum
conseruandum necessarius sit, furnorum partes
essentiales enumerat; tum autem ad aquam et vlti-
mo ad terram progreditur. Generalioribus his

T 3

praemis,

praemissis, ad substantias, sensui magis obuias accedit, ac primo de terris agit, quas respectu simplicitatis in duas tantum classes, vitrescibilium nimirum et calcarearum, diuidit. Argillaceam enim mutatam vitrescibilem, et gypseam mutatam calcaream, ideoque magis compositas terras esse, recte monet. Ab his ad substantias salinas progreditur, ad quas varia producta relata esse deprehendimus, quae, licet in compositione salinas substantias contineant, ad eas tamen vltro referri nequeunt. His perpenfis in metalla eorumque producta inquit, posthac mineras eorum disquirat. Porro de lithogeognosia agit, vbi non solum de terris et lapidibus naturalibus, sed etiam de vitris artificialibus seu amausis breuiter differit. Vltimo aquarum mineralium mentionem facit, et quae inde obtinentur producta commemorat. Nunc corpora regni vegetabilis eorumque producta explicat, quibus autem varia iterum accensita cernimus, quae ad producta mere vegetabilia non pertinent. Ab his ad producta regni animalis transit, tandem de arte tinctoria breuissime differit.

Liceat speciminis loco ea, quae Noster de alumine, borace et vasis, Gallo - Francis *Poteries de Grais et de Fayance* dictis, habet, breuiter repetere.

p. 85. Alumen a Cl. Auctore vocatur selenites, atque ex eius sententia nihil aliud est, quam terra vitrescibilis cum acido vitriolico coniuncta. Differt a selenite stricte sic dicto, cuius basis terra calcarea est, quod terra vitrescibilis basin constituat, magnam copiam aquae in crySTALLIFICATIONE admittat, saporem acidum adstringentem habeat, in maiori demum quantitate aquae soluator, et ebulliens aqua maiorem eiusdem quantitatem suscipiat, quam frigida. Aluminosam autem terram vitrescibilem esse, sequenti

p. 99. experientia confirmat. Si terrae vitrescibilis pars
vna

una commiscetur cum duabus vel tribus partibus alcali fixi, atque haec massa igne non adeo violento funditur, et fusa aeri liberiori exponitur, tunc aquam ex aere attrahit et notus ille liquor filicum oritur. Si postea cum hoc liquore commiscetur pauxillum acidi cuiusdam, terra praecipitatur vitrescibilis admodum subtilis, quae in acido vitriolico soluta et euaporata et crystallisata alumen praebet. Ex quo itaque identitatem terrae vitrescibilis, terrae argillaceae, et terrae aluminosae probari colligit.

Boracem salem neutrum esse, et ex alcali mine-^{p. 136.} rali et sale quodam neutro singularis indolis constare, asserit. Salem hunc neutrum, qui sal sedatiuus vocatur, vices acidi gerere, et cum alcali minerali coniunctum hoc in neutrum mutare putat. Hic enim sal cum soda commixtus boracem regeneratam sistere dicitur.

Vasa, quibus a Gallo-Francis nomen *Grais* im-^{p. 307.} ponitur, ex argilla cruda et argilla cocta, vtrisque subtiliter puluerifatis et aqua subactis, constant. Ea vero vasa, quibus nomen *Fayance* datur, ex argilla et arena, aqua subactis, parantur. Vasa inde efformata et mediocriter cocta postmodum massa obducuntur, quae ex rebus vitrescibilibus et calce stanni constat. Obducta demum vasa iterum coquuntur, et sic vitrescibilis illa massa agglutinatur.



XXIX.

The vegetable System. Or the internal Structure and the Life of Plants, their parts and nourishment explained; their classes, orders, genera and species, ascertained and described; in a method altogether new. Comprehending an artificial index and a natural System. With Figures of all the plants: designed and engraved by the Author. The whole from the Nature only. By JOHN HILL. M. D. London 1761 et 1762. Solded by R. Baldwin. Fol. Vol. II. Containing the whole series of Plants with radiated Flowers. I Alph. tab. aen. 87. Vol. III. Containing the entire Classes of Plants with tubulate and ligulate Flowers. pl. 16. tab. aen. 50. scil. ad 137. Vol. IV. Containing the whole Class of Associates or capitates Plants. pl. 14. tab. aen. 46. id est.

Systēma vegetabile, siue explicatio internae structurae et vitae plantarum, nec non partium et nutritionis illarum: descriptio accurata classium, ordinum, generum atque specierum. Methodus noua, complectens artificialem indicem et naturale systēma; cum omnium plantarum iconibus, ab Auctore delineatis et excusis. Omnia a natura desumpta. Auctore IOANNE HILL. M. D. Vol. II. III. et IV.

Iam illam, quam dedimus *) de methodo, in plantarum disquisitione a Cl. HILLIO adhibita, differendi promissionem explemus, et de tribus voluminibus

*) vid. Comment. Nostr. Vol. XII. P. III. p. 500 sqq.

nibus systematis eius vegetabilis simul exponimus, quod plantarum sic dictarum compositarum descriptiones in iis continentur. Elegantia omnino operis externa ea est, quam expectare posses, singulorum etiam generum characteres non solum, sed omnium etiam specierum icones conuenientes proponuntur, satis nitidae, ab ipso Cl. Auctore exaratae, inter quas aliquae sunt, quas alibi non inuenies. Maximum autem se debere fatetur Cl. Auctor singulari indulgentiae ministri regii BURE, qui liberaliter omnia, quae ad suscipiendum et exsequendum eiusmodi opus pertinent, suggessit adminicula.

Itaque in *Volumine secundo* primo loco generales Vol. II. aliquae adhuc notae ad explicandam vegetabilium naturam, nec non ad dispositionem radiatorum florum pertinentes proponuntur. Priores tribus libris absoluntur, quorum primus effectus elementorum et tempestatum perpendit, alter partes vegetabilium singulas, tertius vero methodicam dispositionem recenset. Elementorum scilicet quatuor efficiaciam ad vegetationem necessariam demonstrat, calorem autem praecipue requiri docet, quippe qui et motus humorum per plantas, et foliorum cadentium aut persistentium rationes contineat. Partes deinde plantarum omnes ac singulae altero libro simul cum externis suis differentiis, ad methodum Ill. LINNAEI, a radice ad florem vsque sic proponuntur, ut iconibus etiam illustratae appareant. His vero varietates luxuriantis incrementi addidit in floribus plenis, proliferis et foliis crispis atque bullatis, quibus merito plantarum fasciatarum exempla iungere potuisset. In tertio tandem libro diuersae methodi describuntur. Incipit a CAESALPINO, progreditur ad MORISONUM, RAIVM, quem etiam contra LINNAEUM, methodum Raianam ex

p. 1.

p. 7.

p. 26.

parte tantum naturalem adsummentem, defendit; reliquas post ea methodos breuissime tangit, **TOURNEFORTII** laudans, etsi arbitraria sit, **BOERHAAVII**, **MAGNOLII**, deinde **LINNAEI**, **ROYENI** que recensens, cuius quidem classes plerasque naturales iudicat, classes vero, ordines et genera haud studiose inter se connexa fuisse dicit, **HALLERUM** huic praeferit, **WACHENDORFIUM**, **GLEDITSCHIIUM**, **SAUVAGES**, artificiales methodos composuisse docet. Nihilo tamen minus artificialis methodi necessitatem agnoscit, ad iuuandam memoriam et coordinanda vegetabilia, quam vero non nisi indicem botanicum vocat seu dictionarium. **LINNAEI** methodus ipsi imperfecta videtur, ut ut alias eum magni facit, in qua aequae ac in aliis difficultates sese

P. 44. offerant variae, quod partim characteres classium ab inconspicuis et variantibus partibus plantarum desumuntur, partim genera classis characteri non respondent et varietates frequentius occurrunt, nec non, quod in characteribus longo essentialibus notae, genera distinguentes, vix queunt discerni; fructusque debent expectari prius, verum genus quam potest determinari. His itaque ex tricis, commode se expedire posse credidit Cl. Auctor: si a flore characterem classis constantem desumat, si genus ad classem non referatur, quod non accuratissime huc pertineat, si, ubi forte species discrepat a nota characteristica classis vel ordinis cuiusdam, eius genus cum huc pertinentibus speciebus referatur ad aliam classem vel ordinem, si nullus character generis adducatur, nisi qui absolute genus ab aliis eiusdem classis discernit. Hanc etiam normam sibi in hoc opere proposuit Noster, num finem hunc assequutus sit, iudicent intelligentes. Addamus breuiter, quo pateat distributionis ratio, tabulam hic exhibitam. Segregat autem antiquo more herbas ab arbori-

arboribus, fruticibus suffruticibusque. Herbae distribuuntur in series quatuordecim.

Herbae itaque habent: Flores *visibiles collectos*, P. 45. communi calyce exceptos: Series I. staminibus coniunctis, classis 1. corollis tubulosis et lingulatis, *radiatae*. classis 2. tubulosis tantum, *flosculosae*. classis 3. lingulatis tantum, *semiflosculosae*. Series II. staminibus distinctis, *associatae*, calyce distincto, capitato, *aggregatae*. Flores *separatos* pedunculis. Series III. ex vno puncto prodeuntibus, *umbellae*. Ex diuersis punctis prouenientibus, perfecti, staminibus et pistillis donati, completi, calyce nempe et corolla instructi. Series IV. regulares, *mono-di-tri-tetra-penta-hexa-polypetalae*. Series V. irregulares, eodem modo. Incompleti, vel calyce vel corolla vel neutro instructi. Series VI. *petala sine calyce*, numero a mono - ad polypetalos. Series VII. *calyx sine petalis*, itidem. Series VIII. calyce et petalis nullis: *gramina*. Series IX. staminibus et pistillis tantum, *filamentosae*. Series X. imperfecti, staminibus et pistillis in distinctis floribus.

Flores *inuisibiles* oculo nudo: Terrestres. Series XI. foliosae plantae, *Filices*. Series XII. squamis articulatis, *Musci*. Series XIII. nec foliis nec squamis, *Fungi*. Series XIV. Marinae plantae.

Arbores, frutices et suffrutices.

Ni autem fallimur, haec etiam plantarum dispositio diuersa diuisionis momenta admittit, quae aequae ac taxatae a Cl. Auctore methodi ad naturale systema deducere nequeunt. Consideremus nunc hoc volumine comprehensam classem radiatarum plantarum, quae iterum in quinque diuersos ordines dispescuntur, a calycis natura desumptos.

Primus ordo complectitur plantas calyce integro seu indiuiso; apice quinquedentato, *Tagetes*, apice octodentato, *Othonna*. *Secundus* eas, quae calyce sunt

sunt simplici seu vnus seriei squamarum: calyce lato, squamis acuminatis, concavis, *Bidens*; calyce oblongo, squamis angustis, aequalibus, *Tussilago*; calyce lato, squamis ad basin latis, superius angustis, *Helenia*; calyce hemisphaerico, squamis angustis, acuminatis, *Osteospermum*; calycis segmentis quinque latis, acuminatis, ad basin sectis, *Chrysogonum*; calycis segmentis quinque rotundis, *Parthenium*; segmentis quinque ovalibus, *Melampodium*; segmentis quatuor planis, triangularibus, rigidiusculis, *Tetragonotheca*; calyce largo, segmentis quinque longis, *Sigesbeckia*; calyce triangulari plano, segmentis tribus inaequalibus, vno lato, duobus angustis, *Milleria*. *Tertius* ordo habet plantas calyce duplicato, seu serie duplici, externa et interna. Calyce expanso, squamis longis, angustis, *Doronicum*; calyce erecto, squamis lanceolatis, paucis, *Bellis*; calyce concavo, squamis canaliculatis multis, *Verbesina*; calyce apice expanso, squamis diuergentibus acuminatis, *Coelestina*; nouum hoc genus cum verbesina conuenire videtur, singula calycis squama medio loco viridem costam decurrentem habet, color flosculorum coeruleus elegans originem nomini dedit. Ill. LINNAEUS eam nomine Cinerariae Ameloidis tradidit. Porro calyce hemisphaerico, squamis linearibus, aequalibus, compactis, *Anthemis*; squamis calycinis latis corolla longioribus, *Cotula*; calyce cauo, squamis multis, acuminatis, aequalibus, densis, *Calendula*; squamis obtusis reflexis, disco eleuato, *Rudbeckia*; squamis distantibus, inaequalibus, basi carnosiss, *Coreopsis*; squamis inaequalibus, exterioribus foliosis, *Silphium*. *Quartus* ordo continet plantas calyce pluribus squamarum seriebus constante: squamis calycis aequalibus, foliosis, distinctis, vndulatis, *Helianthus*; squamis longis, foliosis, compactis, *Buphthalmum*; squamis inaequalibus,

bus; inferioribus longis et foliosis, *Bubonium*; seu Buphthalmi quaedam species; squamis angustis, distinctis, tenuiter foliosis, *Inula*; calyce hemisphaerico, squamis densis, exterioribus angustissimis, interioribus membranaceis, *Chrysanthemum*; calyce cylindrico, squamis simularibus valde acutis, *Tridax*; squamis fere spinosis, *Gortera*; squamis foliosis inferioribus reflexis, *Aster*; calycis squamis triplicis seriei, inferioribus expansis, mediis ovalibus, superioribus oblongis, apice concavo membranaceis, *Arctotis*; calyce rotundo, squamis acutis, apice repandis, *Conyza*; squamis lanceolatis, interioribus longis, membranaceis, splendidis, radium mentientibus, *Xeranthemum*; calycis cylindrici squamis ovalibus, latis, concavis, extus turgidis, apice membranaceis, *Lepia* *). Speciem flore rubro non habet; calyce hemisphaerico, squamis linearibus aequalibus, *Matricaria*; calyce ovali, squamis ovalibus, acutis, *Achillaea*; calyce cylindrico, squamis angustis, acutis, erectis, serie suprema introrsum flexa, *Solidago*; squamis subulatis, erectis, aequalibus, radiis florum erectis, *Erigeron*; calyce hemisphaerico, squamis planis, ovalibus, radiis florum tubulosis apice integris, *Anacyclus*; calyce plano expanso, squamis longis, aequalibus, basi tridentatis, radiis florum sine antheris, *Arnica*; calyce patente, squamis ovalibus, paucis, interioribus planis, mediis parum exterioribus multum concavis, *Eriocephalus*; calyce globofo, squamis acuminatis, florum fasciculi calyci quinquifido insident, radius exiguus, *Sphaeranthus*; calyce ovato, squamis lanceolatis conuergentibus, *Atractylis*; calyce rotundo, squamis oblongis, duris, acuminatis, *Amellus*; calyce cylindrico, squamis densis, foliaceis, inaequalibus, *Pectis*; calyce breui, umbilicato, squamis angustis, basi

*) vid. Comment. Nostr. Vol. VIII. P. II. p. 253.

basi inuolucro folioso cinctis, *Carpesium*; calycis seriebus tribus, squamis inferiorum ternis, superioris p. 117. quatuor, *Polymnia*. Quintus ordo refert plantas calyce inferius squamis accessoriis cinctas: squamis erectis longis, basis squamis breuibus siccis, ornato, *Senecio*; calyce simplici, ad basin duplici serie membranarum reflexa aucto, *Meridiana*. Haec plerumque ad Arctotin refertur, a qua hac nota differt, est autem *Gorteria rigens* Ill. LINNAEI.

Vol. III. Iam volumine tertio *) ad plantas flosculosas progreditur Cl. Auctor, quas quidem in eo a radiatis tantum differre dicit, quod radio, qui tubuli elongatio ex vnitis segmentis sit, destituatur. Hinc notas characteristicas speciali tabula designauit, ordines vero ex calyce, vt in priori volumine, quinque p. 122. constituit. Primus ordo calyce integro: eoque ad basin rotundo, superius angusto, septempartito, *Tar-*
p. 123. *chonanthus*. Secundus ordo calyce simplici: lato, *Bidens*, cuius nunc species non radiatae recensentur; calyce longo, squamis multis lanceolotis, *Ageratum*; calyce acuminato, squamis angustis, numerosis, in-
p. 125. aequalibus, *Petasites*. Tertius ordo calyce duplicato: eoque lato, squamis flore longiore, *Cotula*; calyce concauo, squamis multis canaliculatis, *Verbesina*.
p. 126. Quartus ordo calyce multiplicatis seriebus squamarum: hemisphaerico, squamis oblongis, inaequalibus, apice introrsum flexo, *Santolina*; calyce rotundo ad basin, superius cylindrico, squamis angustis,

*) Sic in titulo inscribitur volumen hocce, ad cuius tamen finem aequae ac in singulis plagulis pro secundo volumine venditur, quia sine dubio pars voluminis secundi altera esse debebat, siquidem in voluminis secundi titulo apponatur Pars I. cuius continuationem autem aliam, nisi hanc, nullam inuenimus. Notare hoc conuenit, ne forsitan quis decipiatur.

stis, acuminatis, aequalibus, erectis, *Tanacetum*; calyce hemisphaerico, expanso, squamis lanceolatis, iuxta se positis, *Chrysocoma*; calyce superius cylindrico, squamis pyramidalibus, apicibus reflexis, *Conyza*; calyce cylindrico, squamis angustis, linearibus, inerme spinosis, *Baccharis*; calyce oblongo, squamis erectis, acutis, irregularibus, *Eupatorium*; calyce ovali, squamis imbricatis, rotundis, apice introrsum flexis, *Artemisia*; calyce rotundo, squamis ovalibus, apice intus flexis, inferioribus membranaceis, superioribus laxis, stipulatis, *Gnaphalium*. *Quintus ordo*, calyce squamis ad basin accessoriis: p. 142. calyce conico, simplici, squamis ad basin angustis, *Senecio*; calyce simplici lanceolato, squamis paucis stipulatis ad basin, *Cacalia*; calyce pentaphyllo, squamis quinque stipulatis ad basin, *Micropus*; calyce squamis multis, lanceolatis reflexis, stipulis ad basin, *Stachelina*; calyce rotundo, squamis duriusculis, iis ad basin mollibus, flosculi calyce quinquefolio, *Stoebe*; calyce pentaphyllo, squamis ad basin quinque aequalibus, *Iasione*; calyce imbricato, squamis quatuor pyramidalibus accessoriis, et involucro ex tribus foliolis, *Elephantopus*.

Excipit has classis plantarum *lingulatarum*, quae p. 146. in quatuor tantum ordines secedunt, nulla enim est, quae integrum calycem acceperit. Hinc exhibet *Ordo primus* plantas calyce simplici: rotundo, villoso, squamis multis aequalibus, acutis, *Andryala*. *Ordo secundus* calyce duplicato: squamis longis, foliaceis, acuminatis, *Tragopogon*. *Ordo tertius* calyce p. 148. 150. multiplici serie squamarum: basi tumida, squamis pyramidalibus, inaequalibus, *Sonchus*; squamis distinctis, apice membranaceis, concavis, *Catananche*; squamis calycis, basi ventricosi, acuminatis, *Hypochaeris*; calyce cylindrico, squamis apice acutis, *Lactuca*; squamis inaequalibus, linearibus imbricatis, *Hiera-*

Hieracium; calyce ovali, squamis spinosis, *Scolymus*; calyce cylindrico, squamis exterioribus laxis, foliaceis, *Cichorium*; squamis laxis per gradus decrescen-
tibus, foliaceis, *Leontodon*; calyce conico, squamis interioribus longis, exterioribus breuioribus, apice
p. 164. membranaceis, *Scorzonera*. Ordo quartus, calyce ad basin squamis varie cincto: calyce cylindrico simplici, squamis ad basin trium ordinum pyramidalibus, *Crepis*; calyce ovali, imbricato, squamis ad basin quinque duris, *Picris*; calyce decaphyllo, foliolis lanceolatis, squamis ad basin breuibibus, *Hyoseris*; calyce ovali, squamis octo linearibus, ad basin sex angustis, cum prioribus alternis, *Lapsana*; calyce cylindrico, squamis quinque longis, ad basin tribus angustis, inaequalibus, *Prenanthes*; calyce cylindrico, imbricato, ad basin squamis breuibibus, angustis, *Chondrilla*.

Vol.IV. Naturali quodam ordine, quum in prioribus plantis stamina cum antheris coalitis inueniantur, sequuntur *Volumine quarto* eae, quae stamina continent distincta, filamenta nempe cum antheris a se inuicem separata sunt, intus tamen in flore peculiari aliqua membrana, ad basin filamenta circumeunte, cinguntur, quae nota itaque Cl. Auctori *associatas* facit plantas. Inter quas, quippe quum multis difficultatibus obnoxiae sint in disquirendo, varia noua, scrutinium artificiale iuuantia, constituit Noster genera. Continet itaque haec classis omnes illas plantas, quas capitatas alii vocant. Singulare est, omnes habere calycem polyphyllum, foliolis multarum serierum. Multitudo autem hic occurrentium vegetabilium coegit Cl. Auctorem, vt eadem in duos tribus, hos in ordines et familias, a calycis natura desumptis distinctionibus, subdiuideret. En-
cuius methodum:

Tribus

Tribus I. recenset plantas, quarum squamae calycis successiuis seriebus decrescunt. *Ordo primus*, calyce squamis foliaceis tantum: calycis squamis inferioribus perfecte foliaceis, pinnatifidis, sequentibus ficcioribus, incis, apice spinosis, intimis integris inerme spinosis, *Phonus*, nomen *GESNERI*, *Carthamus* aliorum; calycis squamis ex caule continuatis, omnibus foliaceis, *Carthamus*. *Ordo secundus*, calycis squamis exterioribus stipulatis: calyce ouali, ad basin circulo foliaceo cincto, squamis interioribus ramose spinosis, *Cnicus*; calyce ouali ad basin foliaceo, interioribus squamis molliter simpliciterque spinosis, *Crepula*. *Ordo tertius*, squamis calycis interioribus ficcis, membranaceis: calycis squamis interioribus diuergentibus, nitidis, radium aemulantibus, *Carlina*.

Tribus II. continet plantas squamis distinctis originalibus. *Familia 1.* squamis armatis seu in duram spinam desinentibus. *Ordo primus*, squamis apice tantum spinosis: calyce cylindrico, squamis linearibus, *Polycantha*; calyce elliptico, squamis latioribus, apice breuiter spinulosis, *Acarina*; calyce tumido, squamis longis, teneris, reflexis, *Ascalea*; calyce ouali, apicibus extrorsum patentibus, *Onopordum*; calyce oblongo, squamis laxis, apice latiusculis, spinosis, *Pternix*; calyce cylindrico, squamis latis acutissime spinosis, *Ixine*; calyce cylindrico, basi ventricosa, squamis apice setaceis, *Tetralix*. *Ordo secundus*, squamis apice et latere spinosis: calycis squamis toto latere spinosis, *Mariana*, est *Carduus Mariae*; squamis basi a latere spinosis, *Calcitrapa*. *Ordo tertius*, squamis ramose spinosis: squamis calycis ad longitudinem spinulosis, apice ramose spinosis, *Solstitiaria*. *Familia 2.* squamis pilosis. *Ordo primus*, squamis calycis simplici pilo terminatis: squamis calycis breui firmoque pilo instructis, *Cro-*

codilium; squamis apice longe rigideque pilosis, *Cirsium*; squamis terminatis pilis firmis extrorsum patentibus, apice hamatis, *Bardana*. *Ordo secundus*, calycis squamis in ambitu ciliatis: squamis ovalibus, breuibus, firmisque ciliis, *Cyanus*; squamis apice membranaceis, ciliis longis duris, *Psora*; squamis laxis, acuminatis, ciliis in ambitu setaceis, *Colymbada*; squamis oblongis, apice longis mollibusque pilis, *Iacea*. *Ordo tertius*, squamis calycis ferratis, apice et lateribus ciliatis: calyce ovali, squamis molliter pilosis, *Stoebe*; squamis longis pungentibus pilis instructis, *Sagmen*. *Ordo quartus*, squamis pinatifidis, apice ciliatis: pilis tenuibus, tenacibus, *Cistrum*. *Ordo quintus*, squamis plumosis: squamis ellipticis extus conuexis, *Heraclea*. *Ordo sextus* squamis palmato ciliatis: squamis ouatis, apice digitato ciliatis, *Pycnocomus*. *Familia 3.* squamis nudis. *Ordo primus*, squamis simplicibus, indiuisis: squamis ouatis, basi carnosiss, *Cynara*; squamis totis membranaceis, *Serratula*; squamis teneris, siccis, leuibus, obtusis, *Behen*; squamis oblongis, ad basin conuexis, siccis, apice planis a latere tenuibus, *Centaurea*; *Ordo secundus*, squamis a latere ferratis: calyce elliptico, squamis latis, *Rhapontica*. *Ordo tertius*, squamis profunde incisiss: calyce ovali, squamis duris, *Eriopha*. *Ordo quartus*, squamis digitatis: calyce ovali, squamis laxis, *Sphaerocephala*. *Ordo quintus*, squamis laciniatis seu apice irregulariter sectis, *Lacinaria*.

Expofuimus itaque Cl. HILLII dispositionem plantarum compofitarum paullo curatius, quod a calyce potiffimum defumens diffinctionis notas, in difficili admodum claffe difquirentibus facilis euadere voluerit. Nec diffitemur, in artificiali vegetabilium horum explicatione notas effe tyronibus fufficientes futuras, quamuis nominum genericorum repetitiones in diuerfis claffibus minus placeant.

Singula

Singula species figillatim describitur et, vt asserit Cl. Auctor, naturali exemplo praeunte, depingitur. Ea propter icones hic reperiuntur nondum datae, vt Melampodii, Coreopsidis angustifoliae, Helianthi decapetali, Arnicae coronopifoliae, vt alias multas taceamus. Sunt autem species ex Ill. LINNAEO desumptae saepe eadem, saepe aliquot, saepe alio ordine propositae, aliquae, vtut paucae, nouae. Genera iam diximus non nunquam diuidi in plura quod in Cardui et Centaureae adeo foecundis generibus luculenter apparet. Arbitramur autem simul ex his intelligi, quae noua sint et quae adhuc expectari debeant.

XXX.

Discorso della Irritabilita d'alcuni Fiori nuovamente scoperta. in Firenze appresso Gaetani Albrizzini. 1764. 8 mai. pag. 25. tab. aen. I.

h. e.

Sermo de irritabilitate quorundam florum nuper detecta.

Motum elasticum filamentorum, cuius ope ea definito tempore explosionem pulueris antherarum praestant, et quam botanici in Parietaria et Ruta aliisque plantis indicarunt, Cl. Auctor, qui, vt ex epistola dedicatoria patet, est Comes IO. BAPTISTA DAL COVOLO, in compositis floribus siue syngenesiis LINNAEI, et in curiosa horum flosculorum fabrica detexit, et vt specimen irritabilitatis in floribus descripsit. Recitauit autem hunc sermonem in Societate botanica Florentina, cui adscriptus est Cl. Auctor, et icones, ad microscopicas obseruationes adornatas et hanc rem demonstres,

tes, appofuit. Hanc vero irritabilitatem in *Centaurea calcitrapoide*, *calycibus subduplicato spinosis*, *foliis amplexicaulibus indivifis ferratis*, declaravit et ostendit, eam tantum in quinque filamentis, quibus antherae in cylindrum coalitae accrefcunt, apprehendi; haec nimirum arcuatim ex bafi flosculi vsque ad antheram cylindricam extenduntur, et ftylum in medio rectum habent; fi vero vel digito, vel quod natura fit, contracta corolla, tanguntur: tunc in rectas lineas ducuntur, et ftyli lateribus fe applicant. Quamvis autem videri poffet, filamenta hoc motu, dum ex arcu in lineam rectam abeunt, elongari, contrarium tamen euenit, dum illa accurtantur, quod etiam alia figura illustratur, vbi ftylis remoto et filis prius extensis, poftea sibi relictis, accurtatio insignis cum aliqua vndulatione subsequitur. Quando filamenta in medio difsecantur, partes difsectae superiores aequae ac inferiores extrorfum reflectuntur; fi vero vnum filamentum tantum difcinditur vel tangitur: reliqua incuruantur et vaginam antherarum in vnum latus ducunt. Addit quoque conditiones, in quibus experimenta adducta melius fuccedunt. Aer frigidiusculus fauet irritabilitati, inde noctu ea melius fuccedunt, quam interdiu, vix enim sentiunt in summo calore. Flores, antequam pulvis antherarum maturitatem assequitur, examinari debent, puluere enim excuffo languescunt vel prorsus non mouentur. Irritabilitatem vero florum ideo dixit Cl. Auctor, quoniam in nullis partibus, praeter musculosas animalium, hic motus elasticus auctus euidentius obferuatus est. Elasticum vero nos diximus, quoniam a turgentibus succis in filamentorum medulla pendere videtur.

XXXI.

Abhandlungen der Naturforschenden Gesellschaft in Zürich. Zweyter Band. Zürich bey Heidegger und Compagnie. 1764. 8. Alph. I. pl. 9. tab. aen. I.

i. e.

Acta Societatis naturae indagatorum Tigurinae.
Tomus secundus.

Iam eo loco, vbi primum horum aëtorum volumen indicauimus *) de instituto Societatis naturae indagatorum, quae Tiguri floret, a nobis expositum est. Alter tomus sequentes commentarios et obseruationes continet.

1) *Tentamen historiae mercaturae reipublicae et urbis Tigurinae.* Auctore I. H. SCHINTZ. Praeter alias egregias obseruationes, quae tamen ad nos propius non pertinent, inprimis continet disquisitionem caussarum incrementi insignis ciuium et incolarum territorii Tigurini. p. I.

2) I. G. ZIMMERMANN M. D. *descriptio hydropis cum accedente caro, conuulsionibus epilepticis et coecitate, methodique in huius morbi medela obseruatae.* Miles 28 annorum hydrope anasarca cum insigni penis scrotique tumore laborabat. Post varia ab aliis medicis applicata remedia, squillitica tandem Noster cum successu adeo quidem felici exhibuit, vt hydrops breui tempore euanesceret. Sub fine vero morbi aeger conualescens grauissimo animi adfectu ex desiderio obiecti amati commouebatur. Hinc omnia adeo in peius mutabantur, vt aeger maximum vitae periculum incurreret. Accesserunt

V 3

scilicet

*) Comment. nostr. Vol. XII. P. I. p. 110.

scilicet vomitus, delirium, carus cum stertore et motibus convulsivis vehementissimis, et aeger visu, vti omnibus reliquis sensibus, penitus priuabatur. Causam vero celerrimae huius mutationis in hoc aegro observatae Noster ita explicat, carum caeteraque symptomata, quae cerebrum adfectum esse indicabant, producta fuisse ab aquis in cerebro effusis. Atque hunc effectum in corpore debilitato, nec ab aquis hydropicis penitus liberato, vehemens animi commotio facile omnino producere poterat. In desperato aegroti statu vesicatoria Noster applicari curavit, et omni bihorio cremoris tartari drachmam semis in infuso florum sambuci dedit. Quibus per duos dies adhibitis, sensus redierunt, sola visus obnubilatione per aliquot dies adhuc superstita. Purgantia fortiora ex pulvere radice Ialappae et sale Anglicano maxime in hoc morbo profuerunt. Sub finem curationis Noster corticem Peruvianum exhibuit, et aeger intra quatuordecim dies a gravissimo hoc morbo penitus restitutus est.

p. 219. 3) I. H. ESCHER *de ea parte oeconomiae, quae circa piscinas versatur, eiusque praestantia et usu.* Cl. Auctor, quae ad hanc oeconomiae partem spectant, multo cum iudicio ex optimis observationibus collegit. Atque cum semina in piscinis exsiccatis feri soleant, ad hunc scopum imprimis *gramen mannae esculentum* commendat.

p. 277. 4) *Delineatio tabularum et indicum uniuersalium incolarum cuiusdam loci, ad regulas et usus politicos confectarum.* Auctore H. V. B.

p. 309. 5) *Observationes physico-medicae.* Auctore LAUR. ZELLWEGER M. D. Facit Cl. Auctor medicinam
Troge-

Trogenii in ditione Abbatis cellensi. Generalia quaedam de aere, aquis, victu, morbis incolarum, pecudumque cura in prouincia sua monet. Pauca nobis vtilia hic commentarius continet. Taeniam Auctor putat corpori humano vtilem esse, quod ea materiam quandam peccantem in primis viis consummat, hominesque penitus a taenia, qua antea laborabant, liberati postea variis incommodis obnoxii esse soleant.

6) *Instructio rusticorum ad septa construenda.* Exp. 361. obseruationibus a variis agricolis, in territorio rei publicae Tigurinae viuentibus, cum Societate communicatis, haec instructio collecta est a Cl. VSTRIA. Planta, quae vt optima ad conficienda septa commendatur, est *Oxyacantha vulgaris*.

7) *Historiae duorum morborum variolosorum* comp. 385. communicatae a Cl. ZIMMERMANN. Prima historia est de puella septenni, in qua variolae copiose quidem erumpebant, non tamen confluebant. Septimo morbi die in pede, vbi ante variolarum accessum leue aliquod vlcus cutaneum et erysipelas fuerat, gangraenosus aliquis locus apparuit, similesque duo in fronte, vbi similia vlcera antea fuerant, apta tamen medendi methodo adhibita euasit. Frater praecedentis puellae, nouennis puer, post difficilem pectoris morbum, ex scabie ad pulmones regressa ortum, etiam variolis inuadebatur. Cum febrem secundam vehementissima symptomata comitarentur, aegre, nec forte aliter quam per medendi methodum, a Cl. ZIMMERMANN adhibitam, seruatus est. Historia huius vtriusque aegroti amplior est, quam quae a nobis in compendio ita tradi possit, vti optaremus. Fatendum enim est, apte esse expositam, satisque prodere ingenium bene excultum, iudiciumque acutissimum Auctoris.

- p. 415. 8) *Observationes de effectu cicutae in variis morbis*, collectae a Cl. I. H. RAHN. M. D. Cum morbi, ad quos debellandos Ill. STOERCK cicutam tanquam remedium specificum commendauit, in prouincia Tigurina endemii quasi sint: laudabili sane consilio multi medici et chirurgi iunctis viribus experimenta de illius herbae in his morbis vi instituerunt, quorum obseruationes hic communicantur. En eorum summam! In scrophulis cicuta egregios effectus praestitit, neque iis ipsis iam exulceratis sine fructu adhibita est. Profuit quoque in mammis induratis grauidarum et abscessibus mammarum in puerperis. In scirrho tamen mammae dextrae nullam vtilitatem eius vsus aegrotae adtulit. Erat tamen in hac aegra hepar quoque induratum, ex quo hydropica obibat. Laudatur porro cicuta in testiculis induratis, nullum vero ex vsu eius fructum in cancro mammarum Tigurini medici obseruarunt. Extollunt e contrario eius virtutem in variis aliis vlceribus vteri, cutis, oris, neque in hydrope et ophthalmia plane inutilis fuit. Nocuios extracti effectus nullos obseruarunt, vnico aegro excepto, qui, dum tertia vncia extracti utebatur, torminibus abdominis adficiebatur.



XXXII.

Observations on some of the Diseases of the Parts of the human Body. Chiefly taken from the Dissections of morbid Bodies. By SAMUEL CLOSSY M. D. London printed for Kearsly. 1763. 8. pl. 13.

i. e.

Observationes de nonnullis morbis partium corporis humani, praecipue ex dissectionibus corporum morbosorum desumptae. Auctore SAMUEL CLOSSY, Med. Doct.

Hic libellus vltra quinquaginta obseruationes continet, a Cl. Auctore in nosocomiis nonnullis Londinensibus et Dublinensibus factas. Ita vero eas hic collectas disposuit, vt singuli morbi breuem historiam praemittat, exponat deinde, quae in corporum dissectione inuenta erant, atque tandem varias nonnunquam adnotationes adiiciat, in quibus de illorum morborum natura atque methodo eis medendi in genere disputat. Diuisit vero has obseruationes in sectiones sex, in quarum prima historias *morborum capitis* proponit, scilicet lethargi et paralyseos a contusione integumentorum; ab effusione sanguinis in dura matre; ab effusione intra duram et piam matrem; ab effusione sub pia matre; a depressione calvariae et corruptione cerebri; a compressione cum effusione; a disruptione et putrefactione cerebri; lethargi cum excrescentiis fungosis in cerebro; et tandem epilepsiae ex abscessu durae matris ortae. Lethargus et paralyxis ex sola integumentorum capitis contusione incisione facta et suppuratione subsequente curabantur. Etiam si post contusionem cerebri illud latius, in quo con-

p. 1.

- tusio est, paralyticum fit, tamen in opposito latere extrauasio, ex concussione cerebri orta, obseruatur, ita vt semper paralyseos caussa, vel in hoc quoque casu, in opposito sit latere. Cum vero a maxima, quae praecessit, concussione cerebri substantia semper ita laesa sit, vt sanari nequeat, neque locus trepanationis in hoc casu accurate definiri possit, nullam ex obseruatione sua in praxin utilitatem re-
- p. 35. dundare, Cl. CLOSSY ipse fatetur. Secunda sectio *de colli et thoracis morbis* obseruationes de angina ex tumore laryngis, asthma a pulmonibus induratis, hydrope pectoris, haemoptoe et empyemate continet. Qui ex tumore laryngis oedematoso angina laborabat aeger, difficillime inspirabat, facillime expirabat. Nullus exterius apparebat tumor, pulsus regularis erat, nonnunquam tamen intermittens. Aegro subito suffocato, membranae cartilagineae laryngis inuestientes oedemate distentae, leuiorisque inflammationis signa in interna asperae arteriae superficie deprehendebantur. In alio aegro pulmo sinister in massam duram, rudem et inorganicam, sine ullo membranarum, vasorum aut fluidorum vestigio relicto, abierat. Varii *hepatis morbi* in tertia sectione describuntur, v. c. abscessus huius visceris, et addita est pancreatis indurati historia.
- p. 89. Quarta sectio obseruationes in *hydropicis* factas continet. Quinta sectio *de intestinis* inscribitur. In
- p. 115. aegro ex iliaca passione, post validum purgans adsumtum, demortuo, coecum cum appendice vermiformi et intestini ilei parte in colon susceptum erat. Colon a mesocolo separatum erat, atque in peluim descenderat. Obstructiones euacuationis aluinae non semper ex rigiditate quadam intestinorum proueniunt, sed et nonnunquam ex laxitate partiali partis cuiusdam intestinorum oriuntur. Probat hoc obseruatio a nostro Auctore in puero duodecim
- anno-

annorum pertinacissimis obstructionibus laborante facta, in cuius cadauere colon mirum in modum expansum totam fere cauitatem abdominis replebat, reliquis visceribus in angustissimum spatium ita compressis, vt v. c. a nimia coli in vreterem sinistrum pressione ille supra eum locum valde expansus, peluisque renalis quoque vehementer dilatata esset. Quod si vero aluina obstructio ex foecibus in dilatato eiusmodi loco haerentibus oritur, foeces nonnunquam egestae fluidae sunt, cum in retentione ab aliis caussis orta siccae vt plurimum deprehendantur. Morbi tandem *renum et vesicae* sextam P. 133. sectionem constituunt. Praeter alias etiam illa notatu digna est obseruatio, qua Noster calculum ex vesica viri quadraginta circiter annorum extractum describit, cuius pondus ad minimum octo uncias superabat. Aeger tamen euadebat. Causam, cur in rene sinistro frequentius calculi, quam in dextro occurrant, inprimis in compressione vreteris a colo, per foeces in eo haerentes expanso, ponit. Vti de variis aliis morbis, ita quoque ad calcem libelli varias de calculo obseruationes adiecit, in quibus tamen pauca, quae noua sint et attentionem nostram mereantur, continentur.

XXXIII.

Diff. inaug. diætetica de educatione liberorum medica. Auctore IO. CONR. LÜDERSS, Hamburgensi. Goett. 1763. 4. pl. 6.

Et si quidem varia iamiam, et in quibus vberius actum est de educatione infantum, scripta adduximus, ob argumenti tamen grauitatem et singularem in genus humanum vtilitatem non possumus quin et huius dissertationis, cuius Cl. Auctor variis,

riis, quae hucusque inualuerunt, praeconceptis opinionibus, et quae meliorem liberorum educationem impediunt, sese opponit, et de nonnullis rebus aliter quam caeteri scriptores sentit, praecipua momenta exponamus.

Tradit itaque Cl. Auctor varia ad abluitionem infantis recens nati, fasciationem, euacuationem meconii et lactatum spectantia, non contemnenda quidem, ast maximam partem iam cognita monita. Cubiculi porro, in quo infans detinetur, rationem describit, quaedam de dentitionis incommodis simul adiungens. In altera periodo, ablaetationis nimirum, nunc sensim aliis et durioribus nutrimentis assuefaciendos atque in aerem liberum deducendos esse infantes suadet, ac strenue et recte perstringit errorem parentum, qui aerem liberum iis nocere putant. Vitam infantum in rure prae urbana magnopere commendat et orphanotrophiorum in rure constructionem salubriorem fore sanitati infantum in iis educandorum censet. Diaetam eorum haud scrupulosam exigit, ut varia ferre discant et corpus eorum firmetur. De situ postmodum et gestatione agit, et munditiem, ad quam balnea et abluitiones cum frigida multum faciunt, nec non potationem

p. 26. frigidae summopere commendat. Vinum, de cuius in infantibus usu summus est medicorum dissensus, putat Noster, non tantum ob virtutem analepticam et roborantem infantibus esse concedendum, sed etiam ut anthelminticum remedium, quod adstringente et roborante vi muci generationi resistat vermicibusque inimicum sit, iis prodesse; quam ob rem ei laudandi esse videntur *parentes, qui infantibus quartum annum minimum egressis quotidie inter prandia unum saltem cyathum boni vini Gallici propinant*; immo vini usum infantibus necessarium esse, credit, si victu salito et fumo indurato cum parentibus simul

simul vtuntur. Coffeam vt potum calidum ob re- p. 28.
laxationem damnat, ob partes vero essentielles, sal
scilicet volatile vrinofum alcalinumque infantibus
concedit; siquidem, propter sal volatile et terreo
alcalinum, possit acidum, ad quod infantes a lactici-
niis et victu vegetabili facile disponuntur, mutare
et absorbere, mucum viscidum incidere, attenuare,
dissoluere et ventriculo robur addere. An neruoso
systemati infantum conueniat coffeae vsus? filet
Noster. Varia posthaec de cibi tum quantitate tum
qualitate monet. Saccharum infantibus non dene- p. 32.
gandum esse autumat; dum enim ex acido et terra
alcalina componitur, sistit sal medium vi saponacea,
leniter abstergente et resolvente praeditum, quod
non ad vermes, mucum procreando, infantes dispo-
nit, vti Cl. ANDRY affirmat, sed iis potius abster-
gendo, viscidum resoluendo, adeoque nidos eorum
destruendo aduersatur; neque dentibus nocere, vti
vulgo creditur, neque eorum defluxum promouere
posse, asserit Noster, illos potius sacchari vsu con-
seruari et ornari, optimum illud esse remedium pul-
ueres dentifricos ingrediens, atque senes fuisse sac-
charo quotidie vesci solitos, dentibus tamen optime
seruatis, ex Cl. SLARE probat; noxium eius vsum
aliis ei admixtis rebus farinaceis et glutinosis v. c. in
panibus dulciariis, pulticula cet. adscribit. Laudat p. 33.
porro motum corporis, et inter alia exercitia inpri-
mis ambulationem, saltationem, natationem ac equi-
tationem. Hanc, si modum non excedat, non pue-
ris solum, sed et puellis ob laxum corporis habitum
utilem esse hasque a multis morbis inde immunes
seruari asserit, addito exemplo ex Anglia desumpto,
vbi feminae equites sint multae, paucae hystericae.
Equitationis autem vtilitatem non tantum in motu
corporis consistere, sed etiam *ex halitu et atmo-
sphaera equi perspirantis et sudantis poris equitis for-
san*

san aliquid committi, quod nervis et toti corpori ami-
 p. 36. *cum est*, Auctori nostro verosimile videtur. Ultimo
 quam maxime improbat parentum morem infantes
 a somno matutino detinendi eosque imprudenter
 expergefaciendi. Coniicit enim, systema eorum
 nervosum adeo irritabile esse, ut a quacunque causa
 turbetur; hinc eos nocturna plerumque febricula
 affici, cuius horrorem calor excipiat, quem circa
 matutinum tempus sudor siue perspiratio aucta se-
 quatur; cum itaque saepius circa tempus hoc criti-
 cum fiat haec intempestiva euigilatio, facile appa-
 rere autumat, illam ob crisin turbatam causam mul-
 torum morborum existere.

XXXIV.

Zoophylacii Gronoviani fasciculus secundus,
 exhibens enumerationem insectorum, quae
 in museo suo adseruat, examini subiecit, sy-
 stematice disposuit atque descripsit LAUR.
 THEOD. GRONOVIVS I. U. D. Ciuitatis
 Lugduno Batavae Senator, Societatis physico-
 medico Reg. Lond. Basiliens. atque Hollan-
 dicae Socius. Additis rarissimorum insecto-
 rum iconismis. Lugduni Batavorum; sum-
 ptibus Auctoris 1764. fol. a tab. aen. 14 - 17.
 et a pag. 141 ad 236.

Iam ex primo volumine Cl. Auctoris intelligen-
 tiam rerum ad historiam naturalem pertinen-
 tium est cognita. Haec pars, quemadmodum in-
 dex operis declarat, insectorum plerumque raro-
 rum et exterorum magnamque partem nondum
 explicatorum descriptiones complectitur. A decla-
 ratione figurarum fit initium. Hanc excipiunt ipsae
 insecto-

insectorum descriptiones, quorum dispositio ad Linnaeanam diuidendi rationem accommodata est, exceptis modo paucis generibus, v. c. Mylabride, Naucoride, Xiphosura etc. quorum characteres ipsis Auctoris verbis repetamus.

Mylabris, antennae moniliformes articulis hemisphaericis, sensim crescentes versus apices, rostro breui plano insidentes. Caput elongatum, nec latitans sub thorace. Elytra abbreviata, rotundata, plana.

Naucoris, antennae breuissimae infra oculos positae. p. 182. Rostrum inflexum. Alae quatuor cruciatae. Scutellum praesens. Pedes sex, primi cheliferi, reliqui natatorii.

Xiphosura, corpus scuto fornicato transuersali articulatione mobili, elastico omnino tectum, versus anteriora semilunare, postice contractius denticulatum. Oculi duo, utrimque unus, in lateribus summis thoracis, minimi, conuexi, ouati, non pedunculati. Pedes duodecim, utrimque scilicet sex, a scuto dorsali omnino tecti; horum quinque priora paria chelifera, et ultimum par est natatorium, reliquis longius. Caudam constituit cornu seu aculeus ensiformis, cuspidatus, triqueter, corporis longitudinem adaequans.

Cancer, thorax maximus, caput atque truncum inuoluens. Oculi pedunculati in thoracis margine anteriore. Antennae duae in fronte. Cauda abdomini deorsum appressa. Pedes utrinque quinque, raro quatuor. Primum par cheliferum.

Astacus, corpus subcylindricum, oblongum, articulatum, deorsum inflexum. Thorax trunco multo breuior. Antennae binae, vel sex subulatae, articolatae, tenuissimae. Cauda foliacea, horizontaliter expansilis. Oculi duo, pedunculati in fronte siti. Pedes utrinque nouem vel decem. Posteriora quatuor quinqueue paria curta natatoria. Anteriora longissima, quorum nonnulla plerumque chelifera.

Squilla,

p. 232. Squilla, corpus teres, compressum, incurvatum. Thorax brevissimus. Oculi in lateribus duo, non pedunculati. Antennae quatuor, subulatae. Pedes longitudine inaequales utrinque septem, anticis paribus cheliferis.

p. 234. Emerita, corpus ellipticum. Thorax amplissimus. Cauda gracilis, sub abdomine inflexa. Antennae binae. Oculi duo, pedunculati. Chelae nullae. Pedes utrinque quinque natatorii.

Descriptiones quidem ad optimam rationem sunt aptatae, in iisque, ubi extarent synonyma, ex praestantissimis hoc in genere auctoribus reperiuntur excerpta. In pluribus infectis, quae vel ignota erant vel rara, DAN. LUYCS MASSIS, Societatis Indiae occidentalis apud Medioburgenses Director, cui est haec pars dedicata, cum aliis quibusdam, nominatim Cel. IACQUIN, commemoratus est, quod haud dubie Auctor fecit grati animi causa erga talem virum, qui multum ad has collectiones contulisse videtur. A recensiois consilio abhorrere videtur, omnium singularumque descriptionum mentionem hic facere. Itaque hoc tantum nobis sumimus, ut in tabula quadam ea inprimis infecta indicarem, quae sunt a nemine alio viro docto adhuc diligentius exposita.

Sic inter Scarabaeos 11 vel plane ignotae, vel nondum satis cognitae describuntur species. Elateres 3 habent novas species.

Buprestes 3.	Coccinellae 4.
Carabus 1.	Meloae 2.
Tenebriones 4.	Staphylinus 1.
Cantharis 1.	Blatta 1.
Cerambyces 9.	Grylli Tetigoniae 3.
Dytisci 2.	Grylli Locustae 2.
Chrysomelae 3.	Cicadae 2.
Cicindela 1.	Cimices 16.
Curculiones 5.	Papiliones Equites 2.
	Papilio-

Papiliones Heliconii 5.	Acarus 1.
Papilio Danaus 1.	Araneae 3.
Papiliones Nymphales 7.	Scorpiones 4.
Papiliones Plebeii 5.	Cancri 7.
Sphinges 2.	Astaci 3.
Phalaenae Bombyces 2.	Onisci 2.
Phalaena Geometra 1.	Emerita 1.
Phalaenae Alucitae 2.	Scolopendra 1.
Libellulae 4.	

Haec est fere ratio egregii huius libelli, cuius Auctor ut amantissimo cuique et intelligentissimo naturalis historiae acceptus esse debet, ita proximam libri partem quisquis cupidissime expectabit.

XXXV.

Essays on Medical Subjects, originally printed separately; to which is now prefixed an Introduction relating to the use of Hemlock and Corrosive Sublimate; and to the Application of Caustic Medicines in Cancerous Disorders. By THOMAS GATAKER, Surgeon Extraordinary to His Majesty and Her Royal Highness the Princess Dowager of Wales, and Surgeon to Her Majesty's Household and St. George's Hospital. London: printed for R. and I. Dodsley. 1764. 8 mai. pl. 21 $\frac{1}{2}$.

i. e.

Tentamina medica, primo separatim edita; quibus nunc praemittitur introductio de usu cicutae et sublimati corrosivi, atque de applicatione medicamentorum causticorum in morbis cancrofis, a THOMA GATAKER.

Tom. XIII. Pars II.

X.

Tri

Tria tentamina, iam alias publicata, quorum
 I. mum continet *observationes de solano*; 2. dum
observationes affectionum venereorum, ubi nonnulli erro-
res theoriae horum morborum indicantur, ac falsae et
noxiae fraudes in eorum medela nonnunquam occurren-
tes deteguntur; 3. um *disquisitionem structurae oculi,*
cum variis adnotationibus de quibusdam huius organi
morbis; Cl. GATAKER nunc vno volumine edidit,
 iisque introductionem ipsis analogam praemisit,
 quae tractat *de solano; de usu cicutae; de applicandis*
medicamentis causticis in morbis cancris; de usu subli-
mati corrosivi; de variis inuentis aut emendationibus,
et peculiaribus vel secretis methodis practicis; tandem
de operationibus cataractae. Solanum ad $\frac{1}{4}$ gr. pro
 dosi maximopere utile est, inprimis in vlceribus in-
 ueteratis cum effluente acrimonia tenui coniunctis;
 eius autem vsus intermittatur, si vlcus statum sana-
 tionis attigit. Cicuta in Anglia nunquam tantam
 exseruit efficaciam, quantam Cl. STOERK illi tri-
 buit, eaque tantum diuresin et perspirationem leui-
 ter auxit, raro deiectiones excitauit, atque largiter
 exhibita interdum visum imminuit vertiginemque
 induxit; quapropter cicuta vix aliquam habere vide-
 tur vim destruendi humorem peculiarem, qui mor-
 p. 12. bos cancris gignit. In cura cancri difficile deter-
 minatur, vtrum adhibeantur medicamenta interna,
 an suscipiatur operatio externa vel exstirpatione vel
 causticis. PLUNKET et postea GUY tumoribus
 cancris applicabant peculiare cataplasma, quo tu-
 morem eiusque radices destruere annitebantur, id-
 que reliquis causticis anteponendum esse Cl. Auctor
 arbitratur, cum profundius penetret et firmiter ad-
 haereat, quam alia: exstirpationem tamen per in-
 p. 30. cisionem huic semper praeferendam esse. Mercuri-
 us sublimatus, in morbo venereo apte adhibitus,
 plerumque ex voto agit, adeoque post saluatio-
 nem

nem minus prosperam, vt lene et alterans medicamentum, atque cum decocto sarsaparillae sumtus, curam optime absoluit. Successus igitur curationis beneficio mercurii sublimati potius a tempore ac modo, quo datur, pendet, quam ab eius praeparatione. Interdum auget sudorem, vel excretionem aluinam, vel vrinam; nonnunquam in sanguinem agit sine insigni augmento excretionum corporis; plerumque et maximo cum successu salivae excretionem augere solet. Solutio sublimati corrosivi ini- p. 42.
tio quidem semper prosperos habuit effectus in venereis morbis, postea tamen docuit experientia, hanc in pertinaci casu symptomata non nisi ad tempus tollere, et in plurimis aegris intestina debilitare, interdum salivationem producere. Si vero sympto- p. 45.
mata leuiâ sunt, haec solutio, vel sola, vel cum decocto sarsaparillae, reliquis mercurialibus praefenda est.

*Observationes de usu interno solani iam alias recensitae sunt **). p. 1.

Observationes de morbis venereis, ubi nonnulli errores theoriae horum morborum explicantur, cet. in binis literis ad chirurgum quendam datis continentur. Summa epistolae imae haec est. Cl. Auctor p. 91.
negat, excretionem in gonorrhoea ab vlceribus vrethrae pendere, vti TURNERUS statuit. Saepe enim nares, palpebrae, pulmonesque excernunt materiam simillimam ei, quae in gonorrhoea effluit, sine vlcerum periculo. Nonnunquam superficies externa glandis et interna praeputii a miasmate venereo infecta excernit materiam gonorrhoeae spuriae similem, sine vlceribus. Cum porro in aucto malo tumor et inflammatio testiculorum tollat effluxum materiei et dysuriam leniat: plane apparet, nulla

X 2

adesse

*) vid. Commentar. nostr. Vol. VII. Part. IV. pag. 717.

- adefse vlcera, sed potius dolorem vrethrae ab acri materia excitari. Fluor albus, sine vlceribus vaginae, gonorrhoeae virulentae saepe maxime similis est; cereolus vrethrae applicatus muco obducitur vti in aegroto, sic et in homine sano; praeterea plurimae sectiones venereorum ostenderunt, nulla adfuisse vlcera vrethrae. Ex falsa hac vlcerum vrethrae
- p. 102. suspicione multi proficiscebantur errores. Etenim TURNERUS suppresserat gonorrhoeam drastice e pilulis ex duobus et calomel, quae postea opiatas mitigabat, atque hinc testiculorum intumescen-
tiam efficiebat, ad quam tollendam vomitoria e turpeth.
- p. 109. miner. satis temere suasit. Caruncula a WISEMAN olim putabatur, esse paruum frustulum carnis luxuriantis in vrethra ab erosione materiae venereae exor-
iens, sensim callescens ac increfcens, et vrinae
- p. 112. profluuium impediens. DIONIS primus inuenit, cicatrices callosas vrethrae erosae diametrum im-
minuere, et vrinae effluxum cohibere. ASTRUC plurima obstacula assumit, vlcera, carunculas, cica-
trices, cet. et specillum plumbeum ductile tenue, sensim increfcens, vrethrae immittit per aliquot dies, donec vrethra dilatatur. LE DRAN vrethrae intrudit paululum intestini felini (*a piece of cat-gut*), quod humiditatem insugens vrethram expandit. COL DE VILARS id perficit cereolis peculiaribus.
- p. 122. DARAN credit, adesse excrescentias fungosas vrethrae, quas plurimi in cadaueribus frustra quaesue-
- p. 125. runt, putatque, hanc obstructionem saepe aliquot annos post gonorrhoeam bene curatam accedere. Carunculas ex vlceribus occultis oriri, demonstrat ex effluxu materiei ab ipsius cereolis facto, quod Cl.
- p. 141. Auctor plurimis refutat. ASTRUC quatuor species gonorrhoeae posuit ratione situs, et tres species ra-
tione causae, cum fiat ab inflammatione, aut sim-
plici, aut vehementiori, aut exulceratione partium;
quas

quas vltcrius diuifit. Inter figna cauffarum gonorrhoeae in primis refert materiae colorem vel album et cinereum, qui inflammationem fimplicem indicat, vel citrinum et fanguinolentum, eandem cum fanguinis extrauafatione declarantem, vel flauo viridem, quo vlcera fe manifeftant. Omnia haec figna Cl. Auctori minus explorata videntur. Methodi p. 146. particulares curatoriae gonorrhoeae in genere eo redeunt, vt cohibeamus excretionem in primis initiis ope mercurialium ruditer praeparatorum interne fumendorum, ac iniectionum vrethrae. Priora quidem forti deriuatione effluxum subito coercent: fed ob eorum nimiam vim atque faluationem, facile hinc metuendam, parum conueniunt. Iniectiones ex mercurio et aceto, ex vitriolo, alumine, aerugine, bolo, lapide calaminari, cet. fi iufto tempore applicantur, vtiles funt in gonorrhoea. D A R A N falfo iniectiones adftringentes plane repudiat.

Epiftola 2da ad chirurgum quendam continet va- p. 159. rias adnotationes de medela deteriorum morbi venerei fpecierum. T U R N E R U S interdum confundit fymptomata luis venereae et gonorrhoeae, atque ad curandas aphthas venereas externe adhiberi fua- det mercurialia fortiora, remedia cauftica, fumigationem cum cinnabari. Vtraque priora caute adhibeantur; fumigatio, a Cl. A S T R U C minus probata, interdum valde prodeft. Interne commendat T U R N E R U S mercurialia purgantia et vomitoria, quae vero minus apta iudicantur. Vterque iubet diffipari bubones vel resolutione, vel fuppuratione. Ad p. 163. resolutionem adhibet T U R N E R U S purgantia mercurialia et vomitoria; A S T R U C praefert frictionem mercurialem, et, fi os afficeretur, purgantia lenia; vtrumque caute adhibitum conuenit. Saepe hi tumores refoluuntur in faluatione, fi materia nondum fe collegerit, rarius tumores grauiore. Bubo-

- nes maiores, mercurio et purgantibus vicissim tra-
- p. 167. ſtati, ſaepe peſſima producunt ſymptomata. Uſu interno mercurii ſaliuationem excitare, ipſe TURNERUS reprehendit, potiusque vñctionem mercurialem commendat; attamen eius methodus inuoluendi totum corpus in pannos *flanel* dictos, atque quantitas ſaliuationis non omni corpori conuenire
- p. 170. adeoque interdum nimis debilitare videtur. Methodum Cl. ASTRUC leniorem, eius vero praeparationem nimis ſeueram cenſet Cl. Auſtor. Alii morbi cum lue venerea complicati, v. c. ſcorbutus, prius curentur, quam praeparatio ad luis venereae medelam incipiatur. ASTRUC docet, oris vlcera, quorum alia putat noxia et ſtatim coercenda, alia ſalutaria et in ſaliuatione ſuſtentanda, cum ſtipticis vel ſolo ſpiritu vitrioli tractari; quod Cl. Auſtor ob inflammationem et intumeſcentiam totius faciei, ab interrupta ſaliuatione facile inductam, minus comprob-
- p. 174. bat. Porro incommoda variarum curandi morbos venereos methodorum examinantur. Nonnulli enim practi-
corum, poſt purgantia et balnea, iuſtam mercurii quantitatem in parua doſi et magno temporis ſpatio exhibebant, vt ſaliuatio euitaretur; ſed hinc interdum ſymptomata tantum ad tempus cedebant, interdum plane non ceſſabant. Alii, mercurio et purgantibus viciffim ſumtis, ſaliuationi quidem proſpiciebant: debilitatem tamen, digeſtionis laeſionem et colicam vix euitare poterant. Alii perſpirationis aut vrinae augmento morbum ſuper-
- p. 182. rare tentabant. Potiones medicae, vt decoctum guaiaci, radicis chinae, ſarſaparillae, magnam exeferunt vim in curandis morbis venereis; niſi vero cum mercurio coniunguntur vel huic miſcentur, vix ſufficiunt; optime in morbis poſt uſum mercurii relictis conueniunt.

Disquisitionem structurae oculi, cum adnotationibus p. 191.
peculiaribus variorum morborum huius organi, iam
*alias *) recensuimus.*

XXXVI.

Introductio ad Philosophiam naturalem, Au-
 ctore PETRO VAN MUSSCHENBROEK.
 Lugduni Batavorum, apud Sam. et Ioh. Lucht-
 mans. MDCCLXII. Duo Tomi. 4 mai.
 Alph. 6. plag. 5. praeter praefat. tab. aen. 64.

Eximii huius operis prima flamina Auctor iam
 anno huius seculi sexto et vicesimo duxerat in
epitome elementorum physico-mathematicorum, in qua
 maxime memorabilia theoremata, adhuc inuenta et
 demonstrata, in usus academicos recensuerat. De-
 inde quum anno 1734 recudendum esset hoc opu-
 sculum, priorem ordinem et methodum aliquantum
 mutauit, et, difficilioribus theorematis omissis, ce-
 tera tradidit, librumque inscripsit *elementa physicae*.
 Quem librum quum quidam in gratiam Belgarum non
 literatorum, quos DESAGULERII scholae scientiae
 rerum naturalium cupidissimos reddiderant, in Bel-
 gicam linguam conuertere vellent: ipse satius puta-
 uit propriam huic operae manum admouere; eoque
 consilio anno 1736 belgice edidit librum, *Beginfels*
der Natuurkunde inscriptum, in quo magnam partem
 eorum, quae quotannis in lectionibus suis priuatis
 docebat, ciuibus suis exposuit; qui liber anno 1739
 emendatior et auctior recusus, et mox a Cl. MAS-
 SUE in Francicam linguam translatus est. Facta
 anno 1741 noua *elementorum physicae* editione, dis-
 tractisque huius editionis exemplaribus, Auctor

X 4.

anno

*) vid. Comment. nostror. Vol. X. P. IV. p. 694.

anno 1748 nouum fere opus in lucem emisit, cui titulum *institutiones physicae* fecit; in hoc enim multa intexuit prioris operis telae, quae interea ad cognitionem naturae recentiorum industria et sagacitate accesserant. Tandem initio anni 1760 de penuria exemplarium huius libri certior factus; in animum induxit, longe amplius et emendatius opus elaborare, in quo integrum systema physicum ingenti obseruationum et experimentorum copia, quibus vel instituendis vel colligendis magnam vitae suae partem impenderat, superstructum haberetur. Sic natum est hoc opus, quod iam in manibus habemus, et cuius editionem ipsi Auctori vsque ad Caput XXXIII curare licuit. Postquam autem anno huius seculi LXI. diem suum obierat, reliquae partis typis exprimendae curam in se suscepit Cl. IO. LULOFs, qui etiam praefationem operi adiecit, ex qua haecenus a nobis dicta excerpimus.

Ordo capitum hic est. Caput I. de philosophia et regulis philosophandi. II. de corpore in genere, eiusque attributis. III. de spatio vacuo. IV. de loco, tempore et motu. V. de potentiis prementibus. VI. de viribus corporum motorum. VII. de grauitate. VIII. mechanica. IX. de attritu machinarum. X. Mechanica motus. XI. de motu composito. XII. de descensu grauium in plano inclinato. XIII. de oscillatione pendulorum. XIV. de motu grauium proiectorum. XV. de viribus centralibus. XVI. de corpore duro, fragili, molli, flexibili, elastico. XVII. de percussione. XVIII. de electricitate. XIX. de magnete. XX. de corporum attractionibus. XXI. de cohaerentia et firmitate. XXII. de fluido in genere. XXIII. de pressu fluidi ex grauitate. XXIV. de fluido per vasis foramen fluente. XXV. de fluidis profilientibus. XXVI. de corporibus firmis fluido immer-

sis,

sis, et de grauitate corporum firmorum et fluidorum specifica. XXVII. de aqua. XXVIII. de igne. XXIX. de proprietatibus lucis generalibus. XXX. de corporibus lucem bibentibus. XXXI. de luce refracta, et corporibus refringentibus. XXXII. de luce illapsa in superficies planas et sphaericas mediorum refringentium. XXXIII. de luce ex aere illapsa in vitrum, atque ex eo iterum in aerem transeunte, XXXIV. de diuersa radiorum refrangibilitate, et de coloribus. XXXV. Descriptio oculi. XXXVI. de lucis transitu per oculi humores, et de visione. XXXVII. Dioptrica. XXXVIII. Catoptrica. XXXIX. de aere. XL. de sono. XLI. generalia de meteoris aereis. XLII. de meteoris aqueis. XLIII. de meteoris igneis. XLIV. de meteoris aereis siue de ventis.

Quum Auctor in hoc opere dogmata methodo eadem proponat, qua in libris, quos antea de scientia naturali ediderat, et qui in omnium huius scientiae studiosorum manibus versantur, erat vsus: non opus est, vt eius specimina hic exhibeamus. Igitur id tantum negotii nobis datum esse existimamus, vt, in quibus haec noua institutionum physicae editio anterioribus praestet, indicemus. Comparabimus autem illam cum ea tantum editione, quam Cl. MASSUET francice vertit, quia haec maxime fuit diuulgata.

Duo capita integra in hoc opere ad numerum capitum in praedicta editione accessisse deprehendimus, Caput X. de mechanica motus, et Cap. XXX. de corporibus lucem bibentibus, vnumque caput de attractionibus corporum in duo diuisum esse. In capite X. tractantur quaestiones variae, quae locum habent, quum potentia maior, quam pro aequilibrio, vincit onus, illique, nec non ipsi organo vel machinae, cuius ope in id agit, motum conciliat.

De quibus, quum ad mathesin potius, quam ad physicam pertineant, hoc loco dicere non fert institutum nostrum.

Quoniam attractio magnetica alias leges habet, quam attractio corporum vniuersalis: satius duxit Auctor, illius phaenomena ab huius phaenomenis separare, et de illis in peculiari capite exponere. Hinc ex vno capite de attractione corporum, quod antea erat XVIII, duo fecit, vndeicesimum et vice-simum. Multa hic adiecit antea dictis de magnete, praesertim ad modos recens inuentos, magnetes artificiales parandi, et ad differentiam inter vim magneticam et vim electricam spectantia. Sed tamen fluido cuidam subtili deberi phaenomena magnetica, nondum, quod miramur, persuasum fuisse Auctori intelligimus. Caput etiam de attractione vniuersali corporum mutua insignia et haud pauca augmenta accepit.

Quod XXX caput attinet, de corporibus lucem bibentibus, breue quidem est (paginis enim quatuor tantum constat), sed omnia tamen de hac re adhuc inuenta strictim indicat. Sunt autem ea fere hausta ex Cl. BECCARII scriptis in primis voluminibus *commentariorum Bononiensium*, quem Auctor etiam cum debita ipsi laude nominat. De lapide Bononiensi et de adamante dudum notum est, splendorem illis inesse in tenebris, si antea solis radiis p. 692. aliquandiu fuerint expositi. Sed deinde comper-tum est, plurima alia dari corpora, quae radios solis, vel etiam lucem tantum diurnam, imbibant, (alia nuda, alia etiam vitro, vel aqua, vel lacte, aut aceto tecta,) et deinceps in locum tenebricosum delata splendeant; quanquam nonnullis ille splendor non nisi in foco vitri vistorii conciliari potest. Omnia autem corpora, lucem imbibentia, facilius hanc in tenebris micandi facultatem acquirunt, vbi antea modice.

modice calefacta fuerint. Iam ad hanc corporum classem Auctor refert e *regno minerali* omnes terras et bolos, omnes crustas fontium canalibus intus accrescentes, omnes arenas, omne genus marmoris, cum amianto, talco, spatho, achate, iaspide, opalo, et. haematite, omnes gemmas pellucas, et fluores, omnia quarza, omnia falia naturalia, omnes succos pingues, cuncta petrefacta, et tutiam, qua parte est aspera; e *regno vegetabili* omnes partes P. 693. plantae (dummodo omni humore priuatae sint), et quidquid ex illis arte paratur, vt farinam, panem, chartam, linteum, tum succos vegetabilium, vt saccharum, mannam, mel gelu constrictum, omne gummi, omnem ceram et resinam, olea etiam (sed hieme a frigore constricta), tartarum, cineres, corallia, madreporas; ex *animali regno* quadrupedum ungulas, cornua, pilos, ossa, volucrum pennas, rostra, ungues, aquatiliu squamas, conchyliorum testas, solenes, pinnas, extimam cutem belluarum et volatiliu, quadrupedum coria recentia et praeparata, quidquid est membranaceum et neruofum, decocta ossium, dentium, cornuum, iura carnum inspissata, vitellos ouorum ficcatos, caseum, serum sanguinis concretum, sanguinis crustam, carnes ficcatas, oculos cancrorum, bezoar, calculos e renibus et vesica, testas ouorum, lapillos e capitibus piscium, manus etiam viui hominis tempore hiemali, quum gelat aqua. Haec tantum lucem non rapiunt, in regno quidem minerali, metalla, cinnabaris, zincum, marcasitae, gagates, lithanthrax, petroleum, et omne genus bituminis; in regno autem vegetabili, benzoinum, et terebinthina liquida. Contra ea dantur praeparata e corporibus regni mineralis, quae lumine viuido, plerumque rubescenti, in tenebris splendent, de quibus, iudice Auctore nostro, Cl. MARGGRAF in Comment. Acad. Sc. Bero-
linensis

linensis accurate egit. Lumen haustum a plerisque corporum supra enumeratorum breui tantum tempore conspicitur, in aliquibus vix vltra duo minuta secunda horae, in aliis septem vel octo minutis secundis manet, in nonnullis tamen adamantibus per quatuor horas fulget. Lumine auolante, corpora sunt obscura; sed lumini denuo exposita, id iterum

p. 695. bibunt, nitentque rursus, vt antea. Corpora autem haec, quibus lucem imbibendi et retinendi est facultas, diuturnis ignitionibus eadem exui possunt, veluti obseruatum est in crySTALLIS, emeraldIS, et lapide phosphoro Bernensi. Et corpora, quae aliquamdiu igne sunt torrenda, quo facultate illa mantentur, eam post aliquod tempus perdunt; alia tamen aliis ocyus. Nam in colophonia manet multis annis, in gummi Arabico vix vltra sex dies, in pane vix vnico die. Potest tamen noua calefactione, licet non sola, verum etiam colloca-tione in luce diurna, facultas phosphora in his corporibus instaurari. Etsi enim calces spathorum, lapidum specularium, phosphorus BALDUINI, qui postquam quindecim aut viginti dies in tenebris iacuerunt, non amplius nitent, supra calidam fornacem ponantur in loco obscuro: non recuperabunt tamen lucendi facultatem; at, vbi tribus quatuorue diebus lumini solis expositi et deinceps supra fornacem calidam

p. 695. positi fuerint, denuo lucebunt. „An igitur, inquit Auctor, corpora lumen expellunt? aut an lumen sponte auolat, etiam aequilibrium affectans? aut an humor in aere natans lumen suffocat in corporibus, quae ingreditur? et an ideo, humore expulso, lumen rursus potari, et calore agitari potest, quo fit, vt corpora denuo niteant? Ob quam causam nonnulla corpora lumini diurno, solis, fociue vistorii exposita, in tenebris non nitent, quum tamen igne imbui possunt copioso, a quo tandem ad nitorem redigun-

rediguntur? videtur hoc pendere a peculiari partium fabrica nondum cognita, qua lumini resistunt, igni resistere nequeunt; vel lumen suffocant, aut inordinato motu expellunt, aut quod prius humor igne expellendus sit, ut lucem potent, expellant, niteant. Sed an corpora, de quibus huc usque egi, et quae in tenebris nitent, lumen quidem imbibunt? an non nitent proprio et naturali sibi lumine, quod quietum non nitet, sed tantum a lumine solis agitur, adeo ut excitatum nitere incipiat? huic sententiae fauere videntur experimenta DUFAYI*, qui lucem solis, prisma separata in radios coloratos, direxit in lapidem Bononiensem, qui ad fulgorem excitatus luce quidem nituit, sed non illa colorata luce, quae in lapidem inciderat. Quum tamen experimenta haec non sunt obseruata methodo accuratissima BECCARII: forte error commissus est; ideo incerta huc usque sententia. Attamen non caret verisimilitudine, corpora attrahere lumen, idque vel constantius retinere, vel ocys amittere, amisso lumine non nitere, sed lumen tamen iterum imbibiri posse, quamdiu partes corporum eiusdem tenuitatis, mobilitatis, siccitatis manent.,,

Praeter haec duo noua capita plurimas alias accessiones passim factas esse videmus. Insigniter auctum est caput de electricitate. Fluidum electricum partim effluere e corpore electrificato, partim ad illud eodem tempore affluere iuxta lineas rectas, cum Cl. NOLLETO statuit Auctor; et FRANKLINI p. 277. distinctionem inter electricitatem posituiam ac negatiuiam admitti quidem posse putat, quatenus positiua denotet electricitatem alicuius corporis naturali sua electricitate maiorem, et negatiua denotet mino-

*) Journal des Scayans. 1690.

- minorem, sed duas diuersas species electricitatis dari, his vocabulis compellandas, negat; neque experimentis in Turmalino lapide captis has species
- p. 287. stabiliri concedit, sed potius ex illis colligit, etiam in hoc lapide electricitatem in duplici et aduerso fluxu fluidi consistere. Dubitare etiam nunc videtur Auctor, an distinctionem inter electricitatem vitre-
- p. 285. am et resinofam admitti oporteat. Existimat, plures esse posse electricitatis species, licet eae in genere conueniant; posse enim effluuia electrica differre mistura variarum coniunctarum partium, crassitie, densitate, rapiditate, maiori vel minori obhaerescencia in corporibus, tum aliis adhuc incompertis qualitatibus. Sane electricitatem piscis gymnoti seu torpedinis differre ab electricitate vul-
- p. 289. gari affirmat. De electricitate atmosphaerae varia affert experimenta, digna quae leguntur; et hunc
- p. 296. locum sequentibus verbis absoluit. „An ex his observationibus tuto colligi non potest, electricitatem non semper per atmosphaeram aeream vbiuis terrarum esse aequabiliter distributam? sed plerumque in plagis editioribus esse copiosiore, licet in iis aer sit rarior. Et annon ex loco in locum fluit electricitas, instar venti, sed irregulariter flantis, et circumnectit nonnulla corpora in coelo natantia largius, vti nubes atras, alia parcius, vti nubes albas? Et annon interdum in atmosphaera sunt plagae aliquo tempore electricitatis expertes, quae deinde iterum implentur? vbinam est scaturigo electricitatis, an in terrae visceribus, an in quadam regione atmosphaerae aereae? hoc hucusque bene exploratum non est; licet non negem, plurimis, si non omnibus corporibus, quae iacent in areae solo, electricitatem inesse, et ingredi in machinas et instrumenta, quae teruntur: attamen maior est eius copia, quando machinae stant in pavimentis ligneis, eleua-

eleuatis, et sub quibus est magna cauitas, quae aerem continet in massa notabili, quam quum stant in solo terrestri vel lapideo., Sub finem huius ca- p. 313.
pitis Auctor ex omnibus antea expositis experimen- tis concludit, fluidum electricum esse ab aere crasso, igne, et luce prorsus diuersum, et tamen admodum vniuersale, distributum per atmosphaeram et cor- pora terrestria, per quorum multa magna cum faci- litate et pernecitate perfluat, esse per se odorum, et posse de loco in locum moueri, colligique ad cor- pora per se electrica fricata, et ab iis vicissim re- pelli, saepiusque, si non semper, aequilibrium affe- ctare. Haec certa esse dicit; incertum autem ad- huc esse, vtrum fluidum electricum per se luceat, an lucem in atmosphaera latentem secum tantum p. 314.
abripiat, et vtrum per se habeat saporem acidum, an ille debeatur particulis, quas fluidum hoc ex cor- poribus abripere nonnulla experimenta docent.
„Quoniam autem, inquit, fluidum electricum con- stat ex corpusculis admodum tenuibus, et parui in hac doctrina facti hucusque sunt progressus, asseri nequit, quid et quale sit; ideo iudicium suspendisse praestabit, donec ab experientia plura detecta erunt; non enim est adeo simplex in potentiis rerum na- tura, quemadmodum supponi solet a Philosophis, ad finem promouere scientiam leui opera festinan- tibus. Nullus dubito, quin, quando electricitas magis erit cognita et culta, hoc caput ad multo ma- iorem simplicitatem, et in meliorem ordinem, et ad vniuersales regulas redigi poterit; quum nobis, non socordibus, sed excitatis ad veri inuestigandi cupiditatem, nunc modo phaenomena, colligere contigit., Ceterum de vi medica electricitatis pa- rum admodum sperat Auctor. Ipse in sex homini- p. 316.
bus periculum fecit, quid haec vis posset contra amaurosin, surditatem, paralyin, otalgiam, vel odon-

odontalgiam: verum nullam opem his aegris ferre potuit. Quin semet ipsum in proprio corpore noxas electricitatis ter esse expertum scribit, quum paullo maiore in experimentis electricis capiendis diligentia in febrem vehementem inciderit. Quae res, si qua omnino culpa in electricitatem coniicienda sit, maximam tamen partem peculiari, quae Auctori fuit, constitutioni corporis imputanda esse videtur. Nouimus enim haud paucos, qui per longum tempus fere quotidie corpora electrica sine villo valetudinis incommodo tractarunt.

In Cap. XXVI. tabula exhibita est, grauitates specificas corporum tam solidorum quam liquidorum continens, longe amplior vlla, quam nos adhuc p. 536. vidisse meminimus. De hac monet ipse Auctor, eam quidem non perfectam esse, tum quod non omnia corpora examinauerit, tum quod ad coeli calorem et ponderis atmosphaerici discrimina non semper attenderit (factae autem sunt librationes partim mense aprili, partim mensibus iulio et augusto); attamen pensionum accurationi tantopere sese studuisse, vt maiori cum cura aliam eiusmodi tabulam vnquam constructum iri dubitet. Accesserunt etiam huic capiti variae obseruationes de grauitate specifica corporis misti e massis, quae inter commiscendum aut se mutuo penetrant, aut calefiunt.


p. 593. In Capite XXVII. de aqua Auctor longe fusius de glacie differuit, et nunc, a BOERHAAVIO secedens, illis se adiunxit, qui aquam saepe repetita destillatione in terram conuerti posse statuunt.

Caput XXXIV. de coloribus, in locis de annulis versicoloribus inter laminas vitreas sibi mutuo impositas, et de principiis artis tinctoriae haud spernenda augmenta nactum est.

In capitibus XXXV et XXXVI de fabrica oculi, et de visione Auctor plenius et accuratius, quam antea, scripsit, adiutus in posteriori IURINI tentamine de visione distincta, in priori ZINNII commentatione, et Cl. ALBINI doctrina, a quo etiam iconem in Tab. XLI. quae sectionem oculi per axem refert, se accepisse profitetur. Ad difficilem illam quaestionem, quomodo in oculo contingant mutationes ad distinctam rei nunc eminus, nunc cominus conspectae in tunica retina delineationem necessariae, aliter, quam olim, sed dubitanter, respondet. Processus ciliares non amplius idoneos agnoscit, figurae vel loco lentis crystallinae mutando, cum nec musculosi sint, nec suas extremitates capsulae lentis infixas habeant. Potissimas autem in hoc negotio partes tribuit ipsi anteriori membranae crassae et elasticae huius capsulae, et zonae ciliaris, quam etiam coronam ciliarem vocant, hoc est, membrulae peculiari, quae ab anteriori parte tunicae humoris vitrei orta inter illum et pigmentum nigrum ligamenti ciliaris progreditur, et conuexitati anteriori capsulae lentis immittitur, et cui ligamentum ciliare ope glutinis tenacis potius, quam vera cellulositate, firmiter tamen, est coniunctum. Tensis hac zona et membrana capsulae lentis anteriore, lens premitur in humorem vitreum, et propius ad-mouetur retinae, relaxatis, humor vitreus, a tunicis oculi compressus, repellit lentem antrorsum, et lens simul aqueum humorem versus corneam propellit, eamque gibbosiores reddit. Sed quia lens crystallina per $\frac{87}{100}$ poll. mouenda est, vt res exigua in distantia 6 poll. et in distantia 14 ped. et 5 poll. aequae distincte videatur, lens autem, etiamsi tota vitrei humoris fouea, in qua sedet, applanetur, non nisi per spatium $\frac{62}{100}$ pollicis, dimidiae suae crassitiei aequale, antrorsum moueri potest: necesse est, figu-

ram quoque lentis mutari, et intuentibus propinqua anticam lentis superficiem conuexiorem, postp. 760. cam minus conuexam euadere. Hanc vero figurae mutationem etiam naturae elasticae et musculosae zonae ciliaris, et anterioris partis arachnoideae deberi, suspicatur; tensione enim earum lentem apprimi vehementer ad vitreum, ideoque huius resistentia planiorem illam reddi, expulso e vesiculis inter membranas, ex quibus ilens constat, humore; hoc humore, quippe incondensabili, forsan propelli limbum capsulae lentis in canalem PETITI vacuum et dilatabilem, ita ut hic ipse humor interea, dum lentis figura restituitur, a canali illo recipiatur, limbo tamen capsulae inclusus; deinceps autem arachnoidea sese relaxante, figuram lentis tum elasticitate lamellarum suarum restaurari, tum refluxu istius humoris in cellulas suas inter membranas lentis.

Nimis longi essemus, si cuncta in sequentibus capitibus vel mutata in melius, vel amplificata, vel recens adiecta indicare vellemus. Sufficiunt haec nus dicta, ut Lectores praestantiam huius operis prae antecedentibus Auctoris de eodem argumento libris intelligant. Et sane videtur nobis hoc opus omnibus, qui in scientiae naturalis adyta penetrare cupiunt, vehementer commendandum, tanquam repertorium plerorumque omnium, quae in illa haecenus inuenta sunt, et tanquam index multorum, quae in eadem adhuc incerta sunt, et posterorum perspicaci industriae relictæ.



XXXVII.

Mercurii sublimati vindiciae. GERVASII ER-
NESTI ZANNINI Phil. et Med. Doct. dis-
serta epistola ad illustr. D. Baronem GERAR-
DUM VAN SWIETEN etc. Romae ex ty-
pogr. Komarek apud ianuam parvam S. Mar-
celli. 1761. 4. pl. 3¹.

Mercurius sublimatus, cuius vsus ab Ill. VAN
SWIETEN restitutus et a plurimis medicis
adeo commendatus est, etiam sua habet fata, siqui-
dem et ab aliis contemptus et pro nociuo medica-
mine habitus est, immo et Romae suspectus fieri
coepit. Ibi enim vir, violenta cordis palpitatione
cum spirandi difficultate laborans, cui Cl. BASSA-
NUS, inscio BONELLO, altero medico, qui curam
eius prius iam habuerat, accedente oedemate mercu-
rium sublimatum dederat, postquam per decem eum
assumerat dies, subito conuulsus obiit. Cl. BONEL-
LUS sectionem cadaueris instituit; neglecta capitis
disquisitione, cordis auriculam dextram naturali la-
torem, pericardium aqua oppletum, oesophagum,
ventriculum et intestina tenuia inflammata, erosa,
nigra, gangraenosa et sphacelata reperit, atque va-
ria hanc ob rem diulgauit scripta, in quibus affir-
mauit: 1) mercurium corrosiuum morbo huic non
conuenisse; 2) iusto largiori dosi et incaute fuisse
adhibitum; 3) causam fuisse erosionis, gangraenae
ipsiusque mortis. Hinc commotus est Noster, mer-
curii sublimati agere causam, qua in re ita versatur,
vt praemissis iis, quae ad hunc casum faciunt, de-
nuo epicrisin suam obiectionibus Cl. BONELLI ac-
commodatam addat. Existimat itaque, stante mer-
curii sublimati vsu, plurimis experimentis probato,
sequi, aut BASSANUM sublimatum non caute de-
disse,

p. 9.

disse, aut BONELLI in dissecto cadauere obseruata manca fuisse, atque putat, circa eius vsum necessarium esse considerari et indolem morbi et modum eum propinandi. Ad primam BONELLI obiectionem dubie respondet, et an BASSANUS in hoc morbo, cuius diagnosi dubia et incerta neque ex symptomatibus definienda erat, aegro mercurium recte dederit, anceps haeret Cl. Auctor, propter dosin vero et methodum, qua aegro sublimatus propinatus est, cum a consueto more vix recesserit

P. 18. BASSANUS, eum taxari haud posse censet. Ad tertiam BONELLI obiectionem, gangraena scilicet periisse aegrum, varia de sectione monet Noster, et coniicit, intestina, non deterfa, ab assumpto quotidie syrupo violaceo fuisse tincta, aut etiam mercurio vel incipiente corruptione, siquidem aestiuo tempore post 30 demum horas sectio facta est, sanguinem resolutum esse, vnde quasi gangraenosa et sphacellata apparuerint; vt venenum vero hoc in casu haberi posse mercurium sublimatum, negat, atque concludit, quia de nullo inflammationis sensu aut dolore conquestus est aeger, neque symptomata venenis pereuntibus consueta habuit, illum, quam diu vixerit, gangraena non laborasse neque ea periisse, huncque exitiosum effectum neutiquam mercurio sublimato tribui posse, Cl. BONELLUM autem, vel cautiones quasdam in sectione omisisse, vel praecipitanter nimis in assumpta intestinorum gangraena a sublimato egisse, atque aliam forte morbi mortisque causam in capite, nisi eius neglecta esset sectio, detexisse; potius videri, obseruatam latiore cordis auriculam dextram et ventriculum atque aquam in pericardio collectam in causa fuisse, quod aeger, suppresso cordis motu, suffocatus aut conuulsiva cordis palpitatione obierit.

XXXVIII.

D. CHRISTIANI GOTTLIEB LUDWIG, Ord.
Med. in Acad. Lips. Decani, Institutiones
medicinae forensis praelectionibus academi-
cis accommodatae. Lipsiae, in officina li-
braria Gleditschiana. 1765. 8. pl. II.

Vt varios libellos ad systema medicinae perti-
nentes, praelectionibus academicis accommo-
datos, nobis haecenus exhibuit Cl. Auctor, sic nunc
in medicina forensi ultimum tradit. Cum vero or-
dinem doctrinarum a Cl. HEBENSTREIT in *anthro-*
pologia forensi assumtum institutioni conuenientem
iudicaret, illum quoque quoad capita primaria se-
quutus est, et tantum passim in doctrinis singula-
ribus mutauit. Licet autem res propositas tantum
succincte, vt libelli ratio exigit, indicauerit, nec am-
pliori explicatione illustrauerit: nihil tamen, quod
ad institutionem pertinet, neglexit, sed omnia argu-
menta, quae in medicina forensi agitata et in scho-
lis explicanda sunt, tradere annisus est.

Ordinem autem doctrinae sequens tabula sistit.

Pars I. De officio medici in republica ordinanda.

Cap. I. de cura nascituri et neonati.

II. de causis sanitatis publicae ordinandis.

III. de ordinandis conualescendi subsidiis.

IV. de cauendis morbis vniuersalibus.

V. de cura mortuorum.

Pars II. de officio medici in legibus interpretandis.

Tractatio I. de quaestionibus iuris ciuilibus.

Cap. I. de priuilegiis grauidarum.

II. de partu legitimo.

III. de aetatum priuilegiis.

IV. de simulatione et dissimulatione mor-
borum.

V. de foetris.

Traſtatio II. de quaeflionibus iuris criminalis.

Cap. I. de certitudine facti phyſico-medica.

II. de laefionibus, morborum et mortis cauſſis.

Seſſio 1. de lethalitatis idea et diſtinctione.

2. de infanticidio.

3. de vulneribus capitis et colli.

4. de vulneribus thoracis.

5. de vulneribus abdominis.

6. de vulneribus externarum partium.

7. de inepta medendi ratione.

Cap. III. de veritatis eruendae rationibus.

IV. de poenis afflictiuis corporum.

V. de excuſationum rationibus medicis.

Traſtatio III. de quaeflionibus iuris eccleſiaſtici.

Cap. I. de diuortiorum rationibus phyſicis.

II. de dubiis circa baptiſma monſtroſi foetus quaeflionibus.

Dabimus nunc ſparſim ſelectas doctrinas, ex
p. 8. quibus ſpecialis idea operis patet. Ad copiam ciuium in republica conſeruandam et augendam apta ſunt ſanitatis publicae praefidia, per quae incolae non tantum incolumes reſtant, ſed vegeti etiam parentes ex rite ordinata, caſta, et moderata venere, progeniem ſanam et numeroſam exhibent, quae inter eos, qui ruri viuunt et exercitata corpora habent, magis, quam inter eos, qui in vrbibus populioſioribus deſidia et luxu infirmantur, quaerenda eſt. Spuria ideo genus humanum multiplicandi ſubſidia dicit Auſtor polygamiam, praematura coniugia et inordinatam venerem.

p. 12. A foemina ad obſtetricis munus initianda exigit, vt ſit mediae aetatis, puerperium aliquoties ipſa experta, corpore vegeto et animo ad res diiudicandas inſtructa, quae, quando peritiae ſuae nonnulla exhibuit ſpecimina, a medico phyſico vel obſtetricio inſti-

instituenda et examinanda est, quo partium in partu concurrentium fabricam et actionem, vteri grauidi mutationes et foetum cum secundinis cognoscat, ideoque non tantum partus naturalis progressum, sed etiam situm infantis praeternaturalem diiudicet, et ad obliquitatem capitis dirigendam, et foetum, si necessitas id ita exigat, inuertendum, apta sit. Reliquae enim res, et quae ferramentis efficiendae sunt, medicis obstetriciis relinquuntur.

In causis sanitatis publicae ordinandis ea, quae p. 14. ad rerum non naturalium dictarum rationem in vniuersum pertinent, Auctor expendit, quatenus nimirum a principe et magistratus directione pendent. Hinc climatis correctionem fieri asserit, si vmbrosae et nimis humidae syluae excinduntur, aquae ad ostia fluminum stagnantes fossis deriuantur, et aggeribus coercentur, paludes exsiccantur, cet. Sic de p. 17. cura aquarum agens monet, puteos in vrbibus populosioribus effodiendos ad bonitatem viuae scaturiginis accedere posse, dummodo aquae in iis stagnando non corrumpantur, accessus aquarum impurarum per strata vliginosa et turfacea argilla circumposita arceantur, nec ex cloacis et impurae aquae ductibus spurcus affluat humor.

In conualescendi subsidiis de rite constituendis p. 19. medicis, chirurgis et pharmacopoeis tractat, variaque monita addit. Simili ratione in cauendis p. 27. morbis vniuersalibus praecipue de contagiosis agit, et de auxiliis in peste, a magistratu potissimum ordinandis, fusius differit, et nonnulla de peste bouum subiungit.

Partum legitimum nouem a conceptione mensi- p. 39. bus absolutis assumendum esse dicit; sed intelligit menses solares. Cum autem nonnulli ad decimum mensem, immo ad initia vndecimi, tempora partus legitimi extendant: priores quidem menses lunares

synodicos intelligunt, quae orientalium populorum et forte HIPPOCRATIS numerandi ratio erat, posteriores menses periodicos lunares assumere videntur, et ideo decem menses solares et septem circiter dies numerant, quibus praemissis in causas partus praecocis et serioris inquit, quo et in his legitimus partus definiatur, tandem de monstroso et supposititio foetu agit.

P. 58. De certitudine facti physico-medica differens, corporis delicti ceu rei corporeae sensibus definiendae rationem declarat, et, quomodo in illud inquirendum sit, praecipit. Ostendit itaque inprimis, quando inspectio cadaueris sufficiat, et quando ipsa dissectio forensis instituenda sit, et huius rationem in vniuersum declarat; variisque exemplis illustrat, inprimis vero officium iudicis, medici et chirurgi in dissectionibus cadauerum corpus delicti constituentium describit.

P. 73. Lethalitatis idea difficile euoluitur. Cum varia sit ad mortem via, ea quidem ex laesione violenta repeti debet; cum autem interea auxilia non desint laeso applicanda, non tantum noxa, sed etiam omissio auxiliorum attendenda est. Minime tamen in lethalitate declaranda de omissione auxiliorum tantum, sed et de laesionis primae effectibus vna serie deductis nec infringendis cogitandum, ideoque ad tria potissimum momenta respiciendum est: ad lethalitatem absolutam siue certam vitae iacturam ex laesione pendentem; ad accidentalem ex aliis simul causis concurrentibus enatam; ad morbum aliquem coniunctum; quae quidem diiudicandi rationes multis exemplis declarantur, in quibus ad actionum laesarum corporis differentiam, ad mortem subitanam; ad exempla curationis laesionum et alia respicitur, quae lethalitatis gradus recte definiunt.

In infanticidio declarando Cl. Auctor abortus et p. 84. praematurae foetus exclusionis causas examinat, paulo post quaestiones de ignoratione grauiditatis, de impossibilitate auxilii in partu accipiendi, et ignorantia subsidiorum vitae foetus post partum conseruandae expendit, quaedam etiam de inquisitione matris, quae peperit, inspergit, deinde de foetu ante vel in ipso partu, vel post eundem mortuo differit, et hac in re potissimum ad pulmones ceu respirationis organum respicit, tandem vero causas mortis in haemorrhagia, quae ex funiculi umbilicalis laesione et neglecta deligatione pendet, et ex vasorum vacuitate cognoscitur, vel in aliis laesionibus mortiferis, ex quibus etiam suffocatio est, diiudicat.

Cum pulmones in aqua subsidentes vel super- p. 96. natantes vt certissima signa foetus ante partum vel post partum mortui vel viui assumat Noster, fallacias, quae subesse possent, remouere annititur. Clauso adhuc vtero aerem elasticum intrare posse negat, et porro monet, in ipso partus actu naturali, qualis clandestinus est, foetum respirare non posse, cum in eo os infantis vteri orificio aperto nunquam obuertatur, et licet aer accesserit, tamen expansio thoracis, quae ad respirationem veram pertinet, in vtero nunquam succedit. Inflatio aeris violenta, si quae euenerit, experimentum non confundit, quod illa per testes comprobanda est. Putredo cadaueris externa saepe pulmones non tangit, quod si vero et hi putredine affecti sint, experientia tamen constat, illos, nisi aer elasticus respiratione vera accesserit, in aquis subsidere. Concedit tamen Cl. Auctor, in summo putredinis statu ex pulmonum experimento tunc ad vitae praesentiam vel absentiam tuto concludi non posse.

p. 104. Color rubicundus ossium bregmatis et vicinorum, et feri sanguinolenti sub his et dura matre effusio, mortem violentam non indicat, cum haec mutatio in partu etiam difficili eueniat; nisi igitur grauiora violentiae externae et effusionis sanguinis signa adsint, violenta mortis ratio non euinci potest.

p. 107. Ossium caluam constituentium laesiones et fracturae per se nullam lethalitatem habent, cum ossis frontis superioris et parietalium fracturae a chirurgis attente disquiri, et incommoda inde nata remoueri possint; semper ideo ad mutationes ex fractura in encephalo natas respiciendum est. Pars ossis ablata, vulnus amplum ad duram matrem vsque penetrans, vel fracturae apertae, ex quibus partes eximi et humor extrauasatus tolli potest, saepe minus periculi inferunt, quam concussio. Laesiones durae et piaae matris et substantiae cerebri corrigi possunt, sed humores in cauis cerebri extrauasati, vel ad basin caluae delati, lethalitatem inferunt, nisi forte exigua portio, resorptione remouenda, exceptionem faciat.

p. 116. Suffocationis disquisitio difficilis est, cum in apoplecticis et catarrho suffocatio oppressis eadem ferme signa occurrant. Auricula enim cordis et ventriculus anterior intumescunt, et praeter stasim sanguinis in variis corporis partibus venae iugulares et vasa piaae matris vehementer turgent. Variis igitur suffocationis modis disquisitis, quaestiones quasdam dubias resolvere tentat Noster.

p. 118. Ex aqua eductis et mortuis visis etiam auxilium afferendum est. Non conuenit corpora inuertere vel nimium agitare et circumuoluere, licet hae agitationes circulum humorum restituere videantur. Blanda igitur agitatione partium et inprimis leniore frictione thoracis et abdominis in loco temperato
et

et sub stragulis modice calidis circulus humorum denuo cieatur. Vapores irritantes, vt herbae nico-
tianae fumus, faucibus et ano inflentur, fauces et
nares plumula irritentur, quo aqua, forte ingurgi-
tata, vomitu reiiciatur, corpore non nihil calefacto
iugularis venae incisio suadenda est.

Ventriculus in superficie superiori, loco non
nihil a curvatura magna distante, vulnere laesus in-
terdum curationem admittit. Contusiones validae,
quibus inflammatio et gangraena mouentur, laesio
vasorum maiorum in curvatura magna excurren-
tium, duplex vulnus ventriculi vtrumque parietem
perfodiens, nec non vulnus ad cardiam deductum
maiores attentionem exigunt, et absolutam saepe
lethalitatem inferunt.

Veneni sumti vel dati suspicio sectionem lega- p. 126.
lem vrget, si sine violentiae externae vel morbi
praegressi signis subitanea mors sequitur, si in mori-
bundo spasmi et dolores vehementes canalem inte-
stinorum afficiunt, si sitis clamosa, nausea, vomitus
et cholera vrgent, si animi deliquia vel inflammatio-
nis signa, vel conuulsiones vniuersales oriuntur.
Augetur suspicio, si post mortem abdomen subito
intumescit, et alia putredinis signa in faucibus et
vniuerso corpore se produnt. Veneni tamen effe-
ctus non certo euincitur, nisi in canali alimentorum
et venenum praesens et aliae laesiones deprehen-
dantur.

Philtrea, ad venena vt plurimum relata, vt medica p. 130.
menta, quae sua indole amorem immoderatum,
morali correctione non mutandum, excitant, Cl.
Auctor non concedit, licet vehementes animi affe-
ctus ideoque etiam amorem ad melancholiam et
maniam disponere, et medicamenta sic dicta aphro-
disiaca ob nutrientem et calidam indolem malum
hoc physicum augere posse, non neget. Si igitur
ex

ex alimento vel medicamento cum animi contentione dato et sumto laesa phantasia magis corrumpitur, et morbi illi augmentur, laedens qualitas ex solis causis physicis diiudicanda, et, si haec deprehenditur, interdum ad venena reducenda est.

p. 137. Si medicus venena miscet et alia instrumenta artis suae in perniciem hominum consulto dirigit, in eum, non ut medicum, sed alium quemlibet vitae humanae insidias fruentem inquirendum est; si vero efficacissimis medicamentis mercurialibus et arsenicalibus usus est, et tentaminis rationem ex causis physicis tradit, tunc effectus funestus a medicis rationalibus ex suis causis diiudicandus, et medicus, qui experimenta per mortes egit, puniendus est.

p. 139. In veritatis eruendae rationibus quaestio, num veritas facti per torturam eruenda sit? decisioni iureconsultorum permittitur: declarantur tamen torturae gradus ex principiis physicis, quatenus dolores varios excitant, et limitationes in ea applicanda inde deriuantur.

p. 146. Qui ad ultimum supplicium ducendi sunt, a morbo grauiori liberi sint, et licet leuiiores morbi v. c. dolores capitis et dentium, vel chronici morbi, ut scabies et lues venerea, dilationem supplicii non exigant: febres tamen acutae vehementi paroxysmo faeuientes, et perturbatus animi status diem poenae differre iubent, cum in moribundo vera animi praesentia et constantia requiratur, quo poenae grauitatem sentiat, et solatio religionis in ultimo vitae termino fruatur.

p. 149. In excusationibus reorum, quae ab animi statu petuntur, causae morales quidem negligendae non sunt, semper tamen et praecipue ad causas physicas respiciendum est. Animi affectus vehementes non excusant, nisi ad deliria et animi alienationem usque inten-

intendantur; si hoc ex aliis actionibus, ad delictum non pertinentibus, declaratur; si nulla causa moralis, ut praecipua, adduci potest; si quaedam aegroti corporis signa ex causis et effectibus declarantur, excusatio legitima est; tunc vero defensor seriem actionum susceptarum perpendat et ostendat, auctorem alicuius facti et ante scelus perpetratum, et in ipso actu, et post perpetratum facinus verae melancholiae indicia exhibuisse.

Diuortiorum rationes ex iis causis peti debent, p. 155. quae procreationem sobolis impediunt, alter enim finis matrimonii, mutuum adiutorium, medici attentionem non exigit, extinctionem libidinis ut tertium finem defendi non posse Cl. Auctor existimat, cum stimuli veneris nimii et inordinati in utroque sexu morbofi potius, quam naturales sint, et coniugio concessio vix reprimantur, sed illud vel ex una vel altera parte ingratum et sanitati exitiosum reddant.

XXXIX.

Noua physico - medica.

Traſtatio, quam Regia Chirurgorum Academia *Parisina* hoc anno promiferat praemio ornare *), ſtabilire debebat theoriam contraſſurarum, quae ſunt in laeſionibus capitis, et inde eruere ea, quae ad praxin prodeſſent (*établir la theorie des Contre-coups dans les leſions de la tête et les conſequences pratiques, qu'on peut en tirer*). Commentarii autem, quos hac de re Academia accepit, nuper in conuentu publico, die 10 menſis aprilis huius anni 1766 celebrato, diſquiſiti ſunt, et omnium praemio digniſſimus is iudicatus eſt, cuius Auctor erat Cl.

GRIMA,

*) vid. Comment. hor. Vol. X. p. 167.

GRIMA, Chirurgus Primarius ordinis equestris Melitenfis. Praemium moneta est aurea quingentarum librarum Gallicarum (500 livres). Secundum vero praemium, quod *Prix d'emulation* appellatur, et moneta esse solet ducentarum librarum, reportavit Cl. SAUCEROTTE, Chirurgus Lunauillensis. Praeter ea quinque alias minoris pretii monetas eadem de causa Academia distribuit.

Academia vero Electoralis *Theodoro-Palatina*, quamvis super propositis quaestionibus oeconomicis secundi ordinis ei multi traditi sint commentarii, nulli tamen eorum potuit adiudicare praemium. Etsi enim inter eos essent quidam, qui Academiae assensum promereri viderentur, quum vero in vtraque re proponenda scriptores omisissent, quod vel imprimis Academia vrserat, rationem habere Palatinatus: ea satius duxit et in conuentu publico die 17 mensis aprilis huius anni constituit, quaestionibus his denuo praemium, quod moneta est aurea quinque et viginti numorum aureorum Belgicorum, proponere. Nouos autem, qui eum in finem conscripti fuerint, commentarios expectat Academia ante finem sequentis anni 1767. Alteram vero quaestionem de margae vsu ad agros fertiliores reddendos, et de ea in Palatinatu inuenienda quaerendaque; alteram vero de apium cultura ibidem augenda agere, alio tempore *) iam narrauimus.

Quae *Berolini* constituta est Regia Scientiarum elegantiorumque literarum Academia, nuperrime die 7 mensis iunii in publico conuentu de eo decreuit themate, quod ex aliquot annis iam propositum et ex praecedenti in hunc dilatum fuerat **). Ex
omni-

*) vid. Comment. hor. Vol. XII. p. 163.

**) Vol. XI. p. 165.

omnibus commentariis ille praemio dignus habitus est, cui addita erant haec verba: *similia similibus gaudent*. Resignata vero schedula nomen continebat DURADE Parisiensis.

Regia etiam Scientiarum Societas *Monspeliensis* die 23 mensis aprilis publicum celebrauit conuentum, in quo declarauit, se illud praemium, quod Cl. SAUMIER, supplicum libellorum magister et Societatis huius membrum, vt appellant, liberum testamento olim legauit, illi esse exhibituram, qui *indicauerit optimum modum exprimendi oleum ex oliuis*, et qui *simul ex physicis rationibus demonstrauerit, quomodo illud rancidum fiat, et remedium vitii huius praeuendi et tollendi*. Die vltimo mensis aprilis anni demum sequentis 1767 praemium, monetam nimirum pretii trecentarum librarum Gallicarum, merenti addicet Academia.

Societas quoque oeconomica *Bernensis* praecedenti anno praemium aliquod, viginti numorum aureorum Hollandicorum, destinauerat optimae responsioni quaestionis huius, *quae essent certissima adminicula, quibus vina Heluetica meliora possent reddi?* Illud nunc die 20 mensis martii huius anni Nobilem quendam virum, FELICEM A MURTEN, Centurionem, reportasse, legimus. Praeter hunc vero eandem rem optime explanauerat Vir Cl. BURGEOIS, Med. Doct. Ebrodunensis.

Hagae Comitum munus Professoris anatomiae, chirurgiae et artis obstetriciae, quo primum THOMAS SCHWENCKE et postea CONR. HENR. VELSE se abdicauerant, iam sub finem anni praecedentis traditum fuisse Cl. viro DOMINICO HUIBERS, Med. Doct. nuper demum per literas accepimus.

CONR.

CONR. H. VELSE vero a Sereniss. Principe Arau-
sionis Archiater electus est.

Halae Magdeburgicae munus Professoris physices
et mathematicum, quo I. IOACH. LANGIUS, cuius
mortem superius narrauimus, perfunctus est, IO-
ANNI PETRO EBERHARDO, medicinae antea
iam Professore Publ. Ordin. Acadd. Imperial. Natur-
curiosorum et Electoralis Moguntinae Socio, viro in
re physica aequae ac medica exercitatissimo atque
variis in vtraque doctrina scriptis claro, datum est;
vt adeoque Cl. EBERHARD nunc duplici praesit
muneri academico.

Berolinum nuperrime, die 9 mensis iunii, reliquit
LEONHARDUS EULER, Director et Professor
classis mathematicae Regiae scientiarum Berolinensis
et Imperialis Petropolitanae, aliarumque academia-
rum Socius, *Petropolinque* profectus est, vt apud Im-
perialem scientiarum Academiam munus ipsi con-
creditum adiret. Eum vterque filiorum suorum est
comitatus. In Berolinensi vero Academia eius suc-
cessor denominatus est inclytus vir, LUDOVICUS
DE LA GRANGE, Regiae Societatis Taurinensis
Socius ibidemque mathematicum Professor, quem,
accepta a Potentiss. Rege Sardiniae venia, iter sub
initium mensis augusti huius anni *Berolinum* susce-
pturum esse comperimus.

Parisina Academia Scientiarum magnam nuper
fecit iacturam morte IOANNIS HELLOTI, non
solum huius, sed et Londinensis Societatis membri.
Die etenim 15 mensis februarii huius anni aetate
confectus obiit Parisiis. Vir erat in chemicis do-
ctrinis versatissimus, quod ii testantur commentarii,
qui in variis Academiae scriptorum voluminibus
prostant,

prostant, inprimis vero singularis ille et vtilissimus *de arte tinctoria* conscriptus libellus. In eius locum vero, ad classem nimirum chemicam, iam die 23 mensis aprilis surrogatus et in sociorum numerum ab Academia receptus est Celebris Vir CADET, membrum Academiae Imper. Nat. Curiosorum, summus pharmacopoeiarum castrensium Gallicarum Praefectus.

Praeter HELLOTUM vero *Lutetia Parisiorum* tres alios amisit viros, quorum fama omnem implevit literarum orbem. Ibi enim iam circa finem praegressi anni mortuus est Celebris D' ARGENVILLE, Regiae Societatis Londinensis et Montispeffulanae Socius, cuius nomen inter eruditos non solum ob varia et splendida eius scripta, sed etiam, et inprimis ob museum suum rerum ex cunctis naturae regnis aliarumque e genere elegantiori petitarum refertissimum magnisque pecuniis collectum conservatumque quam maxime inclaruit. Plurima et praecipua earum rerum naturalium specimina continet et *Oryctologia* et *Conchyologia* ab eo edita.

Deinde *ibidem* die 14 mensis aprilis huius anni supremum obiit diem Cl. Vir, ANTONIUS PETIT, Ordinis summi Medicorum Parisiensis Doctor, et Principis Aureliensis Medicus Primarius, aetatis annum assequutus octuagesimum tertium.

In eodem aetatis anno et *ibidem* nuper IOANNES ASTRUC, Gallorum Regi a consiliis medicis, Regius medicinae Professor, Augusti II. Regis Poloniarum S. R. I. Electoris et Ducis Saxoniae, dum viueret, Archiater, e vita discessit. Quanta huius viri in artem medicam fuerint merita, non est, quod narremus. Vix inter tirones artis salutaris vllum esse arbitramur, quem ea lateant. Quouis modo,
 Tom. XIII. Pars II. Z docen-

docendo, scribendo et exercendo artis medicae fines extendere ad vltimum fere vitae halitum studebat, quod libri *de morbis mulierum*, cuius vltimi tomi praecedenti, et libellus *de arte obstetricia*, qui hoc ipso prodierunt anno, comprobant. Praeter hos vero illi libri, quos *de morbis venereis* conscripsit, memoriam nominis eius omni commendabunt posteritati. In eo forte quibusdam reprehendendus videatur, quod in notissima illa lite, quae ex aliquot annis in Gallia agitur, ex eorum fuerit numero, qui in variolarum insitionem acrius inueherentur eamque tollere allaborarent.

Luget etiam *Mons Pessula* ac omnis prouincia *Narbonensis* mortem ANTONII FIZES, Med. Doct. Consiliarii et Professoris Regii, viri nominis celebritate conspicui, qui sub finem praecedentis anni in vrbe hac, prouecta quidem aetate, maturius vero, quam incolae illius optauerant, obiit. In tota enim prouincia alter quasi habitus est Aesculapius. Variis, licet minoribus, inclaruit scriptis, quorum vero plurima in vnum volumen collecta sub indice *operum medicorum collectorum* ibidem 1742 prodire.

Grauitur etiam tulit *Ravenna* mortem Ill. FRANCISCI GINANNI, Comitum Patricii Ravennensis, qui ibidem die 8 mensis martii huius anni, aetate vero quadraginta nouem annorum, obiit. Natus est die 13 mensis decembris 1716. In aula Serenissimi ANTONII FARNESII, Ducis Parmensis et Placentiae atque Serenissimae Ducis HENRICAE ATESTINAE educatus, praeter eas artes, quibus nobilis iuuentus solet institui, magna animi contentione et literas didicit elegantiores tantumque in iis profecit, vt in Societatem Arcadum reciperetur et ab aliis Academiis, vt Rauennensi *degl' Informi*, Foroliuensi *degl' Icneutici* et Perusiana sociis suis adscriberetur.

Maximo

Maximo tamen amore flagrauit doctrinarum physicarum mathematicarumque. Ipse vitris opticis poliendis, tubis opticis, globis et sphaeris mathematicis construendis, thermometris barometrisque conficiendis Rauennae operam dedit. Nec hospitem et peregrinum in historia naturali fuisse, praeter thesaurum rerum naturalium collectarum in museo suo conseruatum, scripta probant, quae partim ipse edidit, partim edenda curauit. Illius enim cura anno 1755 Patruī eius, IOSEPHI GINANNI, opera posthuma, quae plantas testaceaeque maris Adriatici continent, Venetiis prodierunt *). Ipse vero praeter minora quaedam scripta *de erucis* et *iis insectis, quae in plantis generantur*, iam dudum vulgata, nuperius anno 1759 praeclarum edidit opus *de morbis granorum tritici* **) et non nulla thesauri sui rerum naturalium specimina in tabulas aeneas curauit incidi adiectisque annotationibus anno 1760 ornauit. Etiam in scriniis suis latere dicitur *historia ciuilis aequae ac physico-oeconomica pineti Ravennensis*, quam propediem proditura esse magna facta est spes. Inde anno 1762 a Societate Regia, quae Parisiis floret et nomen ab agricultura gerit, anno 1765 a Societate oeconomica Bernensi, eodemque anno a Londinensi, in incrementum artium opificiorum mercaturaeque constituta, inter socios suos relatus est. Hic amor quoque literarum eum impulit, vt doctos viros liberalitate et beneficiis ornaret, vt adeoque non solum famam viri exquisita eruditione praediti, sed etiam gloriam fautoris promotorisque scientiarum sit consequutus.

Z 2

Laeti

*) Quorum pars prior, quae 1755 prodiit, in Commentar. horum Volumine V. pag. 109 sqq. breuiter disquisita est, alterius vero, quae ibidem 1757 edita est, mentio fiet in hor. Comment. Supplemento III.

**) vid. Comment. hor. Decad. I. Suppl. II. p. 313.

Laeti nuper ex relationibus publicis Danicis cognouimus, vnicum istum e societate, quam Potentissimus Rex Daniae in Asiam miserat, et quae tristissimis succubuit calamitatibus, superstitem Cl. NIEBUHR, saluum sospitemque sub finem praecedentis mensis februarii *Bagdadi in Diarbechia* commoratum esse, vnde nunc iter *Aleppum* versus meditari, vt itaque spes alatur, fore, vt coepti consilii fructus non prorsus pereant.

Pleraeque mutationes, quae in *Suecia* ex aliquo tempore acciderunt, eo referuntur, vt publicis in posterum parcatur expensis. Idem in *Academia Lundinensi in Scania* haud ita pridem factum esse relatum legimus. In hac enim, praeter munera professorum cuiuslibet ordinis academici ordinariorum, olim quatuor constituta erant loca professorum, vt dici solent, extraordinariorum, qui publico itidem nutriebantur stipendio. Vnus theologiae, alter chemiae, tertius oeconomiae et quartus naturali historiae erat destinatus. Vltimo tantum conseruato, reliqua tria ex concluso Senatus Regni Supremi nuper sunt sublata, ita, vt oeconomicae disciplinae simul commissae sint professori historiae naturalis, qui etiam meridionalium coloniarum habet curam. Chemiam vero in posterum docere iussi sunt professores et medicinae et physices experimentalis. Officia autem professoris theologiae extraordinarii reliquis theologiae et graecae linguae professoribus tradita sunt. Vniuersa itaque academia tribus et decem constat professoribus, quorum tres ad ordinem theologicum, vnus ad iuridicum, duo ad medicum et septem ad philosophicum pertinent. Iuris vero naturae et morum professor simul assessor est ordinis iuridici.

Quam-

Quamquam quibusdam in prouinciis de vtilitate infitionis variolarum magnus adhuc obtinet dissensus, eaque exitiosa, certe periculosa habetur: sunt tamen et aliae, vbi, dispulsis opinionum praeconceptorum tenebris, ea nunc magis magisque inclarescit. Huc *Sueciae* regnum imprimis referendum esse, praeter alia testimonia, id demonstrat, quod nuper viri isti, qui Regium Sanitatis Collegium constituunt, publicis in literis notum fecerunt: Se ordinasse et instituisse, vt gratis breui variolae inferi possent viginti infantibus, pecuniis ad id necessariis ex aerario publico defumtis, itaque veniam dare, vt parentes, opibus destituti, qui tamen et hac in re liberis suis consultum cupiunt, id beneficii petant et mature nomina sua profiteantur sciscitenturque, quo tempore ad hanc operationem vel praeparationem liberi sint mittendi.

Non sine ratione saepius botanicae cultoribus exprobratur, eos solummodo in contemplandis habitu, crescendi modo et similitudine plantarum, atque in earum systematibus excogitandis acquiescere, de vsu vero earum, qui in commune vitae commodum redundaret, vel omnino non, vel parum sollicitos esse, atque, etsi quid hac in re non nulli praestiterint, hoc tantum ad eas pertinere plantas, quae a medicis in officinis pharmaceuticis adhiberi solent. Et sane pauca sunt lustra, ex quibus demum de oeconomico singularum plantarum vsu non nulli agere coeperunt. Sed plurimae supersunt, quarum indoles ac vtilitas et adhuc ignota est. Huc sine dubio gramina referre conuenit. Vt enim eorum historia et systematica dispositio paullo difficilior est, sic quoque de singulorum eorum vtilitate, praestantia et noxa parum adhuc constat. Gramina in genere praecipuam esse pabuli, quo pecus delectatur, par-

tem, id fere vnicum est, quod de eorum vtilitate scitur; quum tamen certum sit, non nulla esse eorum genera, quibus ceu venenis omnia animalia abstinent: alia, quae quaedam tantummodo auersantur, ab aliis vero auide quaeruntur. Vtraque nosse, vbi opus est, haec ferere atque colere, illa vero extirpare, prudenti rerum oeconomicarum administratori decet. Quod vero fieri non posse, per se liquet, nisi iis hominibus aliqua subministretur cognitio. Praeterea gramina et in alios vsus cedunt; varia enim ex iis praeparantur opera et plexa et texta, quae vel commodo hominum vel ornatui inferuiunt; alia in arte tinctoria adhibentur, alia in officinas feruntur pharmaceuticas. Necesse itaque est, singula dignoscere et in suos vsus colligere, quod itidem perfectam eorum supponit cognitionem. Quum insuper libri, in quibus graminum historia tradita est, vel tanto pretio constent, vt a paucis acquiri possint, vel latina et iis conscripti linguis sint, quas ii plerumque non callent, qui in patria nostra rerum rusticarum curam gerunt; quum etiam libri vernacula conscripti, quorum numerus sane exiguus est, incompletas descriptiones, diffformesque contineant icones, fieri non potuit, quin eorum hucusque pene nullam habuerint intelligentiam. Omnem itaque laudem promereri videtur *graminum historiae botanico-oeconomicae completae* edendae consilium, quod iniit IOAN. CHRISTIANUS SCHREBER, M. D. et Societati oeconomicae Lipsiensi ab epistolis, vir, vt omni historia naturali, sic in primis scientia botanica instructissimus. Hoc opus, quod impensis bibliopolae Lipsiensis, SIEGFRIED LEBRECHT CRUSII, adornabitur, accuratas et ad naturae exemplar expressas continebit delineationes et descriptiones eorum graminum calamariarumque, quae in Europa et praecipue his in

terris

terris vel sponte proueniunt, vel sub dio coli possunt, iis generibus, quae in India reperiuntur, vel curiose in hybernaculis fouentur, in praesens relinquitis. Illud vero ita instituetur, ut, quantum fieri poterit, gramina integra iconibus fistantur, ubi eorum proceritas id impediet, radices saltim et spicae. Florum etiam fructuumque partes singulae, et, ubi exiguitas earum requirit, microscopio auctae delineabuntur. In descriptionibus vero specierum, quamquam breuitatis rationem habiturus est Auctor, nihil tamen eorum negligere spondet, quae ullo modo ad singulae speciei cognitionem et usum pertinere videantur. Per partes vero utile hoc opus, emtorum in gratiam, vulgare constitutum est, singulisque bimestribus binae prodibunt tabulae aeneae, cum earum explicatione, in forma, quam appellant, folio. Magna, qua pollet alter CRUSIUS, frater bibliopolae, in arte chalcographica dexteritas elegantissimas nos expectare iubet icones. Si qui forte essent, qui eas, viuis coloribus pictas cuperent, sciant, voluntati eorum fieri posse satis, modo per literas id aperiant. Proximis post festum S. Michaelis nundinis Lipsiensibus primae tabulae iam venibunt.

XL.

Index scriptorum physico - medicorum, quae anno 1763 prodierunt.

Auserlesene medicinisch - chirurgisch - anatomisch - chymisch und botanische Abhandlungen der Römisch Kayserl. Academie der Naturforscher. 12ter Theil. Nürnberg. 4. m. K.

Histoire de l'Academie Royale des Sciences. Année 1758; avec les Memoires de Mathematique et de Physique pour la meme année. a Paris. 4. c. tab. aen.
 -- Année 1761. ibid. 4. c. tab. aen.

Histoire de l' Académie Royale des Sciences. Année 1754. avec les Memoires de Mathematique et de Physique pour la meme Année. Nouvelle Centurie. Tome VII. VIII. a Amsterdam. 12. c. tab. aen. Voll. 2.

Memoires de Mathematique et de Physique, présentés a l' Académie Royale des Sciences, par divers Scavans, et lus dans ses Assemblées. Tome IV. a Paris. 4. c. tab. aen.

Philosophical Transactions, giving some Account of the present Undertakings, Studies, and Labours of the Ingenious, in many considerable Parts of the World. Vol. LII. Part. II. for the Year 1762. London. 4. c. tab. aen.

Verhandelingen uitgegeeven door de Hollandse Maatschappye der Weetenenschappen te Haarlem. Seevende Deel. te Haarlem. 8. c. tab. aen.

Kongl. Vetenskaps Academiens Handlingar för År. 1763. Vol. XXIV. i Stockholm. 8 mai. c. tab. aen.

Abhandlungen der Churfürstl. Bayrischen Academie der Wissenschaften. I. Band. 1 u. 2 Th. München. 4. m. K.

Gli Atti dell' Accademia delle Scienze di Siena, detta de Fiso critici. Tom. II. in Siena. 4 mai. c. tab. aen.

Noui Commentarii Academiae Scientiarum Imperialis Petropolitanae. Tomus VIII. pro annis 1760 et 1761. Petropoli. 4 mai. c. tab. aen.

Nuova Raccolta d' opusculi scientifici e filologici. Tom. X. in Venezia. 12.

Memoires et Observations recueillies par la Société oeconomique de Berne. Partie I. II. III. IV. pour l'année 1763. a Berne. 8.

The London Magazine for the Year 1763. Part. I. XII. London. 8.

The Gentleman's Magazine. Vol. XXXIII. for the Year 1763. Jan. - Dec. and Suppl. London. 8. c. tab. aen.

Hambur-

Hamburgisches Magazin der gesammelten Schriften aus der Naturforschung und den angenehmen Wissenschaften überhaupt. 26ter Band. Hamburg u. Leipzig. 8.

Fränkische Sammlungen von Anmerkungen aus der Naturlehre, Arzneygelahrheit, Oeconomie und den damit verwandten Wissenschaften. 37 und 38tes Stück. Nürnberg. 8.

Dresdnisches Magazin, oder Ausarbeitungen und Nachrichten zum Behuf der Naturlehre, der Arzneykunst, der Sitten und der schönen Wissenschaften. Des 2ten Bandes 6 und 7des Stück. Dresden und Warschau. 8.

Det Trondhiemske Selskab Skrifter, anden Deel. med. Kobber. Kiöbenhavn.

Voyage en France, en Italie, et aux Isles de l'Archipel, ou Lettres ecrites de plusieurs endroits de l'Europe et du Levant en 1760 etc. Avec des observations de l'Auteur sur les diverses Productions de la nature et de l'art. Ouvrage traduit de l'Anglois. a Paris. 12. Voll. 4.

Sammlung der besten Reisebeschreibungen in einem ausführlichen Auszuge, worinne eine genaue Nachricht von der Religion, Regierungsverfassung, Handlung, Sitten, natürlichen Geschichte und andern merkwürdigen Dingen verschiedner Länder und Völker gegeben wird. Aus dem engl. übersetzt. 1ster Band. m. Kupf. Berlin. 8.

Histoire naturelle generale et particuliere avec la Description du Cabinet du Roy. Tome X. a Paris. 4 mai. c. tab. aen.

Natuurlyke Historie of uit vörige Beschryving der Dieren, Planten en Mineraalen volgens het Zamenstel van den Heer LINNAEUS, met naaukeurige Afbeeldingen. Eerste Deels Vyfde Stuk; vervolg der Vogelen. t'Amsterdam. 8 mai. c. tab. aen.

Collection des differens morceaux sur l'histoire naturelle et civile des Pays du Nord, sur l'histoire

naturelle en general, sur d'autres sciences, sur differens arts, traduits de l'Allemand, du Sue-
dois, du Latin, avec des notes du traducteur par
Mr. DE KEBALIO, Aide maior a l'Ecole Royale
Militaire. Tome I. a Paris. 12. (*Promittuntur
octo Volumina*).

Dictionnaire portatif d'Histoire Naturelle, conte-
nant l'Histoire, la Description et les principales
Propriétés des Animaux, des Vegetaux et des Mi-
neraux, avec un Discours Philosophique sur la
methode de conduire son esprit dans l'etude de
l'Histoire Naturelle. Ouvrage utile aux Natura-
listes, aux Physiciens, aux Pharmaciens et a toute
personne, qui passe sa vie a la campagne. a Paris.
8. Voll. II.

Spektacle de la Nature. Nouvelle Edition. 12.
Voll. IX.

British Zoologie etc. Part. I. London. fol. c. tab.
aen. 25. viv. coloribus pictis.

Precis du l'Education des Vers a soie. a Tours. 8.
c. tab. aen. (*Auctore DU VERGE. Med. D.*)

Florae Danicae iconum fasciculus secundus, a Tabula
LXI-CXX. viuis coloribus pict. (*germanice et la-
tine*). Hafniae. fol.

Trattato sulla cognizione e coltura dei Giacinti.
Traduzion del FRANCESE, con figure in rame.
In Viterbo. 12.

Efterretnin og Erfaring om Svampe, i saer Rør-
Svampens velsmagende Bilse; med Kobber. Kiö-
benhavn. 4 mai. c. tab. aen. viu. coloribus pictis.
(*Ex dedicatione ad Comitissam DE SCHULIN ap-
paret, OTTONEM FRIDER. MÜLLER esse Au-
ctorem huius tractatus de fungis*).

Vollständige Abhandlung vom Wiesenbau, sowohl dem
natürlichen, als künstlichen, welcher unter Beschrei-
bung der guten und schädlichen Grasarten und Fut-
terge-

tergewächse nach den Gründen der neuern Landwirthschaft erörtert, und durch ein neues System mit dem Acker und Weinbau vereinigt worden. Frankfurt und Leipzig. 8. (Auctore IO. CHRIST. BERNHARDT).

Svar på Frågan, om Ekar och andra Löf-träd kunna, utan fara för röta eller Mask, barkas, förr än de fallas? Samt hura länge de til sin fördel, eller åtminstone utan skada, kunna stå på roten, sedan de äro barkade? Men i fall förenämde Barkning på stående träd prövas skadelig eller underkastad Missbruk; på hvad sätt skola då Garfverierne få bästa gång af Barken, utan at sielfva trädet därvid lider? hvilken Fråga af Kongl. Vetensk. Academien upgifven, år 1762. Stockholm. 8 mai.

Svar på Frågan hurn Kunna Mascar, som göra skada på Frukt-träd, medelst blommarnas och Löfvens affrätande, bäst förekommas och fördrifvas? hvilken Fråga af Kongl. Vetensk. Aca-
demien blef upgifven, år 1762. Stockholm. 8 mai.

Von der Natur des Torfes und von Zubereitung morastiger Gegenden zum Ackerbau. Bern. (Auctor prioris tract. est Cl. HAGEN Regiomont. altera disp. Praeside Cl. BERCH. defensa est, nunc in linguam teutonicam translata).

Auserlesene Sammlung zum Vortheil der Staatswirthschaft, der Naturforschung, und des Feldbaues, mit Beyfall der oekonomischen Gesellschaft in Bern aus dem Schwedischen übersetzt von GOTTLIEB SIEGMUND GRUNER; mit einer Vorrede vom Herrn VON HALLER. Erster Band. Basel. 8 mai.

Sammlung auserlesener Schriften von Staats und Landwirthschaftlichem Inhalte, mit Beyfall einer löblichen oekonomischen Gesellschaft zu Bern herausgegeben. Des ersten Bandes 3tes Stück. Bern. 8.

A Trea-

A Treatise of Agriculture. Edinburgh. 8.

Die Kunst sich geschwinde durch den Ackerbau zu bereichern. Alles durch Erfahrungen bewiesen; aus dem französischen übersetzt. Augspurg. 8.

Recueil des Deliberations et des Memoires de la Societé Royale d'Agriculture de la Generalité de Tours, pour l' Année 1761. a Tours.

Deliberations et Memoires de la Societé Royale d'Agriculture de la Generalité de Rouen. Tome I. a Rouen.

Allgemeine Haushaltungs und Landwissenschaft, aus den sichersten und neuesten Erfahrungen und Entdeckungen geprüft und in Ausübung gebracht von einer oeconomischen Gesellschaft in England. 2 und 3ter Theil. Hamburg und Leipzig. 8 mai.

Gedanken von der Mecklenburgischen Wirthschafts und Amtirungskunde, mit einigen merkwürdigen Beylagen. Leipzig. 4.

Das gerechte Verhältniß der Viehzucht zum Ackerbau, aus der verbesserten mecklenburgischen Wirthschaftsverfassung abgeleitet. Frankfurt und Leipzig. 8. m. K.

Sammlung oeconomischer Nachrichten, wie der Holzwachs befördert, bessere Erspahrung des Holzes eingeführt, dem Holzangel gesteuert, und das Bauholz nützlicher angewendet werden könne. Anspach. m. K. (Auctor est IO. CHRIST. HIRSCH).

Correspondance sur une question politique d'Agriculture. a Amsterdam et Paris. 12.

L'Econome politique. Projet pour enrichir et pour perfectioner l'espece humaine. a Paris. 12.

Onomatologia oeconomica practica; oder oeconomisches Wörterbuch, in welchem die allernöthigste, nützlichste und durch sichere Erfahrung bewährte Haushaltungskünste zur Stadt und Landwirthschaft gehörige unentbehrliche Anmerkungen, auserlesene Vortheile

Vorthelle und Handgriffe nach alphabetischer Ordnung beschrieben werden. Zum allgemeinen Nutzen des Bürgers und Landmanns, auch anderer, welche Landgüther haben. Aus den besten theils alten, theils neuen Quellen zusammen getragen, auch mit vielen neuen aus eigener Erfahrung gemachten nützlichen Anmerkungen bereichert, von einer Gesellschaft oeconomischer Liebhaber. 2 und 3ter Theil. Ulm, Frankfurt und Leipzig. 8 mai. (Prior Tomus iam prodiit 1760).

Exposition des Proprietés du Spalme considéré comme Courroy pour la conservation des Bâtimens de Mer; comme Enduit, pour celles des bois creux et des corps en general; comme Mastic, pour la jonction des Marbres, des Pierres et des Metaux, avec la maniere de l'employer sous ces trois rapports; a Paris. 8.

Versuch vom Daseyn des Eisens im Karlsbader Brudelsleine; in einem Sendschreiben an den Hr. D. GOTTLLOB CARL SPRINGSFELD. Dresden 8. (Auctore C. KLINGHAMMER Med. Studios.)

Versuch vom Mergel und dessen Wirkungen im Lande; Pyrmont. 8. (Auctore Cl. SEIP).

Sehr geheim gehaltene und nunmehr frey entdeckte experimentirte Kunststücke, die schönsten und raresten Farben zu verfertigen; ingleichen die Vergoldung und Versilberung, sowohl kalt, als im Feuer, auf Metall, Glas, Porcelain, den feinsten gelben und weissen Tombac, rare Composition der Edelgesteine, Glasuren, Holz und Steinvergoldung zu machen; wie auch Anweisung, das metallische Wachsthum zu befördern, das Gold radicaliter aufzuschließen, unreife Edelgesteine zur Reife zu bringen, fleckigte und gelbe Diamanten zu reinigen, und den blassen ihr Feuer wieder zu geben; nebst vielen andern unbekannten chymischen Experimenten und Handgriffen, mit einem

nem Anhang von der Japanischen Lackirkunst. Drey Theile. Dritte und vermehrte Auflage. Zittau und Leipzig. 8.

Cosmogenia oder neueste und älteste Naturgeschichte in brüderlichen Anschreiben. 1 und 2tes Quartal, oder 1 bis 6tes Stück. Amsterdam 8.

Melanges de Physique et de Morale, contenant un Extrait raisonné du Traité de l'Homme physique et moral; des Institutions medicales; des Observations sur les Regles generales pour la conservation et le retablissement de la Santé; des Reflexions sur le Bonheur; un Discours sur la nature et les fondemens du Pouvoir Politique; et un Memoire sur le Principe physique de la regeneration des Etres. Nouvelle Edition, augmentée en plusieurs endroits d'eclaircissements et de preuves etc. a Paris 12.

Description des Arts et Metiers par l'Academie Royale des Sciences, contenant 1) Le nouvel Art d'adoucir le fer fondu par Mr. DE REAUMUR; au quel on a joint le Traité de la Forge des Enclumes par Mr. DU HAMEL DU MONCEAU. 2) L'Art du Tuilier et de Briquetier par MM. DU HAMEL, FOURCROI et GALLON. 3) L'Art du Chamoiseur par M. DE LA LANDE. 4) L'Art de la Teinture en soie par M. MACQUER. 5) L'Art du Tonnelier par M. FOUGEROUX DE BONDAROY. a Paris. fol. mai. c. tab. aen.

Schauplatz der Künste und Handwerke, oder vollständige Beschreibung derselben, gefertigt oder gebilliget von denen Herren der Academie der Wissenschaften zu Paris. Zweyter Band, in das Teutsche übersetzt und mit Anmerkungen versehen von IOH. HEINRICH GOTTL. VON IUSTI. Berlin, Stettin und Leipzig. 4 mai. m. Kupfern.

(Reliqua proxime.)

Contenta

Contenta in hac parte.

1. Histoire Naturelle générale et particuliere avec la Description du Cabinet du Roi. Tome XI. pag.	179
2. BAUMERS <i>Naturgeschichte des Mineralreichs etc.</i>	195
3. Parallele de la petite verole naturelle avec l'artificielle par M. DE BAUX	200
4. Differtation sur la petite verole et l'inoculation.	201
5. Observations sur la petite verole naturelle et artificielle.	203
6. Reponse a une des principales Objections, qu'on oppose aux Partisans de l'inoculation	204
7. Avis sur l'inoculation de la petite verole	205
8. L'inoculation de la petite verole renvoyée a Londres	206
9. L'inoculation terrassée par le Bon Sens	207
10. Recherches sur la nature et l'inoculation de la petite verole	ibid.
11. Examen de l'inoculation	209
12. Lettre de Mr. GATTI a Mr. ROUX	210
13. Reflexions sur les prejuge's, qui s'opposent aux progres et a la perfection de l'inoculation par Mr. GATTI	211
14. Lettre de Mr. RAZOUX sur les inoculations faites a Nismes.	215
15. Lettre de Mr. DE LA CONDAMINE sur l'état present de l'inoculation	216
16. Rapport sur le Fait de l'inoculation de la petite verole	219
17. Memoire sur l'inoculation adressé aux Commissaires de la Faculté par Mr. ROUX	224
18. WRISBERG Pr. de insitione variolarum	225
19. I. C. SCHAEFFERS <i>Zwiefalter oder Aferjüngferchen</i>	226
20. Ejusd. <i>weichschaalige Cronen und Käulenkefer</i>	228
21. LINNAEI, fil. plantarum rariorum horti Vpsalienfis Decas I. II.	230
22. Journal de Medecine par Mr. ROUX. Tom. XVII. XVIII.	234
23. Theory	

23.	Theory and Practice of Chirurgical Pharmacy	258
24.	De l' air, de la terre et des eaux de Boulogne sur Mer, par Mr. DESMARS	263
25.	CAMPER Demonstrationum anat. physiologicarum liber II.	270
26.	ROB. WHYTT'S Physiological Essays.	277
27.	De splenis usu morboque splenico liber	289
28.	Manuel de Chymie par Mr. BAUME'	293
29.	The vegetable System by JOHN HILL. Vol. II. III. IV.	296
30.	Discorso della Irritabilita d'alcune Fiori	307
31.	Abhandlungen der Naturforschenden Gesellschaft in Zürich 2ter Band.	309
32.	Observations on some of the Diseases of the Human Body, by CLOSSY	313
33.	LÜDERS'S, Diff. de educatione liberorum medica	315
34.	Zoophylacii Gronouiani fasciculus II.	318
35.	Essays on Medical Subjects by TH. GATAKER.	321
36.	MUSSCHENBROEKII introductio in philosophiam naturalem T. I. II.	327
37.	ZANNINI mercurii sublimati vindiciae	339
38.	LUDWIG. institutiones medicinae forensis	341
39.	Noua physico-medica	349
40.	Index scriptorum physico-medicorum, quae anno 1763 prodierunt.	359

